

7 Kalaallit Nunaata kujataani inunniq angallassineq

Kalaallit Nunaata kujataani inunniq angallassineq pillugu kapitali manna 2010-mi septembarip naanerani Assartuussineq pillugu Isumalioqatigiissitap Nassuaataani tamanut ammasumik saqqummersinneqarpoq, uani: *Kalaallit Nunaata kujataani assartuussinermut attaveqaatit*, 2010-mi juulimi.

Kalaallit Nunaata kujataani inunniq angallassineq pillugu nassuaatip imarisai kapitalimi matumani issuarneqarput, taamaattori ilassutaasumik misissuinerit aammalu siornatigut misissuisarsimanernut iluarsiissutit ataasiakkaat suliarineqarlutik. Tamatuma saniatigut nassuaammi kiffartuussinernut sullissinernullu allanut immikkoortoq kapitali 14-imut nuunneqarpoq.

Siusinnerusukkut tamanut ammasumik saqqummiunneqartumut naleqqiullugu allannguutit uku suliarineqarput:

- Kalaallit Nunaata kujataata iluani ilaasunik angallassinerup immikkoortoq 7.4-mi misissuiffigineqarnerani, nassuaammi 2010-mi oqaatigineqartutut, piffissap sikorsuaqannginnerata/immap sikoqannginnerata avataani qulimiguulimmik assartuussisarnermut taarsiullugu angallatit minnerit atorneqarnissaat tunngavigineqarpoq.
- Mittarfiup Narsarsuarmiit Qaqortumut nuunneqarnerani sunniutissat misissuiffigineqarnerini malussajassutsimik misissuinermi takornariaqarnermut sunniutissat iluarsineqarput. Isumaliutissiissummi matumani misissuinerni allani aallaavii atorneqartut assingi atorneqarput, maannakkut sunniutissat annertussusissaat timmisartuussinermi akit allannguutissaattut naatsorsorneqartunut toqqaannartumik atatinneqalermta. Ilanngussaq 1.1-imi aamma 8.1-imi naatsorsueratsit atorneqartut ersarinnerusumik nassuiarneqarput.
- Malussajassutsimut misissuineq sulia alla ataaseq ilanngunneqarpoq. Taakkunani Narsarsuarmi mittarfiup matuneqarnerani sipaarutissat affaannangornerisa sunniutissaat saqqummiunneqarput.

Kiisalu isumaliutissiissutip sinnerata annertussusianut eqqarsaatigisassat ilaatigut pissutaallutik, iluarsiinerit minnerusut arlallit aaqqissuussinermullu atatillugu iluarsiissutit ilanngunneqarput.

Allannguinerit inerniliinerit pingaarcerit inassuteqaatillu iluarsineqarnerinik kinguneqassanngillat.

Kalaallit Nunaata kujataani pissutsit peqqutaallutik inunniq angallassineq ataatsimoortillugu misissorneqartariaqarpoq, tassalu angallassinerup silaannakkut, imaatigut imaluunniit nunakkut pinera apeqqutaatinnagu. Kalaallit Nunaata kujataani mittarfiup qitiusup inissisimaffissaa, Narsarsuup aamma Qaqortup akornanni toqcarneqartussaq assersuutigalugu nunakkut kiisalu imaatigut assartuussinissamut periarfissat ilanngutinngikaanni aalajangiiffiqeqarsinnaanngilaq.

Assartuussineq pillugu isumalioqatigiissitap Kalaallit Nunaata kujataani inunniq angallassinerik misissuinerai kapitali matumani eqiterutsillugu saqqummiunneqarpoq, tassanili sineriak sinerlugu imaatigut ilaasunik angallassineq, AUL-imut isumagineqartoq kapitali 15-imi misissueqqissaarfingineqarpoq, taamatullu immikkut ittumik sullissinerit, SAR-imut aammalu peqqinnissaqarfimmut il.il. atatillugu Sikunik Alapernaarsuiffimmit isumagineqartut kapitali 14-imi misissuiffigineqarlutik. Misissuinerilli taakku nassatarisassaat kapitalimut matumunnga ilanngunneqarput.

Immikkoortoq 7.1-imi maannakkut Kalaallit Nunaata kujataani silaannakkut nunakkullu angallassinermut attaveqaatit atorneqartut takussutissiorneqarput. Umiarsualivinnut atatillugu angallassinermut attaveqaatit immikkoortoq 2.3-mi nassuaatigineqarput. Tassunga nangissutit mittarfiup Narsarsuarmiit Qaqortumut, Kalaallit Nunaata kujataani illoqarfitt annersaannut nuunneqarnerani inuiaqtigii aningasaqarnerannut sunniutissat immikkoortoq 7.2-mi




misisoqqissaarneqarput. Immikkoortoq 7.3-mi aqqusinniassat, mittarfiup Narsarsuarmiit Qaqortumut nuunneqarnissaata taarsiullugu sananeqarlutik Narsarsuarmi mittarfimmiit Qaqortumut Narsamullu atassusiisussat misissueqqissaarfingineqarput. Kalaallit Nunaata kujataata iluani ilaasunik angallassineq immikkoortoq 7.4-mi misissueqqissaarfingineqarpoq. Immikkoortoq 7.5-imi Qaqortup aamma Narsap akornanni aqqusinniornissaq/angallasiinissaq immikkut misissueqqissaarfingineqarpoq. Kalaallit Nunaata kujataani, soorlu Nanortalimmi mittarfinnik nalinginnaasunik sananissamut periarfissat immikkoortoq 7.6-imi sammineqarput. Immikkoortoq 7.7 Kalaallit Nunaata kujataani inunnik angallassinermut tunngatillugu Assartuussineq pillugu isumalioqatigiissitap inassuteqaataasa takussutissiornerinik imaqarpoq.

7.1 Silaannakkut angallanneq aamma aqqusinikkut angallanneq

Narsarsuarmi mittarfik nunat tamat akornanni mittarfiuvoq, aammalu nunap immikkoortuani mittarfinni kisiartaalluni. Nunap immikkoortuani angallanneq pingaartumik imaatigut angallatit ilaasartaatit qulimiguullllu atorlugu ingerlanneqarpoq. Taamaattumik Narsarsuaq aamma Kalaallit Nunaata kujataani silaannakkut angallannermi eqiteruffiuvoq. Mittarfik aallaqqaammut sakkutooqarnermi atugassatut sananeqarsimavoq.

Nunat tamat akornanni angallannermi Narsarsuarmut angalasarneq ukiuni kingulliunnerusuni ukioq kaajallallugu sapaatit akunneranut ataasiarlumi Københavnmut aamma aasaanerani Islandimut pisartussatut killiligaavoq. 2010-miit aasaanerani Københavnmut aamma aasaanerani Islandimut (Air Iceland-imik) angallassinerit kisimik ingerlanneqalerput. Ilusiliaq 7.1.1-imi Kalaallit Nunaata kujataani mittarfiit, heliportit aamma helistoppit inissismaffi takutinneqarput.



Ilusiliaq 7.1.1 Kalaallit Nunaata kujataani mittarfiit, heliportit aamma helistoppit

Takussutissiaq 7.1.1-imí 2008-mi nunap immikkoortuani mittarfinni, heliportini aamma helistoppini timmisartunut imaluunniit qulimiguulinnut ikitut amerlassusaat takussutissiorneqarput. Aamma 2008-mi timmisartut mittarfinnit heliportinillu aallartut, kiisalu sapaatip akunneranut timmisartut/qulimiguullit angallavinni angalatinneqartut aallartut katinneri takussutissiami takutinneqarput.



Takussutissiaq 7.1.1 Mittarfinni, heliportini aamma helistoppini ikisut amerlassusaat, kiisalu 2008-mi sapaatip akunnikkaartumik qulimiguullit/timmisartut aallartut amerlassusaat, Nunap kujataani immikkoortua, 2008

Timmisartoqarfíup aqqa	Timmisartoqarfíup suussusaa	2008-mi aallartut katillugu amerlassusaat	2008-mi ilaasut ikisut katillugu amerlassusaat	Sapaatip akunneranut angallavinni qulimiguullit/timmisartut aallarneri ^a
Nanortalik	Heliport	632	4.627	Qulimiguullit: 1-2
Alluitsup Paa	Helistop	213	962	
Ammassivik	Helistop	85	238	
Aappilattoq	Helistop	87	387	
Narsaq Kujalleq	Helistop	104	421	
Tasiusaq	Helistop	60	256	
Qaqortoq	Heliport	2.334	15.085	Qulimiguullit: >10
Qassimiut	Helistop	40	64	
Egalugaarsuit	Helistop	42	106	
Saarloq	Helistop	22	67	
Igaliko	Helistop	15	31	
Qassiarsuk	Helistop	15	34	
Narsaq	Heliport	689	7.214	Qulimiguullit: 3-5
Narsarsuaq	Mittarfik	3.275	33.491	>15

a. Aallartunik nalunaarsuiffigineqannngitsuni nalinginnaasumik sapaatip akunneranut minnerpaamik ataatsimik aallartoqartarpooq.

Najoqqutarisaq: Mittarfeqarfíit 2008-mut ukiumoortumik nalunaarusiaa.

2008-mi nunap avataanit ilaasunit katillugit 33.500 missaanniittunit 10.700-t missaanniittut Narsarsuarmut ilaasimapput. Tassunga assersuutitut oqaatigineqassaaq, ukumi tassani nunap avataaniit Kangerlussuarmut ilaasimasut 57.000-t missaanniissimammata.

2010-mi qulimiguullit uku Kalaallit Nunaata kujataanit aallaaveqartinneqarput:

- 1 x Sikorsky S61N (issiaviit 19/25-it¹⁰⁰) (2012-imí atorunnaarnissa naatsorsuutigineqartoq)
- 1 x Bell 212 (issiaviit 9-t)
- 1 x Eurocopter AS 350

Kalaallit Nunaata kujataani qulimiguullit atorlugit timmisartuussinerit tamarmik ilaasunik angallassinerni kiffartunneqarnissamik isumaqatigiissut, aningaasanut inatsimmi 22,5 mio. koruuninik¹⁰¹ aningaasaliiffigineqartoq aqqutigalugu ingerlanneqarpoq, tak. immikkoortoq 2.5. Qulimiguulik S61 pingaartumik illoqarfíit aamma Narsarsuup akornanni ilaasunik angallassinermut atorneqarpoq, aammalu SAR-imut upalungaarsimanermi ilaatinneqarluni.¹⁰² Qulimiguulik Bell 212

¹⁰⁰ Angallavinni ilaasut 19-it, tassanilu ilaasut tamarmik immikkut 20 kg tikillugu nassataqarsinnaapput. Attartortitsilluni timmisartuussisoqassappat ilaasut 25-it, soorlu Sermersuarmut takornarianik.

¹⁰¹ Najoqqutarisaq: "2010-mut aningaasanut inatsit", Namminersorlutik Oqartussat.

¹⁰² Qulimiguullip Search And Rescue-mut (SAR-imut) upalungaarsimatinneqarnera kapitali 14-imí annertunerusumik nassuiarneqarpoq.

nunaqarfinnik sullissinernut atorneqarpoq, taassuma saniatigut qulimiguulik AS 350 Narsarsuarmi Sikunik Alapernaarsuiffimmik aalajangersimasumik attartorneqarpoq.¹⁰³.

Angallannermi unammilligassat immikkut ittut

Kalaallit Nunaata kujataani silaannakkut angallassinermi unammilligassanit immikkut ittunit taaneqarsinnaasut ilaat tassaavoq, sumiiffinni innuttaasut eqiteruffini qanittumut mittarfinnik inissiinissaq. Taanna nunap immikkoortuani mittarfiusinnaavoq, imaluunniit Imarpik qulaallugu timmisartunut mittarfiusinnaalluni. Tamatumunnga atatillugu Narsarsuup siunissaa eqqarsaatigineqartariaqarpoq.

Qulimiguullit illoqarfiiit akornanni inunniq assartuutitut atorneqartut, annertuumik aningaasartuuteqarfiusartut taarserneqarnissaat siunertaralugu, Nanortalimmi heliportimut taartissatut mittarfimmik nalinginnaasumik, timmisartut mikisut, 19-inik ilaasoqarsinnaasut miffigisinnaasaanik sanasoqarsinnaanera eqqarsaatigineqarsinnaavoq.

Aammattaaq sikorsuaqannginnerup nalaani qulimiguullip angisuup aamma qulimiguullip nunaqarfiliartaatip imaatigut angallatinik minnerusunik, ilaasunik angallassinissamut naleqquttunik taarserneqarnissaat eqqarsaatigineqartariaqarpoq, soorlumi Qeqertarsuup Tunuani aasakkut taamaattoqareersoq. Tamannali SAR-imut upalungaarsimanermut, qulimiguulinnut pineqartunut attuumassuteqartumut atasutut isigineqassaaq.

Kalaallit Nunaata kujataani sumiiffinni ataasiakkaani aqqusernit ataqtigijit ujaraaqqanik qallersugaapput. Ilaatigut nunaqarfiiup Igalkup eqqaani Vatnaverfi-mi taamaallutik¹⁰⁴. 1980-ikkuni tassani aqqusinermik ujaraaqqanik qallikkamik 23 km-imik sanasoqarpoq, taannalu atorlugu illut savaateqarfiillu 20-t missaanniittut atassuserneqarput. Savaatillit namminneerlutik aqqusinniorruupput, ukiumoortumillu taakkuninnga aserfallatsaaliuineq isumagisaralugu. Piffissap ingerlanerani kommuni aqqusinernik pioreersunik aserfallatsaaliuinermut tapiissuteqarsimavoq, kisiannili aqqusinernik nutaanik sanaartornissamut aningaasaliisarani.

Aallaqqaammut aqqusernit traktorit illernisut sananeqarput, ilaatigut aqqusinniornermut atortussat amerlanngimmata, ilaatigullu traktorit kisimik atorneqarsinnaasimallutik. Kisianni maannakkut ukiorpauuit ingerlareersimapput biilerpaaluillu pigineqalersimallutik, sulili biilit portusuut assakaasumikkut sisamaasunit nutsuisullit kisimik atorneqarput, aqqusernit ujaraaqqanik qallikkat ilusaat biilinut nalinginnaasunut naleqqutinngimmata.

Ukiuni kingullerni kommuni Qaqortup eqqaani illoqarfiiup tunuata tungaani qaqqaq ituillugu aqqusinermik suliffiusumik sanalluni aallartissimavoq. Aqqusineq suliffiusoq qaqqap illuata tungaani imaq tikillugu sananeqarsimavoq, tassanilu siunnerfigineqarpoq piffissap ingerlanerani aqqusineq taanna tallillugu avannamut Narsap tungaanut sananeqassasoq.

¹⁰³ Qulimiguullip Narsarsuarmi Sikunik Alapernaarsuiffimmik sullissinera kapitali 14-imik annertunerusumik nassuiarneqarpoq.


¹⁰⁴ Dansk Vejtidsskrift 2009. "Kalaallit Nunaata kujataani aqqusinniorneq ineriartortitsinerlu". 2009-mi aggustimi.

7.2 Narsarsuarmi mittarfiup Qaqortumut nuunneqarnissaa

Mittarfiup Narsarsuarmi inisisimanera ingerlasussanik piareersaaneq aqutsinerlu eqqarsaatigalugit pitsasuunngilaq, tassami angalasuni Narsarsuarmiit aallaaveqartunik tassungaluunniit tikittartunik soqanngilaq ikittuararsuullutilluunniit. Ingerlasussanik piareersaaneq aqutsinerlu pitsaanerulissappat Qaqortumi mittarfiliortoqarsinnaavoq. Tassani qinigassat marluk misissuiffigineqarput: mittarfik 1199 m-inik takissusilik aamma mittarfik 1799 m-inik takissusilik.

Mittarfiit takissusaat taakkunanilu pisinnaasassat

Mittarfimmut 1199 m-imut sanilliullugu timmisartut anginerusut assigiinngitsullu amerlanerusut mittarfimmut 1799 m-imut missinnaapput. Mittarfimmut 1799 m-imut timmisartut sukkasuuliat, 200-t tikillugit ilaasoqarsinnaasut missinnaapput. Tassunga assersuutitut mittarfimmut 1199-imut timmisartut sukkasuuliat, 100-t tikillugit ilaasoqarsinnaasut missinnaapput. Timmisartut sarpillit tamarmik mittarfimmut 1799 m-imut missinnaapput. Mittarfimmi 1199 m-imi timmisartut sarpillit annerusut aallarnerminni oqimaassusaat tingeriarfissaasalu takissusat (orsernissap killeqarnera pissutigalugu) killeqartussaapput. Timmisartut qulimiguullillu aalajangersimasut, Qaqortumi mittarfimmut missinnaasussat Narsarsuarmi eqqaanilu timmisartut atorneqareersut assigissagaat naatsorsuutigineqarpoq, taakkulu ilaatigut tassaapput Dash-7, Dash-8, Boeing 757 aamma Avro-RJ-100.



Ilusiliaq 7.2.1 Qaqortup eqqaani mittarfissamut pilersaarutit

Ilusiliaq 7.2.1-imik takuneqarsinnaasutut siusinnerusukkut Qaqortup eqqaani mittarfimmut inissiiffissat periarfissat assigiinngitsut tallimat misissuiffigineqarsimapput. Taamaallaalli inissiiffissaq 3-mi (Nordfjeldip avannaani) mittarfimmik 1799 m-inik takissusilimmik sanasoqarsinnaasoq misisueqqarnerni paasineqarpoq, aammalu inissiiffissami tassani mittarfik 2100 m-it tikillugit takissuseqarsinnaavoq. Inissiiffissani allani mittarfinnik 1199 m-inik sanasoqarsinnaavoq, inissiiffissamili 1-imik mittarfik 1500 m-inngorsinnaalluni, tamannalu aamma inissiiffissaq 2-mi ajornassangilaq, tamannali pissappat mittarfinni oqartussaasut immikkut ittumik isumaqtiginniniuteqarfingineqartariaqarput.

Inissiiffissani tamani 1199 m-imik mittarfiliornissamut piviusuusaartitsisoqarpoq, tassungali inissiiffissaq 4 ilaatinneqanngilaq, sumiiffimmi tassani illoqarfimmik ineriartortitsineq

aallartinneqarsimammat taanna periarfissaajunnaarmat. Mittarfiit 1199 m-inik aamma 1799 m-inik takissusillit kisimik naatsorsuiffigineqarput.

Piffissaq eqqorlugu tikittartut akulikissusiat

Silamik pissuteqartumik piffissaq eqqorlugu tikittartut akulikissusaannut (timmisartut kategori C-t mittarnerisa tingisernerisalu akulikissusaannut) tunngatillugu, Qaqortup eqqaani mittarfinnik inissiiffissani tamani (akulikissutsimik missiliuinermi 81 % - 84 %-inik¹⁰⁵ annertussusiligaasuni) Narsarsuarmi mittarfimmum pioerersumut (akulikissutsimik missiliuinermi 82 %-inik aamma 86 %-inik¹⁰⁶ annertussusiligaasumut) sanilliullugu annertoqatigiittutut isikkoqarpoq. Piffissaq eqqorlugu tikittartut akulikissusaanni taama annikitsigisumik assigiinngissuteqarnerat pissutigalugu, tamanna inuiaqatigiit aningaasaqarnerannut annertuumik sunniuteqarsinnaanngitsutut naliliiffigineqarpoq, taamaattumillu misissuinerugallartuni piffissaq eqqorlugu tikittartut akulikissusaanni assigiinngissutaasut tunngavigalugit iluarsiisoqanngilaq.¹⁰⁷ Taamaattorli oqaatigineqassaaq, maannamut misissueqqaarnerusimasut tunngavigalugit inissiiffissaq 3-mi silamik pissuteqartumik tикингитсоортартут ikinnerpaajussammata. Naliliinernili inaarutaasuni piffissaq eqqorlugu tikittartut akulikissusissaannik misissuinerit annertunerusut, ilaatigut malitassiassat allattorsimaffianni siunnerfigineqartut tunngavigineqartariaqarput.

Inissiiffissaq 3-mut inissiinermi iluaqtissat akornutissallu

Ilusiliaq 7.2.1-imik takuneqarsinnaasutut inissiiffissaq 3-mi illoqarfip mittarfullu akornanni aqqusineq takingaatsiartoq, 10 km-it missaannik takissuseqartoq sananeqartussaavoq, taamaattumillu mittarfinnut allanut naleeqiullugu aqqusinniornermi sanaartornermut aningaasartuutit aamma qaffasinnerusussaallutik. Tamatuma saniatigut inissiiffissaq 3-mi qaartiterinermut aningaasartuutissat amerlanerussapput, taamaattumillu mittarfiip 1199 m-ip inissiiffissaq 3-mi sananeqarnissaa, assersuutigalugu inissiiffissaq 2-mi sananeqarneraniit 60%-imik akisunerussaaq. Assartuussineq pillugu Isumalioqatigiisitap – oqaatigineqartutulli mittarfik 1199 m-imik takissusilerneqassappat – inissiiffissaq 3-mik tunngaveqarneranut pissutaavoq, siunissami aaqqiisarnerit eqaassusaasa pigiinnarneqarnissaat kissaatigineqarmat, tassami timmisartuni teknologiimik ineriartortitsinerup kingunerisaanik mittarfiit 1199 m-inik takissusillit, immaqalu mittarfiit 1500 m-it tikillugit takissusillit timmisartunit killeqartunik amerlassusilimmit tикингиталериннааппут, tak. ilanngussaq 5.1.

Kalaallit Nunaata kujataani mittarfik qitiusoq Narsarsuarmiit Qaqortumut nuunneqassappat, tamanna timmisartuusseriaatsimut allannguisussaavoq – ilaatigut Narsarsuup aamma Qaqortup akornanni qulimiguulimik timmisartuussisarnerit atorunnaarsinneqassallutik. Taamaalilluni Kalaallit Nunaata kujataani tamarmiusumi angallassinissanut pilersaarutit tamarmik allanngortinneqassapput. Angallassinerit sunniutissaannik misissueqqaarnermi angallassinissanut pilersaarutit iluarsineqarnerini sullisisut tamarmik tunngaviusumik timmisartut qulimiguullillu assigiiit atorsinnaassavaat. Taamaalilluni ilaatigut qulimiguullit Qaqortumi mittarfiip kiisalu illoqarfifit Narsap Nanortallillu akornanni angallassinermi sullissiinnarnissaat naatsorsuutigineqarpoq.

¹⁰⁵ Mittarfeqarfuit 2000. *Allakkiaq sulinermi atugassaq nr. 2.1, Qaqortoq.* 15.11.2000 imm. 3.2.2, 3.3.2 aamma 3.4.2, kiisalu Mittarfeqarfuit 2004 *Angallannermut sanaartukkat, Sanaartugassanut nassuaatit missingersuutillu, Qaqortup Narsallu akornanni mittarfik.* 27.05.2004 imm. 3.2.2 aamma 3.3.2.

¹⁰⁶ Mittarfeqarfuit 2000. *Allakkiaq sulinermi atugassaq nr. 3.1, Narsarsuaq.* 15.11.2000. imm. 3.2.1.

¹⁰⁷ Tamanna aamma nunami mittarfiup qitiusup Kangerlussuarmiiginnarnissaanut imaluunniit taassuma taarserneqarnissaanut tunngatillugu isigineqassaaq.



Qinigassani marluusuni assigiinngissutaasoq annerpaaq tassaavoq, Qaqortumi 1199 m-imik mittarfiliortoqassappat Danmarkimut Imarpik qulaallugu toqqaannartumik timmisartuussinissaq periarfissaaruttussaammat. Tamatuma kingunerisaanik Kalaallit Nunaata Danmarkillu akornanni ilaasut nassiuallu Kangerlussuaq imaluunniit Island aqqusaartalertussaavaat. Taamaattumik mittarfik 1199 m sananeqassappat, ukioq kaajallallugu Qaqortumiit Kangerlussuarmut toqqaannartumik timmisartuussisoqartalissaq. Qaqortumi mittarfik 1799 m sananeqassappat, timmisartuussisarnissaq, qulimiguulimmik timmisartuussisarnerup annertussusaa eqqaasanngikkaanni, ullumikkut Narsarsuarmut timmisartuussisarnermit allaanerungaassanngilaq.

Tunngaviusut allat


Narsarsuaq matuneqassappat, innuttaasut amerlanersaasa nunaqarfimmiit Qaqortumut nuutsinneqarnissaat naatsorsuinermi tunngavagineqarpoq, tamatumunngami atatillugu Narsarsuarmi mittarfimmi sulisut Qaqortumi mittarfimmi atorfimmik assinganut neqeroorfigineqarnissaat eqqarsaatigissallugu naleqqummat. Taamatuttaaq Qaqortumi heliportip pioreersup matuneqarnissaa, aammalu timmisartuussinerit tamarmik, taakkununnga nunaqarfinnut qulimiguulimmik timmisartuussinerit, SAR-imut suliassat aamma Kalaallit Nunaanni sikunik alapernaarsuineq ilanngullugit, sumiiffimmit nutaamit ingerlanneqarnissaat naatsorsuinerni tunngavagineqarput.

Mittarfik Narsarsuarmiit Qaqortumut nuunneqassappat, tamanna aningaasaqarnikkut sunniutaagallartunik arlalinnik misigisaqarfingeqassaaq, taakkulu ilanngussaq 7.1-imil annertunerusumik nassuiardeqarput.

Inuaqatigii aningaasaqarneranni ineriertortitsinissamut naatsorsuutigisat tamarmiusut, skema 1.5.1-imi eqikkarneqartut, aammalu mittarfiup nuunneqarneranut naatsorsuutigisat immikkut ittut – tassunga ilanngussaq 7.1-imil missingersuusiarineqartut ilanngullugit – aallaavigalugit, Kalaallit Nunaata kujataani mittarfiup qitiusup Narsarsuarmiit Qaqortumut nuunneqarnerani angallannermut aningaasaqarnermullu kingunerisassat naatsorsorneqarput. Taaneqareersutut ilaatigut Qaqortumi mittarfik 1199 m-iusoq ilaatigullu 1799 m-iusoq misissuiffingeqarput.

7.2.1 Ilaasut aqqusaartartut allannguutissaat

Mittarfiup Narsarsuarmiit Qaqortumut nuunneqarnerani 2030-mi aasakkut sapaatip akunneranut aqquaartartussat naatsorsorneqarnerini ilaasut aqquaartartut allannguutissaattut missiliorneqartut ilusiliaq 7.2.2-mi takutinneqarput. Titarnerit qorsuit atorlugit ineriertorfissanut takussutissiaq 1-imil Narsarsuaq Kalaallit Nunaata kujataani mittarfittut qitiusutut atuinnassappat tunngavagineqartut takutinneqarput.




*Ilusiliaq 7.2.2 Ineriartorfissatut takussutissiaq 1-imí Narsarsuaq mittarfeqarfittut ingerlaannassappat
2030-mi aasaanerani sapaatip akunnerannut ilaasut aqquaartartut amerlassusissaat*

Nassuaat: Titarnerni qorsunni kisitsisit aasaanerani sapaatip akunneranut ataatsimut agguaqatigiissillugit ilaasartut naatsorsorneqartut tamarmik ilaatinneqarput, tassalu nunaqavissut, takornariat nunanillu allaniit inuussutissarsiornermut atatillugu

Qaqortumi mittarfik 1199 m angalasut

Ilusiliaq 7.2.3-mi Narsarsuarmi mittarfik matullugu Qaqortumi 1199 m-imik mittarfiliortoqassappat, ilusiliaq 7.2.2-mut naleqqiullugu ilaasut aqquaartartut allannguutissaat takutinneqarput. Taamatuttaaq ilusiliaq 7.2.4-mi Qaqortumi 1799 m-imik mittarfiliortoqassappat ilaasut aqquaartartut allannguutissaat takutinneqarput. Aamma ineriartorfissanut takussutissiaq 1-imí tunngavissat atorlugit 2030-mi aasakkut sapaatip akunneranut ilaasut aqquaartartussat allanneqarput.

Titarnerni aappaluttuni (kisitsisit amerleriarfiusut) sumi ilaasut aqquaartartut amerlissanersut takutinneqarpoq, kiisalu titarnerni tungujortuni (kisitsisit ikileriarfiusut) sumi ilaasut ikilissanersut takutinneqarpoq.



Ilusiliaq 7.2.3 Ineriartorfissatut takussutissiaq 1-imik Qaqortumi mittarfimmik 1199 m-imik sanasoqassappat 2030-mi aasaanerani sapaatip akunneranut ilaasut aqquaartartut allannguitissaat


Nassuaat: Kisitsisini aasaanerani sapaatip akunneranut ataatsimut agguaqatigiissillugit ilaasartut naatsorsorneqartut tamarmik ilaatinneqarput, tassalu nunaqavissut, takornariat nunanillu allaniit inuussutissarsiornermut atatillugu angalasut.

Qaqortumi 1199 m-imik mittarfiliornermi Kalaallit Nunaata kujataata Danmarkillu akornanni toqqaannartumik angallannerup unitsinneqarnissaa ilusiliaq 7.2.3-mi takutinnejqarpooq. Tamanna Narsarsuarmiit titarneq tungujortoq silittoq, titarnerlu aappaluttoq silittoq Qaqortumiit Kangerlussuarmut atassusiisoq atorlugit takutinnejqarpooq. Naatsorsuinerit malillugit ilaasut tallimaraarterutaat sisamat, siornatigut Kalaallit Nunaata kujataaniit Danmarkimut timmisartorsinnaasimasut Kangerlussuaq aqquaarlungu Danmarkimut timmisartorsinnaalissapput, sinnerili tallimaraarterutaannik ataatsinik amerlassusillit Island aqquaarlungu timmisartorsinnaalissallutik. Aasaanerani inuit Narsarsuarmiit Danmarkimut angallavimmik atuisartut ilaat Kalaallit Nunaata kujataaneersuuneq ajorput. Air Greenlandip missiliugai malillugit aasaanerani ilaasut 20%-iisa missaat Narsarsuaq aqquaarlungu Danmarkimut angalasartut Kalaallit Nunaata kujataata avataani nunap immikkoortuisuuneersuusarput. Kisiannili angallaviit sammiviini marluusuni ilaasartut amerlaqatigiinneq ajorput, assersuutigalugu Nuummiit Kalaallit Nunaata kujataa aqquaarlungu angalasartut utimut angalasartunit amerlanerusarmata

Kalaallit Nunaata kujataani qulimiguullit angallavii, siornatigut Narsarsuarmiit/Narsarsuarmut angallaviusartut tammavittussaapput imaluunniit Qaqortumut/Qaqortumiit qulimiguullit angallaviiniit taarserneqartussaallutik. Tamatumma saniatigut nunap iluani ilaasut angalasarnerat annikitsuinnarmik sunniuteqarfingineqartussaavoq, Nuummut/Nuummiit aamma Paamiunut/Paamiuniit angallavinni Narsarsuaq attaveqarfingineerulluni Qaqortoq attaveqarfingineqalersussaammat.

Qaqortumi mittarfik 1799 m

Qaqortumi 1799 m-imik mittarfiliortoqassappat, ilaasut aqquaartartut allannguutissaattut missiliukkut ilusiliaq 7.2.4-mi takutinneqarput.



Ilusiliaq 7.2.4 Ineriarfissatut takussutissiaq 1-imi Qaqortumi mittarfimmik 1799 m-imik sanasoqassappat 2030-mi aasaanerani sapaatip akunneranut ilaasut aqquaartartut allannguutissaat

Nassuaat: Kisitsisini aasaanerani sapaatip akunneranut ataatsimut agquaatigiissillugit ilaasartut naatsorsorneqartut tamarmik ilatinneqarput, tassalu nunaqvissut, takornariat nunanillu allaniit inuussutissarsiornermut atatillugu angalasut.

Qaqortumi 1799 m-imik takissusilimmik mittarfiliortoqassappat, Kalaallit Nunaata kujataata aamma Danmarkip akornanni ilaasartut Narsarsuarmiit Qaqortumut nuussasut ilusiliaq 7.2.4-mi takutinneqarpoq. Tamanna Qaqortumiit titarneq aappaluttoq silittoq aamma Narsarsuarmiit titarneq tungujortoq silittoq atorlugit takussutissiorneqarpoq. Naatsorsuinerni angallasseriaatsimi angallavinni nussuinissaq annertunavianngitsoq takutinneqarpoq, tassanilu taamaallaat Narsarsuarmi mittarfik Qaqortumi mittarfimmit taarserneqassaaq.

Piffissap angalaffiusup allannguutissai

Narsarsuarmi mittarfik Qaqortumut nuunneqassappat, angalasup piffissaq angalanermut atortagaa allannguuteqassaaq. 2030-mi mittarfimmi 1199 m-imik aamma 1799-m-imik takissuseqartumi allannguutissatut missiliukkut, ukiuunerani aasaaneranilu agquaatigiissitsinermut oqimalutarlugit takussutissiaq 7.2.1-imik takutinneqarput.

**Takussutissiaq 7.2.1**

Ineriartorfissatut takussutissiaq 1-imik Qaqortumi mittarfimmik 1199 m-imik aamma 1799 m-imik sananermi Narsarsuup ingerlaannarnissaanut naleeqqiullugu ukioq kaajallallugu (ukiuunerani aasaaneranilu agguaqatigiissitsineq tunngavigalugu) piffissat angalaffiusut (nalunaaquittap akunnerisa) assiginnngissutaat. Kisitsisit sinneqartoorutaappata tassaassapput annasat/luanaarutit

Uuttuut	Nunaqavissut, inuussutissarsiornermi angalasut <i>inuit nal.ak</i>	Nunaqavissut, Nammneq angalasut <i>inuit nal.ak</i>	Inuussutissars iortut (nunaqavissuunngitsut) <i>inuit nal.ak</i>	Takornaria-qarneq <i>inuit nal.ak.</i>	Nassiussat, timmisartumik <i>kgtimer</i>	Allakkat <i>kgtimer</i>
Perarfissaq 1 (1199 m) – 2030						
Piffissaq angalaffiusoq	-897	-232	-841	-11.575	-70.152	-5.898
Piffissaq kinguaattoorfiusoq	120	0	-5	-6	1.486	177
Piffissaq aallerfiusoq aatsiffiusorlu	-2.307	-576	-403	-4.680	-437.238	-79.562
Piffissaq taarsiifflusoq	28.403	7.025	3.332	-16.937	3.785.030	383.894
Taarsiineq (amerlassusai)	5.154	1.293	774	-2.295	343.687	34.934
Perarfissaq 2 (1799 m) – 2030						
Piffissaq angalaffiusoq	3.023	755	637	1.319	222.703	23.909
Piffissaq kinguaattoorfiusoq	140	0	3	5	2.705	292
Piffissaq aallerfiusoq aatsiffiusorlu	-2.307	-576	-403	-4.680	-437.238	-79.562
Piffissaq taarsiifflusoq	42.024	10.461	7.856	8.610	4.187.872	425.282
Taarsiineq (amerlassusai)	7.299	1.831	1.532	2.525	459.450	46.718

Nassuaat: Piffissat angalaffiusut taamatullu piffissat angalaffiusut nikingassutaat il.il. ukiuunerani aasaaneranilu agguaqatigiissitsineq tunngavigalugu naatsorsugaapput. Piffissami angalaffiusumi piffissaq timmisartumi atorneqartoq pineqarpoq. Piffissaq kinguaattoorfiusoq tassaavoq piffissap angalaffiusup agguaqatigiissinneranut ilassutasoq, mittarfiiut angalanermi aqusaarneqartussat sila pissutigalugu tikinnejarsinnaanginnerannut assiginnngitsunut pissuteqartut. Piffissaq aallerfiusoq aatsiffiusorlu tassaavoq, piffissaq mittarfimmumittarfimmillut atorneqartoq. Piffissaq taarsiifflusoq tassaavoq piffissaq ilaasut akunnittut tikinnermiit aallarnermut mittarfimmi utaqqiffiat. Imikkortitikkat taakku saniatigut angallannermut najoqquṭassami piffissaq nikerartumik taasaq naatsorsorneqarpoq. Piffissaq nikerartoq tassaavoq aallarnissap allangornerata kingunerisaanik piffissap utaqqiffiusup allangornera. Piffissamulli nikerartumut allanguutit inuiaqatigiit aningaasaqarnerannik misissuinerini nlililittut allanneqartangnilaq. Kiisalu ilaasut taarsertut amerlassutsimkut allanguutaat naatsorsorneqartarpur.

1199 m-imik mittarfiliornermi piffissaq angalaffiusoq sivitsussaaq

Qaqortumi 1199 m-imik mittarfiliortoqassappat, pingaartumik takornariat nunaqavissuuunngitsut sivisunerusumik angalasalerneq, taamatullu timmisartumut allamut nuunniissamut sivisunerusumik utaqqisalerneq misigissagaat Takussutissiaq 7.2.1-imik takutinnejarpoq. Pingaartumik Kangerlussuaq imaluunniit Island aqquaarlugu angalanermi, Narsarsuaq aqquaarlugu angalanermiit utaqqisarneq sivisunerulissaqq. Taarsiinissamut piffissap sivisunerulernissaanut pissutaavoq, ullumikkut sulinerup ingerlasarnerata ingerlatiinnarnissaanik naatsorsuuteqarneq, tassalu Københavnimiit Imarpik qualaallugu timmisartoq ullaakkut Kangerlussuarmut tikittarluni, Qaqortumullu angalanissaq aatsaat ualip qiteqqunnerani aallartinnejartarluni¹⁰⁸. Avataaniit takornariat Islandimi Keflavik-imut tikkaangamik, bussinut ilaallutik Reykjavík-ip illoqarfippiaani mittarfimmukartassapput, tassanngaanniit Qaqortumi mittarfittaassamut angallaviup pilersinneqarnissaa naatsorsuutigineqarmat, taamaattumillu piffissaq taarsiinissamut utaqqiffiusoq soorunami sivisunerulertussaalluni.

¹⁰⁸ Angalanissaanit pilersaarutip pitsannguiffigineratigut piffissaq taarsiinissamut utaqqinermut atorneqartoq annikillisiinneqarsinnaagaluarpoq, kisiannili piffissami taarsiinissamut atorneqartumi aamma atortut siunertanut allanut atorneqartarpur, taamaattumillu piffissaq utaqqiffiusoq pinngitsoorneqarsinnaanani.

Ilaasut ilaat sivikinnerusumik utaqgisassapput, tamannalu piffissap angalaffiusup sivisunerunissaanut illuatungiliuttuussaaq. Ataatsimut isigalugu Qaqortumi 1199 m-imik mittarfiliornermi ilaasartut tamarmik piffissaq atugassaat tamarmiusoq allannguuteqanngingajassaaq.

1799 m-imik mittarfiliornermi piffissaq angalaffiusoq sivikinnerulissaq

Aamma Qaqortumi 1799 m-imik mittarfiliornermi piffissap angalaffiusup taarsiinissamullu utaqqifflusup allannguutissai Takussutissiaq 7.2.1-imik takuneqarsinnaapput. Qaqortumi 1799 m-imik mittarfiliornermi ilaasut tamarmik piffissaq angalanerminnut taamatullu utaqqinerminnut atortagaat sivikinnerulissaq.

7.2.2 Inuaqatigiit aningaasaqarnerannut sunniutissat

Maannakkut naliusut ilanngaasereerlugit aamma suliassaqarfiup iluani erniat

Takussutissiaq 7.2.2.-mi inerjartorfissatut isigineqartuni pingasuuusuni tamani Qaqortumi 1199 m-imik taamatullu 1799 m-imik mittarfiliornermi maannakkut naligititaasut ilanngaaseriikkat naatsorsorneri – immikkoortunut aggualrugit – aammalu suliassaqarfiup iluani erniat takutinneqarput. Narsarsuarmi mittarfiliornermi pigineqaannarnissaa aallaavigalugu maannakkut naligititaasut ilanngaaseriikkat naatsorsorneri aammalu suliassaqarfiup iluani erniat naatsorsorneqarput. Takussutissiaq 7.2.2.-mi naatsorsukkani inissiiffissaq 3-p atorneqarnissaa tunngavigineqarpoq. Takussutissiaq 7.2.3.-mi Qaqortumi inissiiffissat allat pingasut ilanngullugit tunngavigineqassappata, 1199 m-imik mittarfiliornissamut taamatut naatsorsukkattakutinneqarput.

*Takussutissiaq 7.2.2*

Ineriartorfissatut takussutissiani pingasuni tamani Narsarsuaq matullugu Qaqortumi inissiiffissaq 3-mi 1199 m-imik aamma 1799 m-imik sananermi maannakkut naliusut ilanngaasereerlugit aammalu suliassaqarfíup iluani erniaqartillugit. Siunissami aningaasaliinissat: Ukiut 25-t, diskontomut erniat pi-viusunngortitat: ukiumut 4 pct.

Mio. DKK	1199 v1	1799 v1	1199 v2	1799 v2	1199 v3	1799 v3
Sanaartornermut aningaasartuutit, mittarfik il.il.	-641	-1.310	-641	-1.310	-641	-1.310
Nalingata sinnera	178	414	178	414	178	414
Sanaartornermut aningaasartuutit, katillugit	-463	-895	-463	-895	-463	-895
Nutarterineq aamma aserfallatsaaluiineq, mittarfik, aqqusernit il.il,	218	210	218	210	218	210
Ingerlatsinermut aningaasartuutit, silaannakkut angallanneq	486	198	486	198	486	198
Billetsinit isertitat, silaannakkut angallanneq	158	-154	219	-179	221	-180
Ingerlatsinermut aserfallatsaaluiinermullu aningaasartuutit, katillugit	862	253	923	229	925	228
Atuisut piffissatigut iluanaarutaat	162	245	157	247	158	253
Atuisut billetsinut aningaasartuutaat	6	116	8	127	3	128
Atuisut iluanaarutaat, katillugit	167	361	165	374	161	382
Ajutoorneq, nipiliorneq aamma silaannarmik mingutsitsineq	0	0	0	0	0	0
Silap pissusaa (CO2)	11	2	11	2	11	2
Avataaniittunut aningaasartuutit, katillugit	11	2	11	2	11	2
Akitsuutitigut sunniutaasussat	0	0	0	0	0	0
Akileraarutitigut nikitoqarnerani annaasat Sunniutit allat suliffeqarnermi sunniutit ilanngullugit	22	-106	28	-108	28	-108
Sunniutaasut allat, katillugit	22	-106	28	-108	28	-108
Maannakkut naliusut ilanngaasereerlugit katillugit (NNV)	600	-384	664	-398	662	-392
Nammineq erniat, ukiumut pct.	9,5%	2,2%	9,9%	2,2%	9,9%	2,2%

Nassuaat: v1, v2 aamma v3 tassaapput ineriartorfissatut takussutissiat 1, 2 aamma 3.

Sanaartornermut aningaasartuutit, ilanngaaseriikkat

Sanaartornermut aningaasartuutissat katitigaanerat ilanngussaq 7.1-imik takutinneqarpoq, tassanilu 1199 m-imik mittarfiornermi sanaartornermut aningaasartuutissat katitigaanerat takutinneqarput.

Pisarnertut nalinginnaasutut piffissami misissueqqissaarfiusumi tamarmiusumi aserfallatsaaluiinermut aningaasassanik naammattunik illuarttsisoqarsimappat, sanaartornermut aningaasaliissutissat nalivissaat atuutiinnassasut matumani naatsorsuutigineqarpoq. Qaqortumi mittarfíup ingerlanneqarneranut aningaasartuutissanut aserfallatsaaluiinermut aningaasartuutissat ilaatinneqarmata, assersuutigalugu Qaqortumi mittarfimmik soorlu 1199 m-imik sananermi sanaartornermut aningaasaliissutissavíit piffissap aningaasaliiffiussap (ukiunik 25-nik sivissussilerneqartup naanerani, aammalu diskonto-p erniaviisa 4 procentiusut) ukiumut 178 mio. koruuninik naleqartussat diskonto-mut uteritsinnejareerernerini nalingata sinnera ersertussaavoq, tak. takussutissiaq 7.2.2.

Taamaattumik 1199 m-imik mittarfiliornermut maannakkut naligititaasut ilanngaasereerlugit, sanaartornermut aningaasartuutit tamarmiusut nalingata sinnera ilanngullugu 463 mio. koruuniussaaq. Taaku mittarfimmum 1799 m-imut 895 mio. koruuniupput, tak. takussutissiaq 7.2.2.

Ingerlatsinermut aserfallatsaaluiuinerimullu aningaasartuutit

Mittarfiup il.il. ingerlanneqarneranut aserfallatsaaliorneqarneranullu aningaasartuutit ilanngussaq 7.1-imik immikkoortiterneqarput, tassungalu innersuussisoqarpoq. Mittarfiup Narsarsuarmiit Qaqortumi mittarfimmum 1199 m-imut nuunneqarnerani maannakkut naligititaasut ilanngaasereerlugit 218 mio. koruuninik sipaaruteqarfiusussaapput. 1799 m-imik mittarfiliornermi sipaarutissat taakku maannakkut naligititaasut ilanngaasereerlugit 210 mio. koruuninut naatsorsorneqarput. Mittarfimmik 1799 m-imik sananermi sipaarutissat ikinnerunerinut mittarfiup takinerusup ingerlanneqarneranut aningaasartuutissat amerlanerunerat pissutaavoq. Assigiinngissulli taanna ilaatigut ETOPS-imi ammatitsinermut akitsuutit mittarfinni naatsuni atorneqarsinnaannginnerinit illuatungilerneqarpoq, tak. ilanngussaq 7.1.¹⁰⁹

Ingerlatsinermut aningaasartuutit, timmisartut

Mittarfik Narsarsuarmiit Qaqortumut nuunneqarpat, Kalaallit Nunaata kujataani timmisartunik qulimiguulinnillu assartuinerit ikilisussaapput. Tamatumunnga angalasut amerlanersaasa Qaqortumiit aallarfeqartarnerat/Qaqortumut tikiffeqartarnerat pissutaavoq. Sipaarutissat mittarfimmik 1199 m-imik maannakkut naligititaasut ilanngaasereerlugit 486 mio. koruuninut naatsorsorneqarput. Mittarfiup 1799 m-ip sananeqarnerani sipaarutissat taamaallaat 198 mio. koruuninut naatsorsorneqarput.

Qaqortumi 1199 m-imik mittarfeqalerpat, Kalaallit Nunaata kujataaniit/kujataanut nunanut allanut taakkunanngaanniillu angalasartut amerlanersaasa Kangerlussuaq aqquaartartussaammassuk, timmisartunut ilaasut Kangerlussuarmut eqiteruttarnerisa annertunerulertussaanera assigiinngissutip annertuneranut pissutaavoq, tamannattaaru aamma nunap iluani Kalaallit Nunaata kujataanut/kujataaniit angallassinermi pisinnaasat atorneqarnerisa annertunerulerterinik kinguneqassaaq.

Biltsinit isertitat

Angallannermut naoqqutassiami maannakkut timmisartusseriaatsit ilusii tunngavigalugit biltsinut akit naatsorsorneqarput. Tamatuma kingunerisaanik Kalaallit Nunaata kujataaniit Københavnimit/Københavnimiit Kalaallit Nunaata kujataanut Kangerlussuaq aqquaarlugu angalasut, siumut 1000 koruunit missaannik akiliinerusalissasut ilimagineqarpoq, tassalu siumut utimullu biltsimut akit 20 – 30 %-inik qaffassallutik. Ilaasut assigiinngitsut angalasarnerat timmisartumut ilaanermut akinit qanoq sunnerneqassanersut ilusiliani naatsorsuinerni ilanngullugit naatsorsorneqarsinnaasimanngilaq, tak. immikkoortoq 5.2. Kisianni akit allannguutissaat taama annertutigisut, soorlu 2008-mi Københavnip aamma Narsarsuup akornanni biltsit akiinik qaffaanermut atatillugu takuneqartut pingaaruteqartussaannginnissaat ilimagineqanngilaq. Air Greenlandimilli ilisimatitsissutigineqarpoq, Kalaallit Nunaata kujataata aamma Danmarkip akornanni angalasunut biltsit ullumikkumut, Narsarsuaq aqquaarlugu angalaffiusartumut naleqqiullugu, siunissami Kangerlussuaq aqquaarlugu angalasoqartartussaagluartoq allaanerungaatsiassanngitsut. Taamatut pisoqassanersoq soorunami Assartuussineq pillugu Isumalioqatigissitap qulakkeersinnaanngilaa.

Akit sunniutigisinnaasaat pingaarutillit takussutissioriarlugit tamatumunnga atatillugu malussajassutsit matuma kinguliani naatsorsorneqarput, tak. immikkoortoq 7.2.3.

¹⁰⁹ Extended-range Twin-engine Operational Performance Standards.



Takussutissiaq 7.2.2-mi takuneqarsinnaasutut ineriertorfissanut takussutissiaq 1-imik 1199 m-imik mittarfiliornermi sullisisut maannakkut naligititaasut ilanngaaseriikkat malillugit bilsinit isertitaat 158 mio. koruuninik amerlissapput, kiisalu 1799 m-imik mittarfiliornermi taamaaqataannik aningaasartat sullisisut bilsinit isertitaanni 154 mio. koruuninik ikilissallutik

Atuisut iluanaarutissaat

Piffissamit pissarsiassanit maannakkut naliusut ilanngaasereerlugit uuttuummut ataatsimut akit, takussutissiaq 5.2.1-imik aamma 5.2.2-mi allassimasut tunngavigalugit naatsorsugaasut, ineriertorfissanut takussutissiami 1-imik mittarfimmut 1199 m-imut 162 mio. koruuninut naatsorsorneqarput, mittarfimmut 1799 m-imut 245 mio. koruuniullutik.

Piffissamut iluanaarutissat saniatigut 1799 m-imik mittarfiliornermi ilaasut bilsinut aningaasartutuinik ikinnerusunik iluanaaruteqarnissamik misigisaqartussaapput. Tamatumunnga pingaartumik angallannermut najoqquṭassiami tunngavissatut taaneqartut atorlugit Qaqortumi najugaqartut ilaanermanni akikinnerusumik angalasinnaalernissaat pissutaavoq. Tassunga tunngatillugu erseqqissaatigineqassaaq, avataaniit Kalaallit Nunaata kujataanut takornariartartut bilsinut aningaasartutinut sipaarutissaat tessunga ILANNGUNNEQANNGIMMATA, tak. immikkoortoq 1.5.2. Inuiaqatigiit aningaasaqarnerannik misisueqqissaarnermi Kalaallit Nunaanni nunami sumiiffinnut killilerlugu naatsorsuisoqarnera tamatumunnga pissutaavoq. Tamanna tunngavigalugu bilsinut aningaasartutissanut allannguutissat, takornariat nalinginnaasut (taakkulu affaat tassaanissaat inuussutissarsiornermut atatillugu angalasut nunaqavissuunngitsut ilimanarpooq) misigisartagassaat ilanngullugit naatsorsorneqanngillat.

Bilsinut aningaasartutinut allannguutissat pingaartumik avataaniit takornarianut tunngatinneqarsinnaammata, takussutissiaq 7.2.2-mi sullisisut bilsinit isertitaasa qaffaatissaasa aamma ilaasut iluanaarutissaasa akornanni assigiinngissut annertooq pinngortussaavoq. Ineriertorfissanut takussutissiami 1-imik 1199 m-imik mittarfiliornermi sullisisut maannakkut naligititaasut ilanngaasereerlugit bilsinit isertitassaat 158 mio. koruuniussapput, naak "suliassaqarfiup iluani" ilaasut maannakkut naligititaasut ilanngaaseriikkat malillugit 6 mio. koruuninik sipaagaqartussaagaluartut.¹¹⁰ Taakkunanngalu 164 mio. koruunit takornariat nalinginnaasut (taakkulu affaat tassaanissaat inuussutissarsiornermut atatillugu angalasut nunaqavissuunngitsut ilimanarpooq) akiliutaasa qaffatissaasa assigiinngissutigaat. 1799 m-imik mittarfiliornermi sullisisut bilsinit isertitassaat maannakkut naligititaasut ilanngaasereerlugit 154 mio. koruuninut ikilisussaapput, taakkunanngalu 116 mio. koruunit "suliassaqarfiup iluani" ilaasunut tunngatinneqarsinnaapput. Assigiinngissut 38 mio. koruuniusoq tassaavoq takornariat nalinginnaasut (taakkulu affaat tassaanissaat inuussutissarsiornermut atatillugu angalasut nunaqavissuunngitsut ilimanarpooq) bilsinut sipaarutissaat.

Avataaniittunut aningaasartuutit

Assartuussineq pillugu Isumalioqatigiissitap timmisartuussinerup allannguuteqarnerata kingunerisaanik avataaniittunut aningaasartuutit CO₂-p aniatinneqartup allannguuteqarneraneersut kisiisa ilannguppai. Taakku nalilerneqarnerini immikkoortoq 1.5.3-mi ilimagineqartutut CO₂-mut akiusoq ton-imut 180 koruunit tunngavigineqarput. Akit taakku EU-p aniatitassanik niueruteqarnerani siunissamut ungasissumut atorneqartussatut naatsorsuutigineqartut annertoqatigaat.

¹¹⁰ Nunap iluani ilaasut matumani taaneqartut tassaapput nunaqavissut, nunap iluani aamma nunatsinnut/nunatsinnit angalasut.

Sunniutissat allat

Takussutissiaq 7.2.2-mi takuneqarsinnaavoq, inerriartorfissanut takussutissiaq 1-imik 1199 m-imik mittarfiliornikkut akileraartarnerup nikinnerani annaasassat maannakkut naligititaasut ilanngaaseriikkat atorlugit 22 mio. koruuninik amerlassuseqassasut. Paarlattuanik mittarfik 1799 m sananeqarpat, inerriartorfissanut takussutissiaq 1-imik akileraartarnerup nikinnerani annaasassat maannakkut naligititaasut ilanngaaseriikkat atorlugit 106 mio. koruuninik amerlassuseqassapput.

Angusat tamarmiusut

Takussutissiani pingasuuusuni inerriartorfissanut suliassaqarfii iluini tunngavissat immikkut taaneqartut tunngavigalugit 1199 m-imik mittarfiliornermi erniat ukiumut 9 procentiussasut sinnerluguluunniit amerlassuseqassasut, takussutissiaq 7.2.2-mi allassimavoq. Kisiannili inerriartorfissanut takussutissiani tamani suliassaqarfii iluanni erniarititassat diskonto-p ernalaa piviusunngortussaq ukiumut 4%-inik annertussusilerneqartoq inorlugu annertussuseqassaaq, tassalu 1799 m-imik mittarfiliornermi ukiumut 2%-it missaanniissalluni.

Matuma siuliani taaneqartutut Qaqortumi inissiiffissaq 3-mi 1199 m-imik mittarfiliornissamik misissuinermi angusat allanneqarput, naak aamma sumiiffinni toqqarneqartuni pingasuni, inissiiffissaq 3-mi sanaartornermit akikinnerusussaasuni mittarfimmik 1199 m-imik sanasoqarsinnaagaluartoq. Siusinnerusukkut oqaatigineqartutut timmisartuni teknologip inerriartornerata mittarfii 1199 m-it timmisartunik aalajangersimasunik ikittuinarnik sullissisinnaanissaasa tungaanut ingerlanera taamatut toqqaanermut pissutaavoq. Taamaattoqarsinnaanera qanoq pingartinneqartigissanersoq Assartuussineq pillugu Isumalioqatigiissitap aalajangiiffigisinnanngilaa. Taamaattumik aamma Qaqortumi inissiiffissat sinnerini pingasuuusuni 1199 m-imik mittarfiliornissaq naatsorsuiffigineqarpoq, tak. takussutissiaq 7.2.3.



Takussutissiaq 7.2.3

Ineriartorfissanut takussutissiami 2-mi Narsarsuaq matullugu Qaqortumi inissiiffissani sisamaasuni 1199 m-imik sananermi maannakkut naliusut ilanngaasereerlugit aammalu suliassaqarfiup iluani erniaqartillugit. Siunissami aningaaasaliinissat: Ukiut 25-t, diskontomut erniat piviusunngortitat: ukiumut 4 %.

Mio. DKK	1199 v2 (Plac 1)	1199 v2 (Plac 2)	1199 v2 (Plac 3)	1199 v2 (Plac 5)
Sanaartornermut aningaaasartuutit, mittarfik il.il.	-421	-450	-641	-463
Nalingata sinnera	100	111	178	115
Sanaartornermut aningaaasartuutit, katillugit	-321	-340	-463	-348
Nutarterineq aamma aserfallatsaaluiuneq, mittarfik, aqqusernit il.il,	221	220	218	220
Ingerlatsinermut aningaaasartuutit, silaannakkut angallanneq	486	486	486	486
Billetsinit isertitat, silaannakkut angallanneq	219	219	219	219
Ingerlatsinermut aserfallatsaaluiuinermallu ningaaasartuutit, katillugit	926	925	923	925
Atuisut piffissatigut iluanaarutaat	157	157	157	157
Atuisut billetsinut aningaaasartuutaat	8	8	8	8
Atuisut iluanaarutaat, katillugit	165	165	165	165
Ajutoorneq, nipiliorneq aamma silaannarmik mingutsitsineq	0	0	0	0
Silap pissusaa (CO2)	11	11	11	11
Avataaniittunut aningaaasartuutit, katillugit	11	11	11	11
Akitsuutitigut sunniutaasussat	0	0	0	0
Akileraarutitigut nikitoqarnerani annaasat	51	47	28	46
Sunniutit allat suliiffeqarnermi sunniutit ilanngullugit	0	0	0	0
Sunniutaasut allat, katillugit	51	47	28	46
Maannakkut naliusut ilanngaasereerlugit katillugit (NNV)	832	809	664	799
Nammineq erniat, ukiumut pct.	14,9%	14,0%	9,9%	13,6%

Takussutissiaq 7.2.3-imi takuneqarsinnaasutut inissiiffissani pingasuni allani sanaartornermut aningaaasartuutissat ikinnerunerat pissutaalluni suliassaqarfiup iluani erniat qaffasinnerungaatsiassapput. Ineriartorfissanut takussutissiaq 2-p naatsorsuiffigineqarnerani angusat tassunga tunngavigineqarpot. Naatsorsukkat ineriartorfissanut takussutissiaq taanna kisiat aallaavigalugu saqqummiunneqarpot, ineriartorfissanut takussutissiamit ineriartorfissanut takussutissiamut allamut nikingassutit annertunerunngimmata. Tassalu ineriartorfissanut takussutissiaq 2 ineriartorfissanut takussutissamut 1-imut paarlallugu atorneqarpot, inissiiffissaq 3-mi suliassaqarfiup iluani erniat 9,5 %-imiit 9,9 %-iinnarmik amerlisussaapput.

7.2.3 Malussajassutsimut naatsorsukkat

Iniissiiffissami 3mi malussajassutsimut naatsorsuinerit makkua ingerlanneqarpot:

- sanaartornermut aningaaasartuutissanik agguaqatigiisitsilluni naliliinernut naleqqiullugu 25%-imik amerlanerunissaat
- sanaartornermut aningaaasartuutissanik agguaqatigiisitsilluni naliliinernut naleqqiullugu 25%-imik ikinnerunissaat

- Narsarsuup matuneqarnerani aningaasartuutinut ingerlaavartunut sipaarutaasussat 50%-imik ilanngarlugit
- diskonto-p erniaata 5%-imik annertussusilerneqarnissaa (agguaqatigiisitsilluni ilimagisanut naleqqiullugu 1 procentpointimik ilallugu)
- bilit sinut akit allannguutissaattut naatsorsuutigineqartut kingunerisaannik takornariat amerlassutsimikkut allannguuteqarnerat - mittarfiup 1199 m-ip aamma mittarfiup 1799 m-ip sananeqarnerani

Inissiiffissaq 1-imut, 2-mut aamma 5-imut misissukkat taamaallaat ineriertorfissanut takussutissiaq 2-mut allanneqarneri assigalugit, malussajassutsimik misissuinerit aamma ineriertorfissanut takussutissiaq 2-mut taamaallaat allanneqarput.

Sanaartornermut aningaasartuutit aamma diskonto-p erniaa

Sanaartornermut aningaasartuutit, takornariat amerlassusaasa naatsorsuiner milu ernaliussat malussajassustiannik misissueqqissaarnermi Qaqortumi mittarfissaq 1199 m aamma 1799 m (ineriertorfissanut takussutissiaq 2) misissuiffigineqarput, tak. takussutissiaq 7.2.4 – Takussutissiaq 7.2.5.

Sanaartornermut aningaasartuutit +/- 25 procentinik nikillutik allannguuteqassappata, imaluunniit diskonto-p erniaa 1 procentpointimik qaffassappat tamanna qitiusunik inerniliinernik nikisitsissangitsoq takussutissiaq 7.2.4-mi takutinneqarpoq. Tamanna aamma Qaqortumi mittarfimmum 1199 m-imut aamma 1799 m-imut atuuppoq.

Narsarsuarmi mittarfik matuneqassappat inissiat attaveqaatillu nutaatut pitsaassuseqarsimanngippata, Narsarsuup matuneqarnissaanut ataasiaannartumik aningaasartuutissat amerlanaagaasimassapput. Ilanngussaq 7.1-imi taaneqartutut inissianut attaveqaatinullu taamaatinneqartunut taartissanik sanaartornermut aningaasartuutissat 106 mio. koruuninut missilorneqarput (2010-mi maannakkut naliliussat ilanngasereerlugit 100 mio. koruuninik amerlaqatigissallugit). Amerlanaarisimasinnaaneq kisitsisitalerneqassappat, aningaasartuutissat taakku amerlanaarneqarsimanissaasa pingaaruteqarnerat takussutissiaq 7.2.4-p takussutissiaq 7.2.2-mut sanilliunneqarnerani takuneqarsinnaapput.



Takussutissiaq 7.2.4

Ineriartorfissatut takussutissiami 2-mi Narsarsuaq matullugu Qaqortumi inissiiffissaq 3-mi mittarfimmik 1199 m-imik imaluunniit 1799 m-imik sananermi sanaartornermut aningaasartuutissat allangornerini, Narsarsuup matuneqarnerani aningaasartuutissanik ingerlaavartunik sipaagaqarnermi aamma diskontop erniaata allangornerani maannakkut naliusut ilanngaasereerlugit aammalu suliassaqarfiup iluani erniaqartillugit

Mio. DKK	1199 v2	1799 v2	1199 v2 +25% sanaar- torneq	1799 v2 +25% sanaar- torneq	1199 v2 -25% sanaar- torneq	1799 v2 -25% sanaar- torneq	1199 v2 -50% Nars. ^a	1799 v2 -50% Nars. ^a	1199 v2 +1% erniat	1799 v2 +1% erniat
Sanaartornermut aningaasartuutit, mittarfik il.il.	-641	-1.310	-802	-1.637	-481	-982	-641	-1.310	-632	-1.291
Nalingata sinnera	178	414	223	518	134	311	178	414	136	317
Sanaartornermut aningaasartuutit, katillugit	-463	-895	-579	-1.119	-347	-671	-463	-895	-496	-974
Nutarinerneq aamma aserfallatsaaluiuneq, mittarfik, aqqusernit il.il, Ingerlatsinermut aningaasartuutit, silaannakkut angallanneq	218	210	218	210	218	210	13	5	193	186
Ingerlatsinermut aningaasartuutit, katillugit	486	198	486	198	486	198	486	198	431	175
Billetsinit isertitat, silaannakkut angallanneq	219	-179	219	-179	219	-179	219	-179	189	-157
Ingerlatsinermut aserfallatsaaluiinemullu aningaasartuutit, katillugit	923	229	923	229	923	229	718	24	813	204
Atuisut piffissatigut iluanaarutaat	157	247	157	247	157	247	157	247	139	218
Atuisut billetsinut aningaasartuutaat	8	127	8	127	8	127	8	127	7	112
Atuisut iluanaarutaat, katillugit	165	374	165	374	165	374	165	374	146	330
Ajutoorneq, nipiliorneq aamma silaannarmik mingutsitsineq	0	0	0	0	0	0	0	0	0	0
Silap pissusaa (CO2)	11	2	11	2	11	2	11	2	10	2
Avataaniittunut aningaasartuutit, katillugit	11	2	11	2	11	2	11	2	10	2
Akitsuutitigut sunniutaasussat Akleraarutitigut nikitoqarnerani annasat Sunniutit allat suliffeqarnermi sunniutit ilanngullugit	0	0	0	0	0	0	0	0	0	0
Sunniutaasut allat, katillugit	28	-108	12	-141	44	-75	8	-129	18	-109
Maannakkut naliusut ilanngaasereerlugit katillugit (NNV)	664	-398	532	-654	796	-141	438	-623	491	-547
Nammineq erniat, ukiumut pct.	9,9%	2,2%	7,9%	1,6%	13,1%	3,1%	7,9%	1,1%	9,9%	2,2%

a. Malussajassutsimut misissuinermi matumani Narsarsuup matuneqarnerani aningaasartuutissat ingerlaavartunut sipaagassat 50%-imik ilanngarneqarpuit.

Tamatuma peqatigisaanik Narsarsuarmi mittarfik matuneqarnerani aningaasartuutinut ingerlaavartunut sipaagassat Qaqortumi nutaamik mittarfiliornissamut pingaaruteqartorujussuarmik inissisimapput. Narsarsuup matuneqarnerani sipaagassat 50%-imik appartinneqarpata, suliassaqarfiup iluani erniat aamma maannakkut naligititaasut ilanngaasereerlugit nalingat annertuumik

appartussaapput. 1199 m-imilli mittarfiornermi suliap inuiaqtigii aningasaqarnerat eqqarsaatigalugu imminut akilersinnaassusia ingerlaannassaaq, naak ineriertorfissatut takussutissiami 2-mi maannakkut naligititaasut ilanngasereerlugit 664 mio. koruuniniit 438 mio. koruuninut imaluunniit 226 mio. koruunik appartussaagluartut.

Takornariaqarneq

Piffissami allannguiffiusumi angallannermut najoqqtassiami timmisartunut akinik naatsorsueriaaseq atorneqartoq malillugu, kilometerit atorneqartut bilsit akiinut apeqqutaasussaapput. Taamaattumik Qaqortumi 1199 m-imik mittarfiorertoqassappat, Kalaallit Nunaata kujataaniit Københavnimut/Københavnimiit Kalaallit Nunaata kujataanut Kangerlussuaq aqusaarlugu angalasut, allassimasut malillugit angallavimmut ataatsimut bilsimut akiliutissaat 1.000 koruunit missaannik amerlissapput. Taamatuttaaq angallannermut najoqqtassiaq naapertorlugu tamatuma kingunerisaanik piffissami ineriertortsiviusumi ineriertortsivissanut takussutissiaq 1-imil maannakkut naligititaasut ilanngasereerlugit sullisisut bilsinut isertitassaat 158 mio. koruunik amerlisussaapput, tak. takussutissiaq 7.2.2. Taamatuttaaq Qaqortumi 1799 m-imik mittarfiornermi takornarianut akigititaasut sunniuteqarfingineqassapput. Tamatumanili appaatissat amerlaqataat pineqarput.

Angalarnermi pissutsit allanngornerisa taakkulu sunniutaannik akit allanngornerisa sumiiffimmut takornariartartut amerlassusaat sunniuteqarfingisussavaat. Angallannerulli ilusaani Isumalioqatigiissitap suliaani atorneqartumi bilsinut akit aamma piffissap angalaffiusup allannguutaasa kingunerisaanik takornariat amerlassusaasa sunnerneqarnissaat ingerlaannartumik ilaatinneqanngillat.¹¹¹

Angallannermulli najoqqtassiaq atornagu bilsinut akit allannguutissaattut naatsorsorneqartut tungavigalugit, bilsit akiisa appasinnerulereranni/qaffasinnerulereranni takornariat amerlassusaannut allannguutissat qanoq isikkoqarnersut missilorneqarput. Allannguutissat taaku timmisartunik angalanermi takornarianut akit malussajassusiannut missiluininerit tunngavigalugit naatsorsorneqarput, tak. ilanngussaq 7.1-imil tamatumunnga nassuaatit erseqqinnerusut.

1199 m-imik mittarfiornermi takornariat 19%-inik ikinnerulissapput, 1799 m-imik mittarfiornermi takornariat 4%-inik amerleriassallutik - taakkunani lu marluusuni pissutsinut tunngaviusunut naleqqiullugu.

Takornariat amerlinerini malitsigisaanik sunniutissat Isumalioqatigiissitap inuiaqtigii aningasaqarnerannut naatsorsukkanut qanoq ilanngussimanerai, ilanngussaq 1.1-imil aamma 8.1-imil ersarinnerusumik nassuiarneqarpooq.

Tamatumani akinut sunniutissat kisimik ilaatinneqassappata, Isumalioqatigiissitap tunngavissatut atugai malillugit Kalaallit Nunaata kujataanut takornariartartut 19%-inik ikinnerulererisa aamma 4%-inik amerlanerulererisa sunniutissai takussutissiaq 7.2.5-imil takutinneqarput.

Takussutissiaq 7.2.5 Ineriertorfissatut takussutissiami 2-mi Narsarsuaq matullugu Qaqortumi inissiiffissaq 3-mi mittarfimmik 1199 m-imik imaluunniit 1799 m-imik sananermi

¹¹¹ Teknikki eqqarsaatigalugu angallannerup ilusaani tamanna naammassineqarsinnaagaluarpoq, kisiannili paasissutissat pigineqartut tunngavigalugit bilsit akiisa aamma takornariat amerlassusaasa (angallannermi nikeriarfik) ataqtigiiinnerat uppernarssuseqartumik missilorneqarsinnaangilaq. Tamanna pissappat, angalasut paasissutissaataat arlallit sukumiisumik misissuiffigineqartariaqarput/paasiniaaffigineqartariaqarput.



takornariat amerlassutsimikkut allannguuteqarnerini maannakkut naliusut ilanngaasereerlugit aammalu suliassaqarfiup iluani erniaqartillugit. Siunissami aningaasaliinissat: Ukiut 25-t, diskontomut erniat piviusunngortitat: ukiumut 4 %.

mio. DKK, 2010-mi akit (NNV 2010)	1199 v2 -19% takornarissat	1799 v2 +4% takornarissat
Maannakkut naliusut ilanngaasereerlugit aamma suliassaqarfiup iluani erniat takornarissat amerlinissaat eqqarsaatiginagu, tak. Takussutissiaq 7.2.2:		
Maannakkut naliusut ilanngaasereerlugit (NNV)	664	-398
Suliassaqarfiup iluani erniat, pct. ukiumut	9,9%	2,2%
Takornarissat amerlanerulerneranni malitsigisaanik sunniutaasussat	-130	30
Kalillugit maannakkut naliusut ilanngaasereerlugit (NNV)	534	-368
Suliassaqarfiup iluani erniat, pct. ukiumut	8,9%	2,3%

Takussutissiaq 7.2.5-imi takuneqarsinnaasutut takornariartartut amerlassusaannut allannguutit ilanngunneqarnerisa kingunerisaanik, mittarfimmik 1199 m-imik sananermi naliusoq maannakkut naliusut ilanngaasereerlugit 130 mio. koruuneropianik annikillissaaq, taamatullu suliassaqarfiup iluani erniat ukiumut 10 %-iniit 9 %-erpianut appassallutik. Oqaatigineqartutut Air Greenland Assartuussineq pillugu Isumalioqatigiissitamut ilisimatitsivoq, Kalaallit Nunaata kujataata aamma Danmarkip akornanni angalasunut bilsit akii ullumikkumut Narsarsuarmiit angalasarnermut naleqqiullutik allanngungaassanngitsut, naak siunissami mittarfik 1199 m-imik takissusilik atorlugu Kangerlussuaq aqquaarlungu angalasarnerit pisartussangussagaluartut. Tamanna aamma suliap inernerissappagu, takornariartartumut sunniutaanerluttussat piffissap angalaffiusup sivisunerulernerata, takornarianut annertuumik pingaaruteqartussaanngitsutut ilimagineqartup kingunerisaanik killilerneqartussaapput.

1799 m-imik mittarfioritoqassappat Kalaallit Nunaata Kujataanut takornariartartut 4 %-iniit ilanissaat qanoq pingaaruteqassanersoq aamma takussutissiaq 7.2.5-imi takutinneqarpoq. Maannakkut naliusut ilanngaasereerlugit 30 mio. koruuninik amerlissasut, taamatullu suliassaqarfiup iluani erniat ukiumut 2,2 %-iniit 2,3 %-inut amerlissasut tassani takutinneqarpoq.

7.3 Kalaallit Nunaata kujataani aqqusinikkut attaveqaatit

Matuma siuliani taaneqareersutut Kalaallit Nunaata kujataani mittarfiup qitiusup maannakkut inisisimaffia ingerlasussanik piareersaasarneq aqtsinerlu eqqarsaatigalugu pitsasuuunngilaq, angalasut Narsarsuarmiit aallarfilit tassungalu tikifflit ikittuinnaasarmata.

Taamaattumik mittarfiup Narsarsuarmiit Qaqortumut nuunneqarnissaanik eqqarsaatersuuteqarnermut atatillugu, aamma Kalaallit Nunaata kujataani mittarfiup qitiusup angalasut aallartarfiinut tikittarfiinullu atassuserneqarsinnaaneranut periarfissat assigiinngitsut misissorneqarnissaat naleqquttuuvoq. Narsarsuarmi maannakkut mittarfiusoq pigiinnarneqassappat tamanna annertunerusumik pisinnaavoq, tamatumalu peqatigisaanik Narsarsup Qaqortullu akornanni Narsaq aqquaarlungu aqqusinniortoqarsinnaavoq. Taamaalilluni Kalaallit Nunaata kujataani illoqarfiit marluk imminnut atalersinneqassapput, tamatumalu peqatigisaanik Narsarsuarmi mittarfimmuit atassuserneqassallutik.

Matuma kinguliani taamatut atassusiinerup ineriantorfissanut takussutissiani pingasuuusuni tamani sunniutissai pingaernerit naliliiffigineqarput. Tassani illoqarfii marluk akornanni atassusiinissaq (pilersaarusiornissaq) aamma maannakkut attaveqaatini pissutsit maannakkut atuuttut (pissutsit tunngaviusut) imminnut sanilliunneqassapput.

Pissutsit tunngaviusut

Pissutsini tungaviusuni attaveqaatit maannakkut atuuttut atuutsiinnarlugit pissutsit nassuiarneqarput. Tassalu Narsarsuarmi mittarfik ullumikkutut atuutsiinnarneqarpoq, ilaatigullu Narsarsuup, Narsap aamma Qaqortup akornanni qulimiguulimmik aqquteqarluni.

Pissutsit tunngaviusut taamatut nassuaasiorneqarnerat immikkoortoq 7.2-mi mittarfiiup Narsarsuarmiitt Qaqortumut nuunneqarnissaanik misissuinermi pissutsinut tunngaviusunut assinguvuoq. Taamaalilluni misissuinerit marluusut taakku inernerit imminnut ataqtigiissinneqarsinnaapput.

Pilersaarusiornissaq


Narsarsuarmi mittarfiiup angalasut aallartarfiiinut tikittarfiiinullu arlalinnut atassuserneqarnissaanut tunngatillugu, Narsarsuup Qaqortullu akornanni Narsaq aqqusaarlugu atassusiisoqarsinnaasoq eqqarsaatigineqarsinnaavoq.

Atassusiinissaq nalunaarusiami "Kalaallit Nunaata kujataani angallannermut attaveqaatinut pilersaarutnik naliliineq"-mi¹¹², nassuiarneqartutut pilersinneqarsinnaavoq, tassanilu aaqqiissutissatut najoqqtassiat pingasut assigiinngitsut siunnersuutigineqarput. Aaqqiissutissatut najoqqtassiani tamarmiusuni Narsarsuup Narsallu akornanni aqqusinniorissaq siunnersuutigineqarpoq. Tassani periarfissat pingasut uku saqqummiunneqarput:

- **Aqqusineq/ikaartaat:** Narsamiit Qaqortup qeqertaasartaata avannamut kimmum sammisortaani ikaartaammut talittarfimmut ikaartaat aqquserneqassaaq. Kiisalu ikaartaammut talittarfiiup Qaqortullu akornanni aqqusinniorraqassaaq.
- **Narsaq aqqusaarlugu aqqusineq/sulluliaq:** Narsamiit Qaqortumut qeqertat Illulalik, Qanngui, Illukasik aamma Kingittoq aqqusaarlugit aalajangersimasumik aqqusiisoqassaaq. Aqqusinermi tassani immap naqqata iluatigut sullulianik katillugit sisamanik atassusiisoqassaaq.
- **Narsarsuup Qaqortullu akornanni aqqusineq/sulluliaq – Narsamut aqqutissalerlugu:** Narsarsuup Qaqortullu akornanni toqqaannartumik aqqusinniorraqassaaq, kangerluup Qoorup naqqata iluani sulluliortoqassalluni.

Aaqqiissutissatut najoqqtassiat assigiinngitsut Ilusiliaq 7.3.1-imni takutinneqarput.

¹¹² Kalaallit Nunaata kujataani angallannermi attaveqaatinut pillugit suleqatigiissitaq 2007. Kalaallit Nunaata kujataani angallannermut attaveqaatinut suliassanik naliliineq. Taamanikkut Nanortallip Kommuniata, Qaqortup Kommuniata, Narsap Kommuniata aamma Namminersornerullutik Oqartussat ataatsimut pilersissimasaat. 2007-imni juulimi.



Ilusiliaq 7.3.1 Narsarsuup aamma Qaqortup akornanni Narsaq aqquaarlugu aqqusinniorfiusinnaasut titartarneqarnerat

Atassusiinissat taakku sanaartorneqarnerisigut, illoqarfiiit nunaqarfíillu pineqartut akornanni qulimigulimmik angallassinerit kiffartunneqarnissamik isumaqatigiissuteqarfiusut matuneqassapput. Kisiannili angallaviiit isorartunerat piffissallu atorneqartut sivisunerat pissutigalugit attaveqaatit taakku sananeqarnerisa kingorna qulimiguulimmik angallassinernik niuernernik tunngaveqartunik peqaannarnissaq eqqarsaatigineqartariaqpoq, pingaartumik qinigassanut sivisungaatsiartumik angallaviusussanut tunngatillugu.

7.3.1 Sunniutissanut nassuaatit

Attaveqaatit sananeqarnissaannut aningaasartutissat aammalu ingerlatsinissamut aserfallatsaaliuinissamullu aningaasartutissat amerlasussaapput. Paarlattuanik attaveqaatit taakku sunniutissanik ukuninnga annertuumik pissarsiviussapput:

- Pingaartumik illoqarfiiit marluk taakku mittarfiillu akornanni, kisiannili aamma nunaqarfiiit Qassiarsuup aamma Igalikup akornanni qulimiguulimmik ingerlatsinermut sipaarutissat annertussapput.

- Ullumikkumut qulimiguullit killilimmik amerlassuseqartunik aallartartut atorlugit angallassinerup annersaata ingerlanneqarfianut naleqqiullugu piffissaq eqqorlugu tikittarnerup aallartarnerullu akulikinnerulereratigut iluaqtissarsisoqassaaq. Pitsaqaqtinulli taakkununnga ikaartaatip atorneqarnera pisariaqartinneqassanersoq, imaluunniit Narsarsuarmiit Qaqortumut aqquataa tamakkerlugu aqqusinniorqassanersoq apeqqutaassaaq.
- Illoqarfinni nunaqarfinnilu inuiaqatigiit imminnut qaninnerulissapput, tamannalu illoqarfinni nunaqarfinnilu pineqartuni innuttaasunut aammalu takornarianut sumiiffimmut tikeraartunut iluaqtissartaqassaaq.
- Aallartartut tikittartullu akulikinnerulererisigut inuiaqatigiillu imminnut qaninnerulererisigut sumiiffiit assigiinngitsut akornanni angalasartut amerlinissaat naatsorsuutigineqarsinnaavoq. Tamanna inuiaqatigiit aningaasaqarneranni iluanaaruteqarnissamut takussutissaassaaq.
- Kuannersuarnut (Kvanefjeldet) aamma Killavaanut (Kringlerne) aatsitassarsiorfiulersinnaasunut attaveqaatit pitsaanerulissapput.
- Savaateqarfinnut arlalinnut attaveqaatit pitsaanerulissapput.
- Najukkami imaatigut angallatinik ingerlatsinermut aningaasartutissanik angalasartut angallatiniiit aqqusinernut nuunneqarnerisa amerlaqataannik sipaagaqartoqassaaq.

Sanaartornermut aningaasartutissat aamma ingerlatsinermut aningaasartutissat saniatigut sunniutissanik allanik, inuiaqatigiit aningaasaqarnerannut sunniuteqarnerluttussanik takkuttoqassaaq. Tassani pineqarput:

- Angalasut qulimiguulimmik angalasinnaagaluartut piffissap angalanermut atugaasa sivitsornera. Pingaartumik Narsamiit Qaqortumiillu taakkunungalu angalasunut.
- Atortunik aqqusinermi angalasartussanik pisisoqassaaq. Tassani pineqartut tassaasinnaapput bussit pisortatigoortumik angallassinermut atugassat taamatullu biilit nammineerluni pigisat.

7.3.2 Sunniutissanik naliliineq

Attaveqaatissat sanaartorneqarnerini sunniutissat naliliiffigineqarnerini aallaqqammut aningaasartutissat iluanaarutissallu pingaarnerit imminnut sanilliunneqarnissaat pingaaruteqarpoq. Tassani pineqartut tassaapput:

- Aqqusinernik, sullulianik immaqalu ikaartaammut talittarfimmik sananermut kiisalu ikaartaamvik pisinermut aningaasartutissat.
- Attaveqaatinik, tassalu aqqusinernik, sullulianik immaqalu ikaartaatip talittarfianik ingerlatsinermut aserfallatsaaliuinermullu aningaasartutissat.
- Qulimiguulinnik ingerlatsinermut sipaagaqarnermi pissarsiassat.
- Biilinik, bussinik immaqalu ikaartaammik angalanermut aningaasartutissat.

Matuma kinguliani aningaasartutissat pissarsiassallu pingaarnerit amerlassusissaat naliliiffigineqarput.



Sanaartornermut aningaaasartuutit

Sanaartugassanut aningaaasartuutissanut missiliugallarmerinnaat pigineqarput, taamaattumillu taakkununnga tunngatillugu nalormineq annertuvoq. Tassani ilaatigut sumiiffit ilaat, ilaatigut ujaqqat nakkaasartut aammalu kuuit ikaagassat, mikisunik ikaartarfilerneqarnissamut pisariaqtitsiviusut pissutaallutik tikikkuminaapput. Ataatsimut isigalugu aqqusernup sulluliallu sananeqarnissaannut periarfissat teknikkikullu unammilligassat sukumiisumik misissuiffigineqarsimannngillat. Pingaartumillu erseqqissaatigineqassaaq, sulluliornissamut atatillugu sajuppillatsitsisarluni misissuisoqarsimannngimmat. Aqqusernup sulluliallu sananeqarnissaat pisariunerusoq paasineqarpat – pingaartumik immap naqqata iluani pissutsit peqquitaallutik – sanaartornermut aningaaasartuutissat amerleriarujussuuarsinnaapput.

Sanaartornissamut missingersuutit nalunaarusiani ”Angallannermut atortut, sanaartugassanut nassuaatit missingersuutillu”, aamma ”Kalaallit Nunaata kujataani angallannikkut attaveqaatinut pilersaarutit naliliiffigineqarnerat”¹¹³ naliliiffigineqarput. Nalunaarusiami siulliullugu taaneqartumi Narsarsuup aamma Narsap akornanni aqqusernup angallaffiusussap¹¹⁴ (90 – 95 km) sananeqarneranut aningaaasartuutissat 2004-mi akit aallaavigalugit 510 mio. koruunerpianut missilorneqarput. Qaqortup ikaartaatillu talittarfiata akornanni aqqusernup asfaltimik qallikkap 17 km-it missaanniittup, 150 m-ikkaalugit biilinut illuarfissallip sananeqarnissaanut aningaaasartuutissat 60 mio. koruunit missaannut missilorneqarput. Qaqortup qeqertaasartaani aamma Narsami biilinut ikaartaatinut talittarfiit nutaat sananeqarnerannut aningaaasartuutissat 50 mio. koruunit missaanniissapput.

Taamaalluni Narsarsuup Qaqortullu akornanni Narsaq aqquaarlugu aqqusernit ikaartaatillu atorlugit attaveqarfissat sananeqarnissaannut aningaaasartuutissat 2004-mi akit tunngavigalugit 620 mio. koruuninut missilorneqarput, 2010-mi akit tunngavigalugit 750 mio. koruunisut annertussuseqarlutik.¹¹⁵

Nalunaarusiami ”Kalaallit Nunaata kujataani angallannermi attaveqaatinik sanaartornissamik naliliineq”-mi Narsamiit Qaqortumut aqqusinniornermut sulluliornermullu aningaaasartuutissat 1,5 mia. koruunit missaannut missiliorallarneqarput. Taanna tunngavigalugu Narsarsuarmiit Qaqortumut Narsaq aqquaarlugu (qeqertat Illatalik, Qangui, Illukasik aamma Kingittoq aqquaarlugit) aqqusinnornissamut sulluliornissamullu aningaaasartuutissat tamarmiusut 2010-mi akit tunngavigalugit 2,1 mia. koruunit missaannut missilorneqarput.

Nalunaarusiami ”Kalaallit Nunaata kujataani angallannermi attaveqaatinik sanaartornissamik naliliineq”-mi Narsarsuarmiit Qaqortumut kangerluk Qooroq ataallugu aqqusinnornissamut sulluliornissamullu aningaaasartuutissat 1,6 mia. koruuninut taaneqarput. Tassalu Narsamut aqqusinnornissaq ilanngullugu sanaartornermi aningaaasartuutissat 2010-mi akit tunngavigalugit 2,2 mia. koruuninut missilorneqarput.

¹¹³ Angallannermut sanaartukkat, sanaartugassanut nassuaatit missingersuutillu, Qaqortup, Narsap aamma Narsarsuup akornanni angallannermut atortunik sanaartorneq, aqqusinniorneq. Mittarfeqarfiiit, 2004.

¹¹⁴ Angallaffiusussaq tassaavoq aqqusineq, biilinik nalinginnaasunik angallaffigineqarsinnaasoq. Aqqusinermi angallaffiusussami biilit nalinginnaasut marluk imminnut saneqqussinnaassapput, aammalu biilit annerit atorlugit angallattut saneqqussinnaanissaat eqqarsaatigalugu aqqusinermi naleqquttumik imminnut ungasissuseqartunik illuarfissaqassaaq.

¹¹⁵ Ikaartaammut nalikilliliinerit aningasaatinullu aningaaasartuutit ikaartaatip ingerlanneqarneranut ukiumoortumik aningaaasartuutissanut ilanngullugit naatsorsorneqarput. Taamaattumik ikaartaammik pisinissamut aningaaasaliissutissat sanaartornermut aningaaasartuutissanut ilanngunneqanngillat.

Attaveqaatinik ingerlatsinermut aserfallatsaaliuinermullu aningaasartuutit

Attaveqaatit ingerlanneqarnerannut aserfallatsaaliorneqarnerannullu aningaasartuutissanut missiliukkanik soqanngilaq. Taamatut naliliigallarnermi ukiumut aningaasartuutissat sanaartornermut aningaasartuutit 4%-iisa missaannik amerlassuseqartussatut missiliorneqarput – tassani aqqusernit, ikaartaatip talittarfii sulluliallu aserfallatsaolineqarnissaat pineqarpoq. Taamatut annertussusiliinermut ukiunerani aserfallatsaaliuinermut aningaasartuutissat aamma aputaajaatinik siuleqartitsilluni ingerlaaqatigiittarnermut aningaasartuutissat ilanngunneqarsimassasut ilimagineqarpoq.

Ikaartaatip qulimiguullillu ingerlanneqarnerinut aningaasartuutit

Biilinut ikaartaatip ingerlanneqarnissaanut siunnersuummi aamma ingerlatsinermut aningaasartuutit ilaatinneqassapput. Biilinut ikaartaammut ilaaneq nalunaaquttap akunnerata ataatsip missaanik sisivussuseqassasoq ilimagineqarpoq, aammalut ullormut siumut utimullu angalanerit marluusassasut (maannakkut qulimiguullit atorlugit sullissinermi tikittartut akulikissusaat marloriaatip missaanik amerlissallutik) ilimagineqarpoq. Kilometerimut angalaffiusumut ataatsimut aningaasartuutissat annertussusilerneqarnerini, biilinut ikaartaammik pisinermut ingerlatsinermullu aningaasartuutissat aallaavigalugit kilometerimut 260 koruunit missaanniittussatut missiliorneqarput. Taanna tunngavigalugu ukiumut aningaasartuutissat 8 mio. koruunit missaannut naatsorsorneqarsinnaapput.

Pissutsini tunngaviusuni illoqarfuit nunaqarfifullu, pilersaarusrionermi qulimiguulimmik sullinneqartussaanngitsut akornanni qulimiguulinnik ingerlatsinissamut aningaasartuutissat ilaatinneqarput. Taamaattumik qulimiguulinnik ingerlatsinermut aningaasartuutissat pilersaarusrionermi pissutsinut tunngaviusunut naleqqiullugu sipaagassatut ilaatinneqarput. Qulimiguulinni immikkoortunut ataasiakkaanut akigititaasut aamma nalunaaquttap akunneranut atugassanit sipaakkat naatsorsorneqarneri tunngavigalugit ukiumut sipaagassat 30 mio. koruunit missaannut naatsorsorneqarput.

7.3.3 Aningaasaqarnermik naliliinerup inernerri

Sunniutissat matuma siuliani taaneqartut ukiunut 25-inut ataatsimut naatsorsorneqarnerini, aqqiissutissat pingasuuusut imminnut akilersinnaassusii naatsorsorneqarput.

Aqqusinniornikkut/ikaartaasiinikkut aaqqiissutissaq

Aqqusinniornikkut/ikaartaasiinikkut aaqqiissutissap, sananeqarnermini akikinnerujussuusussap naatsorsorneqarnerani maannakkut naliusut ilanngaasereerlugit -600 mio. koruunit naatsorsorneqarput. Tassalu sanaartornermut, ingerlatsinermut aserfallatsaaliuinermullu aningaasartuutissat kisiisa isigigaanni, suliami aningaasartuutissat iluanaarutissanit amerlanerupput.

Sunniutissat arlallit aningaasaqarnermik naatsorsuinermet matumunngilaq. Tassani ilaatiqut sumiiffimmi illoqarfinni nunaqarfinni inuiaqatigiit imminnut qaninnerulerterisigut, aammalut Kuannersuarni aatsitassarsiorfiuersinnaasumut attaveqartarnerup pitsaanerulerteratigut angalasunut iluaqtissat pineqarput. Tassanili ikaartaatip ingerlanneqarnerani akornutaasinnaasunut iluarsiisoqartariaqassaaq, sikorsuit umiarsualivinnik assisinnaammata, aammalut biilinut ikaartaat aserortoorsinnaammata. Kisiannili aamma sunniutissanik pitsaanngitsunik naammattuuisoqartassaaq, pingaartumik angalasussat qulimiguulinnik atuiniarlutik aalajangersimasut sivisunerusumik angalasalissammata, aammalut biilinuk pisinermut ingerlatsinermullu aningaasartuuteqartoqartartussaalluni.

Sunniutissat taakku ataatsimoortillugit naatsorsuiffagalugit misilinneqanngilaq. Kisiannili suliaq imminut akilersinnaassappat, naliliiffingeqarsimannngitsut ataatsimut sunniutissaat ilanngaaserneqanngitsut qanoq pitsaatigisumik sunniuteqassanersut naatsorsorneqarpoq.



Taamatut naatsorsuinerup takutippaa, suliat inuiaqatigiiit aningaasaqarnerat eqqarsaatigalugu imminnut nammassinnassappata sunniutissat nalilerneqanngitsut ukiumut 36 mio. koruuninik piissarsiaqarfingeqartariaqartut. Suliat mittarfiup Qaqortumi inissiiffissaq 3-mi 1199 m-imut nuunneqarnerani iluanaarutissanut naleqqutissappata (tak. takussutissiaq 7.2.3 malillugu suliassaqarfiup iluani erniat 9,9 %-inut annertussusilerneqarput), sunniutissat naliligaanngitsut nalingi ukiumut 70 mio. koruuniussapput.

Mittarfiup 1199 meterip imminut akilersinnaassusissaanut 70 mio. koruunit aningaasartaliunneqartut, Kommune Kujallermi tamarmiusumi innuttaasumut ataatsimut ukiumut 9.000 koruuniussapput.

Narsaq aqqlusaarlugu aqqusinniornikkut/sulluliornikkut aaqqiissutissaq

Aqqusinniornikkut/sulluliornikkut aaqqiissutissap imminut akilersinnaassusiata naatsorsorneqarnerani maannakkut naliusut ilanngaasereerlugit -2,2 mia. koruuninut naatsorsorneqarput. Taamatut inermiliineq sanaartornermut missingersuutit qaffasisorujussuit, ikaartaammut talittarfiliornermi ikaartaammillu ingerlatsinermi aningaasartuutissanit sipaakkanit illuatungilerneqarsinnaanngitsut kinguneraat.

Aqqusinniornikkut/sulluliornikkut aaqqiissutissat sunniutissaasa, aqqusinniornikkut/ikaartaatiliinikkut aaqqiissuteqarnermi sunniutissat nalilerneqanngitsut assigissavaat. Tamuma saniatigut sulluliornikkut aaqqiissutissat sunniutissaasa pitsasut ilagissavaat, sulluliaq inuit ataasiakkaat pisariaqartitsinerat malillugu angalasinnaalernermut periarfissaqalernerat. Aamma aqqusinniornikkut/sulluliornikkut aaqqiissutissami immap sikua imaluunniit aserortoorneq pissutigalugu ikaartaatit ingerlanneqarnerini nalornissutaasinnaasut peerneqartussaapput.

Maannakkut naliusut ilanngaasereerlugit annertuumik amigartoorteqarfiusussaanerat pissutigalugu suliassaq aqqusinniornikkut/ikaartaatiliinikkut aaqqiissutissamut, aammalumi mittarfiup Qaqortumut nuunneqarneratigut aaqqiissutissamut naleqqutinngilaq.

Narsarsuarmiit Qaqortumut Narsaq aqqlusaarlugu aqqusinniornikkut/sulluliornikkut aaqqiissutissaq

Aaqqiissutissap taassuma imminut akilersinnaassusia maannakkut naliusut ilanngaaseriikkat tunngavigalugit 2,3 mia. koruuninik amigartoorteqarfiusussatut naatsorsorneqarput. Taamatuttaaq inermiliineq sanaartornermut missingersuutit qaffasisorujussuit, ikaartaammut talittarfiliornermi ikaartaammillu ingerlatsinermi aningaasartuutissanit sipaakkanit illuatungilerneqarsinnaanngitsut kinguneraat.

Aqqutissap taassuma sananeqarnissaanut aningaasartuutissat missiliukkat ikinnerujussuit Assartuussineq pillugu Isumalioqatigiissitamut nalunaarutigineqarsimapput. Matuma siuliani naliilinermut sanaartugassanut akit katillugit 2,2 mia. koruuniusut tunngavigneqarput, sanaartugassallu akit 50 %-inik ikilisinneqarluarpataluunniit, akilersinnaassusiata maannakkut naliusut ilanngaasereerlugit 900 mio. koruuninik amigartoorteqarfiusussanut naatsorsorneqarput.

Sulluliornermi aaqqiissutip aappaa assigalugu, inuit ataasiakkaat pisariaqartitsinerminni angalasinnaamissamut periarfissaqalernerisigut iluanaarutissartaqassaaq. Narsaq aqqlusaarlugu aqqusinniornissamut/sulluliornissamut naleqqiullugu, Qooqqup naqqata iluatigut sulluliornissaq Qaqortumi Narsamilu illoqarfinni inuiaqatigiinnik annikinnerusumik ataqatigiissitsilertussaavoq, tassani assartuussinermi aqqutit atorneqartut ungasinnerulertussaammata aammalu piffissaq angalaffiusoq sivisunerulertussaalluni. Paarlattuanik nunaqarfimmum Igalikumut attaveqaatit pitsaanerulissapput.

Taamatuttaaq suliassap maannakkut naliusut ilanngaaseriikkat annertuumik amigartooruteqarfiunissaat pissutaallutik, suliassaq aqqusinniornermut/ikaartaasiinermut, aammalu mittarfiup Qaqortumut nuunneqarnissaanut naleqqiullugu naleqqutinngitsutut naliliiffingeqarpoq.

7.3.4 Naliliineq

Matuma siuliani misissuinerit taaneqartut tunngavigalugit Assartuussineq pillugu Isumalioqatigiissitaq naliliivoq, inuaqatigiit aningaasaqarnerat eqqarsaatigalugu Narsarsuarmi mittarfiup aamma Qaqortup akornanni, Narsamut atassusikkamik aqqusinniornissaq piviusorsiunngitsoq. Taamatut inerniliineq aaqqiissutissatut takussutissiani misissuiffingeqartuni tamani atuuppoq.

Tamanna tunngavigalugu Isumalioqatigiissitat Kalaallit Nunaata kujataani aqqusinniornissaq sammeqqinnianngilaa – tassani mittarfiup Qaqortumut nuunneqarneranut atatillugu Qaqortup Narsallu akornanni ataatsimoortumik aqqusinniornissaq/ikaartaasiinissaq kisiat pinnagu.

Kalaallit Nunaata kujataani mittarfiup qitiusup Narsarsuarmiit Qaqortumut nuunneqarnerani inuaqatigiit aningaasaqarnerannut sunniutissat misissuiffingeqarneri tunngavigalugit Assartuussineq pillugu Isumalioqatigiissitaq naliliivoq, taamatut nuussinissaq naammassineqartariaqartoq. Isumalioqatigiissitat naliliinerata eqikkarneqarnera immikkoortoq 7.7-imi takuneqarsinnaavoq.

7.4 Kalaallit Nunaata kujataani ilaasunik angallassineq

Mittarfiup Narsarsuarmiit Qaqortumut nuunneqarneratigut Kalaallit Nunaata kujataani ilaasut qulimiguulimmik angallannissamik pisariaqartitsisut ikilisussaapput¹¹⁶. Pingaartumik Kalaallit Nunaata kujataata iluani mittarfiup tungaanut angallanneqarnissamik pisariaqartitsineq mittarfiup Qaqortumut inissinneqarnerani annikillisussaavoq. Taamaattumik Kalaallit Nunaata kujataata iluani angallassinermut najukkami pissutsit apeqqutaanerujussuanngussapput. Assartuussineq pillugu Isumalioqatigiissitat tamanna tunngavigalugu Kalaallit Nunaata kujataata iluani inunniq assartuussinerup qulimiguulimmik assartuussinerinnarmik tunngaveqarsimasup, angallatit qulimiguullillu atorlugit assartuussinissamik tunngaveqarluni allanngortinnejqarsinnaanera misissuiffigaa, sikorsuaqarnerata/imaata sikoqarnerata nalaani qulimiguullit atorlugit assartuussinissaq pisariaqartussaammat¹¹⁷.

Angallatit atorlugit assartuussinerit qulimiguullit atorlugit assartuussinermiit appasinnerusunik aningaasartuuteqarfiusarput. Aningaasartuutit appaatissaat amerlammata, inuaqatigiit aningaasaqarneranni sinaakkusiussat iluanni tikittartut akulikissusiat pitsangortinnejqarsinnaavoq (tikittartut/aallartartut amerlanerulersinnaapput). Aningaasartuutit appaatissaat sullissinermut pitsannguinernut sipaarutissanullu qanoq agguarneqassanersut politikkikkut aalajangerneqartussaavoq.

Piffissaq angalaffiusoq ataatsimut isigalugu angallammik angalasarneq qulimiguulimmik angalasarnermit sivisuneruvoq. Taamaattumik atuisut pissarsiassaasa tamarmiusut annertussusissaannut angallatit atorlugit assartuussinerit ilusilersugaanerat apeqqutaasussaapput.

¹¹⁶ Ilaasut ikilinerisa saniatigut Kalaallit Nunaata kujataani timmisartukkut nassiussanik assartuinissap pisariaqartinneqarnera annikillissaq.

¹¹⁷ Matuma kinguliani oqaatsit sikorsuit, piffissaq sikorsuaqarfiusoq il.il. kisimik atorneqarput, taakkunani sikorsuit/immap sikuunera, piffissaq sikorsuaqarfiusoq/immap sikuuffia il.il. pineqaraluartut.



Tamatumunnga atatillugu eqqumaffigineqassaaq, tikittartut akulikinnerulererini piffissaq nikiffiusartutut taaneqartartoq, Kalaallit Nunaata kujataani annertungaatsiartoq sivikillisinneqartussaammat.

Matuma kinguliani Kalaallit Nunaata kujataani ukioq kaajallallugu qulimiguulimmik sullissinermut aningaasartuutissatut naatsorsuutigineqartut, piffissani imaatigut angalasinnaaffiusuni (tassalu sikorsuaqannginnerata nalaani) qulimiguulimmik assartuussinermut taarsiullugu distriktini imaatigut angallassinermut (Qeqertarsuup Tunuani ingerlanneqartup assinganut) ikaarsaarnermi aningaasartuutinut sanilliunneqarput.

7.4.1 Pissutsit maannakkut atuuttut

Ullumikkut Kalaallit Nunaata kujataani ilaasunik angallassineq qulimiguullit atorlugit ingerlanneqarpoq. Ilaasunik angallassineq qulimiguullit assigiinngitsut marluk atorlugit ingerlanneqarpoq. Qulimiguulik S61 illoqarfii heliportillit akornanni aammalu Narsarsuarmi mittarfimmut/mittarfimmiit timmisartuussinermut atorneqarpoq, aammalu qulimiguulik Bell minnerusoq nunaqarfinnut/nunaqarfinnit aamma nunaqarfii akornanni timmisartuussinermut atorneqarluni. Qulimiguulik Bell aamma illoqarfinnut tikittarpoq, taakkunanngaanniillu aallartarluni. Kiisalu qulimiguulik AS350 Sikunik Alapernaarsuiffiup kisimi atugaraa. Aamma piffissap ilaani qulimiguullit allat sumiiffimmiittarput, attartortitsilluni timmisartuussinermut atorneqartarlutik.

Ukiut amerlanersaanni Kalaallit Nunaata kujataani sikorsuit nalliusimaartarput. Piffissaq sikorsuaqarfiusoq marsip qaammataaniit juulimut atuuttarpoq, kisiannili ukiumiit ukiumut nallittarneri qaangiuttarnerilu assigiinneq ajorput. Piffissami sikorsuaqarfiusumi sikorsuit eqiteruttarput, taamaalillunilu imaatigut angalanissaq ajornarsisinhaalluni imaluunniit nalorninarsisinhaalluni. Piffissani taakkunani timmisartumik imaluunniit qulimiguulimmik illoqarfinnut nunaqarfinnullu tикиneqartartunut angalanissaq kisimi periarfissaalertarpoq. Kalaallit Nunaata kujataani illoqarfii nunaqarfiiillu tamarmik sikorsuarnit toqqaannartumik imaluunniit toqqaannanngitsumik eqqorneqarsinnaapput. Tassalu sikorsuaqarnerata/immap sikuunerata nalaani ilaasunik angallassinermi taamaallaat qulimiguulimmik angallassineq imaatigut angallatinik taarserneqarsinnaavoq.

Kiffartuunneqarnissamik isumaqatigiissutit

Kiffartuunneqarnissamik isumaqatigiissut maannakkut atuuttoq 2005-imi neqerooruteqartitsivigineqarpoq, taassumalu nassataanik assartuussinermut attaveqaatit tamarmiusut annertuumik allannguiteqartinneqarput. Nuna tamakkerlugu ukiunut tallimanut kiffartuunneqarnissamik isumaqatigiissuteqarfingineqarpoq, 2006-imiit 2010-mut atuuttussamik. Tamatuma kingorna Naalakkersuisut aalajangerput, piffissaq isumaqatigiissuteqarfiusoq ukiunik marlunnik ilaniarlugu, tak. immikkoortoq 2.5.1.

Namminersorlutik Oqartussat Kalaallit Nunaata kujataani assartuussineq pillugu kiffartuunneqarnissamik Air Greenlandimut isumaqatigiissuteqarpoq, taassumalu nassatarisaanik ukiumut 22,5 mio. koruuninik akiliisarluni. Kiffartuunneqarnissamik isumaqatigiissummi tikittartut akulikissusissaannik aalajangersimasunik (assersuutigalugu Kalaallit Nunaata kujataani illoqarfinnut nunaqarfinnullu angalasut apuussinnaanissaat anguniarlugu nunaqarfinnut/nunaqarfinnit sapaatit akunnerannut minnerpaamik ataasiarluni aallartoqartarnissaanik), kiisalu akit annertussusilerneqarnerisa atuutiinnarnissaat anguniarlugu Air Greenland pisussaaffilerneqarpoq. Isumaqatigiissut assartuussinermi suliassanut ataasiakkaanut immikkoortitigaavoq. Kiffartuunneqarnissamik isumaqatigiissutip ilusiligaanerani eqaassusiliisoqarpoq, taamaalillunilu isumaqatigiissut Air Greenlandip aamma Namminersorlutik Oqartussat akornanni ingerlaavartumik naleqqussarneqarsinnaalluni.

Isumaqtigiissut 2006-imi atuutilersoq, ilaasunik assartuussinermut pisortat tapiissutaasa annertuumik appartitsinneqarnissaat pillugu Inatsisartuni aalajangerneq tunngavigalugu isumaqtigiissutigineqarpoq. Taamaalilluni isumaqtigiissutit nutaat 2006-imi atuutilermata tapiissutit tamarmiusut pingajorarterutaat ataasiaannartumik sipaarutigineqarput. Sipaarniarnerup kingunerisaasa ilaattut angallasseriaatsip ataasiinnaap tapiiffingeqarsinnaanera atuutsinneqalerpoq, taassumalu nassatarisaanik ornikkamut ataatsimut assartuusseriaatsimut ataasiinnarmut tapiisoqartalerpoq. Taamaattumik disktrikit tamarmik immikkut iluanni qulimiguulimmik imaluunniit umiarsuarmik assartuussinermut taamaallaat isumaqtigiissusiortoqarpoq. Tamatuma kingunerisaanik Kalaallit Nunaata kujataani pisortanit tapiiffingeqartumik umiarsuarmik assartuussinerit tamarmik unitsinneqarput, 2006-illu kingorna qulimiguulimmik assartuussinerit kisimik tapiiffingeqartalerput.

Ilaasut sipaarniarnermit pisariaqanngitsumik sakkortualaamik eqqorneqannginnissaat qulakkeerniarlugu neqerooruteqartitsinermut naoqqutassiani erseqqissarneqarpoq, bilitsinut akit 2006 sioqqullugu akiusunut naleqqiullutik qaffannerisa annerpaamik 10%-it sinnersimassangnikkaat – assartuusseriaaseq suna atorneqarnersoq apeqquataatinnagu. Tamatuma kingunerisaanik Kalaallit Nunaata kujataani qulimiguulimmik timmisartuussinermi bilitsinut akit annertuumik tapiiffingeqarnissaat pisariaqartinneqalerpoq, qulimiguulimmut ilaanermi bilitsinut akit 2006 sioqqullugu bilitsinut akinit 10 %-it sinnerlugit qaffasinneroqqusaanngimmata, taamanilu aamma imaatigut angallatinik (aammattaaq tapersiiffingeqartunik) angalasoqarpoq.

7.4.2 Angallatit atorlugit assartuussinermut allannguinermit sunniutissat

Kalaallit Nunaata kujataani sikorsuaqannginnerata/immap sikuunnginnerata nalaani ilaasunik angallassinerup qulimiguulinniit angallatinut ilaasartaatinut nuunneqarnerani attaveqaatinut amerlasuunik aningaasaliisoqartariaqartussaanngilaq¹¹⁸.

Angallannermut sunniutissat tikittartullu akulikissusiat

Allannguinermili qulimiguulinnut aamma angallatinut atortut atorneqartut allannguuteqartariaqassapput, taamatullu angallattut piffissaq atortagaat allannguuteqartussaalluni. Angallatit atorlugit sullissinerup mannakkut qulimiguulimmik sullissinermut naleqqiullugu aallartartut amerlillugit ilusilerneqarnerani aamma atuisut iluaqtissanik amerlanerusunik misigisaqassapput, pisariaqartitsilernerminni angalanissamut periarfissaat amerlissallutik, taamaalillunilu piffissaq tamaangaannartinneqarsinnaasoq annikillissalluni (piffissaq nuunmissamut atorneqartartoq sivikillilluni).

Kalaallit Nunaata kujataata iluani assartuussineq allannortinneqassappat, sullissinerup pitsaassusiata maannatut iinnarnissaa, tassalu illoqarfinniit/illoqarfinnut aamma nunaqarfinniit/nunaqarfinnut aallartartut/tikittartut minnerpaamik maannatut akulikitsigiinnarnissaat Assartuussineq pillugu Isumalioqatigiissitap misissueqqissaarnermini aallaavigaa.

¹¹⁸ Angallatinik pioreersunik imaatigut angallassinermut atisoqalinngippat/nuussisoqanngippat, angallatinik nutaanik pisinissamut aningaasaliisoqartariaqassaaq. Assartuussineq pillugu isumalioqatigiissitap misissuinerani aningaasaqarnermik naatsorsukkanut atortunik nalikilliliinerit aammalu aningasaatinut aningaasartuutit, tamatigut atortut atorneqarnerini ataasiakkaanut akinik tunngaveqartinneqartut ilanngunneqarput. Taamaattumik aningaasaqarnermik naatsorsukkanut qinigassani ataasiakkaani angallatit amerlassusissaannut imaluunniit qulimiguullit amerlassusissaannut tunngaviusussanik immikkullarissunik ilanngussisoqartariaqanngilaq.



Angallatit suussusaat

Kalaallit Nunaata kujataani assartuussinermut angallavinni imaatigut angallatit assigiinngitsut atorneqarsinnaassapput. Angallatinik sukkasuulianik minnernik (25 - 30 knob, aqqaneq marlunnik ilaasoqarsinnaasunik), ullumikkut Kalaallit Nunaata kujataami ilaatigut attartortitsilluni angallassinermut atorneqareersunik atuisinnaaneq periarfissat ilagaat. Aamma angallatinik ilaasaartaatinik annerusunik, 2006 tikillugu Kalaallit Nunaata kujataani atorneqarsimasut assinginik atuinissaq periarfissaavoq. Tassani angallatit pineqartut tassaapput Najaaraq Ittuk (14 knob, 60-nik ilaasoqarsinnaasoq) aamma Aviaq Ittuk /Aleqa Ittuk (9,5 knob, 36-nik ilaasoqarsinnaasut).¹¹⁹

Assartuussineq pillugu Isumalioqatigiissitaq naliliivoq, angallatit minnerit angallatinut annernut sanilliullutik aningaasaqarnikkut iluaqtissartaqarnerussasut – minnerunngitsumik mittarfiup nuunneqarnerani angallatit minnerit annernut naleqqiullutik iluaqtissartaqarnerussasut, sumiiffiup iluani angallanneqarnissamut pisariaqartitsineq annertuumik annikillisussaammat. Taamatut naliliinermi ilaatigut Qeqertarsuup Tunuani misilitakkat tunngavigineqarput, tassani imaatigut angallassinerup ilaa angallatit minnerit atorlugit ingerlanneqarmat. Tamatumunnga atatillugu erseqqissaatigineqassaaq, Assartuussineq pillugu Isumalioqatigiissitap tamatuma isumannaallisaanermut tunngasortaa naliliiffigisimannngimmagu.

Angallatit minnerit angallatinut annernut naleqqiullutik marloriaammik sukknerusinnaapput, taamaattumillu piffissaq angalaffiusoq sivikinnerusinnaalluni. Taamatuttaaq angallatit minnerit angallatinut annernut, Assartuussineq pillugu Isumalioqatigiissitap maannamut isiginarsimasaanut naleqqiullutik ilaasumut ataatsimut kilometerimut aningaasartuitissat ikinnerusarput. Kiisalu angallatit minnerit eqaannerusumik aaqqissuunneqarsinnaapput, assartuussinermi suliassat suliarineqarnissaannut angallatit amerlanerusut atorneqartussaammata. Taamaalliluni assartuussineq siunnerfeqarfiuserusoq periarfissinnejartussaavoq, taamatullu angallatit pisinnaasaannik annikitsuararsuarmik atuiffiusut atorlugit angallassinissaq pinngitsoorneqartussaassalluni. Iluaqtissat taakku - siornatigut oqaatigineqareersutut – aallartartut/tikittartut akulikissusaannik qaffaanermut atorneqarsinnaapput.

Angallatit minnerusut angallatinut annerusunut naleqqiullutik ilorrisimaarnannginnerusutut atuisunut misigineqartarnissaat ilimanarpoq. Tamatuma saniatigut angallatit silarlunneranut malussajanerusarput (tamannalu Kalaallit Nunaata kujataani sinerissamut qanittumi akuttunerusarpoq), ilimanarporlu taakkunani ingerlatsinerup isumannaassusaa angallatininit annerusunit annikinnerussasoq.¹²⁰ Maannakkut pissutsit atuuttut malillugit Nanortallip eqqaani avataatigut angalasoqartartussaavoq. Tamatumunnga atatillugu oqaatigineqassaaq piffissap angalaffiusup appartinnissaa aammalu avataatigut angalasarnissap pinngitsoortinnissaa periarfissaqarmat, Itilliarsummi kaliffik 220 meteriusoq qaartiterlugu ikerasaliarineqarneratigut.

Qulimiguulinnik ingerlatsineq

Tunngaviusumik sikorsuaqannginnerani/imaq sikoqannginnerani qulimiguullip aalajangersimasumik angalatinneqarnerata unitsinnejarnissaa tunngavigineqarpoq, maannakkut tunngavilersuutigineqartut malillugit Kalaallit Nunaata kujataani qulimiguulimik timmisartuussinermi kiffartuunneqarnissamik

¹¹⁹ Angallatininit arlallit 2006 tikillugu Kalaallit Nunaata kujataani sullissisuusimasut, 2010-mi Qeqertarsuup Tunuani angallavinni angalatinneqarput. Taakku saniatigut angallatit marlussuit 12-25-nik ilaasoqarsinnaasut immikkut ittumik attartorneqarput, taakkulu 2005-imi aasaanerani Qassimiunut tassanngaanniillu aammalu Nanortallip kangianut angalatinneqarsimapput.

¹²⁰ Tamanna allassimasutut Assartuussineq pillugu Isumalioqatigiissitamit annertunerusumik naliliiffigineqanngilaq.

isumaqatigiissuteqartoqartussaanngimmat. Sikorsuaqarnerata nalaani – nalinginnaasumik marsimiit juulimut – aammalu immap sikoqarnerata nalaani ”sikorsuaqarnerani qulimiguulimmik” taallugu sullissisumut isumaqatigiissusiortarnissaq pisariaqartussaavoq. Nunap immikkoortuata iluani qulimiguulimmik angallassineq Qaqortumi mittarfimmiit, qulimiguulik arfineq pingasunit qulingiluanut ilaasoqarsinnaasoq, nassatanik inissaqtitsiviusoq atorlugu ingerlanneqarsinnaavoq.

Illoqarfitt akornanni qulimiguulimmik ingerlatsinerup ingerlaannarnissaa

Kalaallit Nunaata kujataani inunniq angallassinermi kiffartunneqarnissamik isumaqatigiissut atorunnaarluni imaatigut angallassinermut nuunneqaraluarpalluunniit, Kalaallit Nunaata kujataani sikorsuaqarnerata/immap sikuunerata nalaani qulimiguulimmik angallassinerup unitsinneqarnissaa qulakkeerneqarsinnaanngilaq. Illoqarfitt Narsap, Qaqortup aamma Nanortallip akornanni annertussusilikkamik tapiisutitaqanngitsumik qulimiguulimmik ingerlatsiinnartoqarsinnaavoq, angalasut ilaasa piffissami sivikitsumi angalanissamut akileerusussuseqarnerat annertussasoq, taamaattumillu qulimiguulimmik angalanissamut akimik qaffasissumik akiiliinissamut piareersimasassasut ilimagineqarmat. Taamaattumik Air Greenlandip immaqalu sullisisut allat niuernermik tunngaveqarluni ingerlatsinissamik aalajangernissaat apeqquaassaaq. Tamanna pingaartumik sumiiffimmi aatsitassarsiornermik aallartitsisoqassappat atutissaaq.

Siunissami imaatigut angallassinissamut pilersaarutaasinnaasoq

Sikorsuaqannginnerata nalaani imaatigut angallassinermut aningaasartuutit tamarmiusut naliliiffigisinnanaianirlugit, piffissami tassani ilaasut sullinneqarnissaannut pisinnaasat naammattut qulakkeerniarlugit Assartuussineq pillugu isumalioqatigiissitaq imaatigut angallassinissamut pilersaarusrusiorpoq. Angalanissanut pilersaarutip ilusilerneqarnerani aamma tikittartut akulikissusiat minnerpaamik qulimiguullit tikittartut akulikissusiattut akuttussusilerneqarpoq.¹²¹

Angalanissanut pilersaarutip immikkoortuinik pilersaarusrusiorneq, taassumalu ataani assartuuresseriaatsimut allamut nuunnissat pisinnaasanillu naleqqussaanissat pillugit pitsaanerpaamik attaveqaqatigiinnissap qulakkeerneqarnissa, angalanissanut pilersaarummut matumunnga ilanngunneqanngillat.

Angalanissanut pilersaarusrusiaasumi, angallannerup ilusaani takussutissiarineqarsimasumi angallatit angalanissaat ukiup qanoq ilineranut, sapaatit akunnerata ulluinut aamma piffissanut tikiffisanut agguagaapput. Takussutissiaq 7.4.1-imni angalanissanut pilersaarummit issuaalluni sapaatit akunnerannut tikittartut akulikissusaannut tunngasut takutinneqarput.

¹²¹ Mittarfik Narsarsuarmiit Qaqortumut nuunneqassappat, Kalaallit Nunaata kujataata iluani qulimiguullit angallannerat allanngortinnejqassaaq, tassaniluunniit qulimiguulik kisimi ilaasut angallanneqarnerinut atorneqaannaraluarpat. Tassalu qulimiguullit angallannerannut pilersaarummi iluarsisami tikittartut akulikissusiat atutereersoq pigiinnarneqarpoq, aammalu pisinnaasat Qaqortumi mittarfimmi pissutsinut naleqqussarneqarlutik. Piffissap sikorsuaqarfiusup avataani angalanissanut pilersaarusiortoqareernerani, timmisarttuussinernut pilersaarut iluarsisaq atorneqarpoq.

*Takussutissiaq 7.4.1*

*Mittarfik Narsarsuarmiit Qaqortumut nuunneqassappat qulimiguulimmik
ingerlatsinermi taamatullu ilaasunik imaatigut angallassinermi sapaatit
akunnerannut aallartartut akulikissusiat*

Sap.ak. aallarnerit amerlassusaat	Qulimiguulimmik		Ilaasunik imaatigut angallassineq		
	Illuqarfik/Nunaqarfik	Aasaanerani	Ukiuunerani	Aasakkut sikorsuaqannginnerani ^a	Ukiukkut sikorsuaqannginnerani ^a
Aappilattoq	2	2	2	2	2
Narsaq Kujalleq	2	2	2	2	2
Tasiusaq	2	2	3	2	2
Nanortalik	7	7	9	9	9
Alluitup Paa	3	3	6	8	8
Ammassivik	3	2	4	4	4
Saarloq	1	1	2	4	4
Egalugaarsuit	1	1	3	3	3
Qassimiut	1	1	1	2	2
Qaqortoq	20 ^b	18 ^b	20 ^b	18 ^b	18 ^b
Narsaq	10 ^c	10 ^c	12 ^c	11 ^c	11 ^c
Igaliku	1	1	2	2	2
Qassiarsuk	1	1	1	1	1
Narsarsuaq	0	0	0	0	0

Nassuaat: Qulimiguulimmik ingerlatsinermi taamatullu imaatigut angallassinermi aallartartut akulikissusiat missiliorneqarput, taamaillunilu mittarfik Narsarsuarmiit Qaqortumut nuunneqassappat pissusiulersussat takutinnejarlutik.

Qulimiguulimmik qulingiluanik ilaasoqarsinnaasumik aammalu imaatigut angallammik 12-inik ilaasoqarsinnaasumik angallassinissaq pilersaarusrornermi tunngavigineqarpoq.

Pilersaarusrarineqartut ineriertorfissanut tunngavissianut 1-imut, 2-mut aamma 3-mut atuupput.

- a. Ilaasunik imaatigut angallassineq taamaallaat piffissap sikorsuaqfiusup avataani ingerlanneqarsinnaavoq. Taamaattumik aallartartut akulikissusissaattut taaneqartut sikorsuaqannginnerata nalaani aasaanerani sapaatit akunnerannut ataatsimut aammalu ukiuunerani sapaatit akunneranni ataatsimut tunngasuupput. Sikorsuaqnerata nalaani qulimiguulimmik ingerlatsinerpataa aallartartut akulikissusisaat missiliorneqarput.
- b. Taakkunanna aallarnerit qulingiluat Narsamut.
- c. Taakkunanna aallarnerit qulingiluat Qaqortumut.

Najoqqutuarineqartoq: Timmisartuussinermut pilersaarutit atuuttut tunngavigalugit missiliuinieq.

Qeqertarsuup Tunuani imaatigut angallassinermut assersuussineq

Qeqertarsuup Tunuani illoqarfiiit nunaqarfiiillu aasaanerani angallatinik sullinneqarput (maajip qiteqqunneraniit decembarip qiteqqunneranut). Illoqarfiiit nalinginnaasumik sapaatit akunnerinut marloriarlutik pingasoriarlilluuniit tикинneqartartut, nunaqarfiiit nalinginnaasumik sapaatit akunnerannut ataasiarlutik tикинneqartarp¹²².

Kalaallit Nunaata kujataani imaatigut angalanissanut pilersaarusrarineqartut tunngavigalugit tamatumunnga assersuuitit oqaatigineqarsinnaavoq, illoqarfiiit sapaatit akunnerannut arlaleriarlutik tикинneqartassasut, kiisalu nunaqarfiiit sapaatit akunnerannut nalinginnaasumik marloriarlutik tикинneqartassasut, tak. takussutissiaq 7.4.1.

¹²² Regneark "Ilanngussaq 4 (Qeqertarsuup Tunuani ilaasunik angallassineq - nalunaarusiorneq 2008.xls", Namminersorlutik Oqartussanit tiguneqartoq).

Imaatigut angallassinerit timmisartuussinerillu

Takussutissiaq 7.4.2-mi aasaanerani sapaatit akunnerannut aamma ukiuunerani sapaatit akunnerannut qulimiguulimmik ingerlatsinermi imaatigullu angallassinermi angalaffiusussat isorartussusaattut naatsorsorneqartut katinneri aamma piffissat angalaffiusussat katinneri takussutissiorneqarput.

Takussutissiaq 7.4.2 Mittarfik Narsarsuarmiit Qaqortumut nuunneqassappat qulimiguulimmik ingerlatsinermi ilaasunillu imaatigut angallassinermi sapaatit akunnerannut angalaffiusut isorartussusaasa piffissallu angalaffiusut katinneri

Sapaatip akunneranut atortut atorlugit	Qulimiguulimmik ^a		Ilaasunik imaatigut angallassineq ^b	
	Aasaane rani	Ukiuuner ani	Aasakkut sikorsuaqannginnerani ^a	Ukiukkut sikorsuaqannginnerani ^a
Ataatsimut katillugu angalanerup isorartussusaa, km	1.715	1.915	3.415	4.095
Ataatsimut katillugu angalanermi piffissaq, nal.ak	11,3	13,3	81,2	91,0

- a. Qulimiguulinnik ingerlatsinerit takutinneqartut piffissamut ilaasunik imaatigut angallassinngilluinnaarfiusumut (pissutsit tunngaviusut) aamma sikorsuaqnerata nalaani qulimiguulinnik ingerlatsinernarmik atuiffiusumut (pilerausiornermi tunngaviusut) atuuttuupput.
- b. Ilaasunik imaatigut angallassineq takutinneqartoq taamaallaat sikorsuaqannginnerata nalaani imaatigut angallassinermut atuuttuuvoq (pilerausiornermi tunngaviusut).

Najoqqutarineqartoq: Angalanissanut pilerausiarineqartut tunngavigalugit angallassinernut ilusiliami missiliuinerit.

Misissuinerit ingerlateqqinnejnarnerini piffissap sikorsuaqarfiusup katillugit qaammatini tallimani sivisussuseqartneranik missiliuineq tunngavigineqarpoq, piffissallu taassuma affaa ukiuunerani pisarpoq affalu aasaanerani pisarluni. Piffissaq sikorsuaqarfiusoq marsimiit juuli tikillugu sivisussuseqassappat (tassalu sapaatit akunnerinik 22-nik) marsimiit maajip qiteeqqunnera tikillugu ukiuunerani piffissaassaaq, sinneralu aasaanerani piffissaassaaq, aasaanerani pilersaarut maajip qiteeqqunnerani aallartittarmat.

Takussutissiaq 7.4.3-mi takussutissiaq 7.4.2-p nanginnera takutinneqarpoq, tassanilu ukioq kaajallallugu timmisartuussinermi aammalu timmisartuussinerup imaatigullu angallassinerup kattunneqarnerani ukiumut angalaffiusut isorartussusaat piffissallu angalaffiusut katinneri takutinneqarput. Taanna malillugu imaatigut angallassinernut allannguineremi qulimiguullip kilometerit angallavii katillugit 39.960-inik sipaagaqarfiumissaat naatsorsuutigineqarpoq, tassalu ukiumut nalunaaquttap akunneri timmisartofiusut 271-inik ikilissapput, imaatigullu angallassinerup 82.610 kilometerinik ilaneqarnerani ukiumut nalunaaquttap akunneri imaatigut angalaffiusut 1.894-inik amerlissallutik. Tassalu sikorsuaqannginnerata nalaani Kalaallit Nunaata kujataani qulimiguulimmik assartuussinerit imaatigut angallassinernut allannguinikkut annikillingaatsiartussaapput.



Takussutissiaq 7.4.3 Ukiq kaajallallugu timmisartuussinermi aammalu timmisartuussinermik imaatigullu angallassinermik ataqtigisitsinermi ukiumut angalaffiusut isorartussusaasa piffissallu angalaffiusut katinneri

Sapaatip akunneranut atortut atorlugit	Ukiq kaajallallugu qulimiguulimmik	Qulimiguulimmik aamma imaatigut angala-neq ataqtigisillugit	
		Qulimiguulik	Angallatit
Ataatsimut katillugu angalanerup isorartussusaa, km	94.380	54.450	82.610
Ataatsimut katillugu angalanermi piffissaq, nal.ak	640	369	1.894

Najoqqutarineqartoq: Sikorsuaqnerata naalaani naatsorsuutigisat aammalu angallernut ilusiliami naatsorsukkat tunngavigalugit missiliuinerit.

Erseqqissaatigineqartariaqarpoq, sikorsuit pissutigalugit imaatigut angallassinermi naatsorsuutiginngisamik taamaatitsisoqartartussaammat. Angallannermut piviusuusaartitani sikorsuaqnerata nalaani naatsorsuutiginngisamik allannguisoqartarnissaa ilaatinneqanngilaq.

Bilitsit akii

Iniuqatigiit aningaasaqarnerannik naatsorsuinerni aallartarnerni pineqartuni angallammik angallassinermut bilitsit akiisa qulimiguulimmik angallassinermut akit assigiinnassagaat aallaaviatigut naatsorsuutigineqarpoq. Aningaasartuutit tamarmiusut apparnerat tunngavigalugu tapiissutit apparnissaat naatsorsuinermi tunngavagineqarpoq. Kalaallit Nunaata kujataani timmisartuussinermi 2009-mi bilitimut akiusoq agguaqatigiissillugu angalanermut ataatsimut 439 koruuninik annertussuseqarpoq, tapiissutillu angalanermut ataatsimut 530 koruuniupput, tassalu 54 %-erpiaat tapiissutaallutik, tak. takussutissiaq 16.3.2.

Angalasartut amerlassusaat

Siuissami angallammut ilaallutik angalasartussat amerlassusisaat nalorninarpoq, angallannerup allanngortinneqarnerani angalasartut amerlassusaat sunnerneqarneqarsinnaammat, soorlu tamatuma kingunerisaanik angalasartut ilaat angallavinni angallatinut namminerisamik pigisanut attartukkanullu nuussinnaapput. Assartuussineq pillugu Isumalioqatigiissitap naliliinermini siuissami aasaanerani sapaatit akunnerannut taamatullu ukiuunerani sapaatit akunnerannut angalasartussat amerlassusisaat tunngavigai, tassalu maannakkut qulimiguulimmik angalasartut aasaanerani sapaatit akunnerannut taamatullu ukiuunerani sapaatit akunnerannut angalasartut agguaqatigiissinnerinut amerlaqatigitillugit.

7.4.3 Aningaasaqarnermik naliliinerup inernerri

Qulimiguulinnik ingerlatsinermi atortunut aningaasartuutinut sipaarutissat
Qulimiguulinnik ingerlatsinermi sipaarutissat qulimiguulinnik atuinerup annikillinerata kingunerisaanik pinngortussaapput. Ukiumut nalunaaquattap akunnerinut atorneqartartunut ASO-p¹²³ paasissutissaatai aammalu Assartuussineq pillugu Isumalioqatigiissitap nammineerlumi missiliuinera tunngavigalugu, qulimiguulimmik Bell 212-imik ingerlatsinermi nalunaaquattap akunneranut ataatsimut uuttuummut ataatsimut akit missiliorneqarput.¹²⁴

¹²³ Aircraft Shopper Online (ASO).

¹²⁴ www.aso.com. Aircraft Cost & Performance Reports fra Conklin & de Decker.

Qulimiguulimmik ingerlatsinerup annikillisinnejnerani sipaarutissat missilioruminaapput. Qulimiguullit sikorsuaqnerata nalaani assartuussinermut suli atorneqarsinnaassapput tassaniiginnassallutillu. Tassalu tunngaviusumik aningaasartutissat aalajangersimasut appartinnissaat ajornakusuussaaq, tassani pingaartumik aningaasaatinut aningaasartutissat immikkut eqqarsaatigalugit. Qulimiguullilli siunertanut allanut, isertitaqarfiusinnaasunut imaluunniit inuiaqatigiinnut kalaallinut allatigut naleqartunut atorneqarsinnaassapput. Aningaasartutinit aalajangersimasunit qanoq annertutigisut piffissami sikorsuaqarfiusumi qulimiguulimmik angallassinermi kiffartunneqarnissamik isumaqatigiissutinit nammameqarsinnaanerinit, qulimiguullit piffissani Kalaallit Nunaata kujataani angallavinni assartuussinermut atorneqannginnerini siunertanut allanut atorneqarsinnaanissaat apeequtaassaaq. Tamatumunnga atatillugu Assartuussineq pillugu Isumalioqatigiissitaq aalajangerpoq, qulimiguulimmik Bell 212-imik atuinermi nalunaaquttap akunneranut uuttuummut ataatsimut aningaasartutinut missingersuusiornermini appasinaaraluni mianersortumik missiliuiniarluni. Tamatuma kingunerisaanik nalunaaquttap akunneranut ataatsimut uuttuummut ataatsimut aningaasartutit 12.500 koruuninik annertussusilerneqarput¹²⁵

Uuttuummut ataatsimut aningaasartuutit aammalu piffissamik atuinermi allannguutissatut missiliorneqartut tunngavigalugit qulimiguullip Bell 212-ip atorneqarnerata annikillinerani sipaarutissat ukiumut katillugit 3,4 mio. koruuninut missiliorneqarsinnaapput.

Erseqqissaatigineqassaaq, taamatut naatsorsuineq qulimiguullit allanut atorneqarsinnaanerinit periarfissat nalornissutigineqarnerannik tunngaveqarmat. Taamaattumik naatsorsuinermi aningaasartuutit ikilissutissaat kisimik takussutissiorneqarput.

Angallatinik ingerlatsinermi atortunut aningaasartuutit

Sikorsuaqannginnerata nalaani qulimiguulimmik assartuussinermut taartigalugu angallatinik ingerlatsinermi aningaasartuteqartoqartussaavoq. Aningaasartutissat taakku amerlassusissaat angallatinik atuinissamut naatsorsuutigisat katinneri tunngavigalugit missiliorneqarput, tak. takussutissiaq 7.4.3.

Siusinnerusukkut oqaatigineqareersutut Assartuussineq pillugu Isumalioqatigiissitap naliliinerani angallatit minnerit 12-inik ilaasoqarsinnaasut 25-30 knob tikillugu sukkassuseqarlutik angallassisinnaasut atorlugit angallavinni angallassinerit tunngavigineqarput. Angallatinik taakkuningga ingerlatsinermut aningaasartuutinut kilometerimut angallaviusumut ataatsimut akit, aningaasartuutinut tamarmiusunut ilaatinneqartut tunngavigineqarput, taakkununngalu nalikilliliinerit aningaasaatinullu aningaasartuutit ilaapput.

Angallatit minnerit angallavigisaanni kilometerimut ataatsimut akiusoq ingerlatseqatigiiffit, Kalaallit Nunaata kujataani angallatit minnerusut atorlugit angallassinermk misilittagaqartut paasissutissiinerat tunngavigalugu kilometerimut 26 koruuninut missiliorneqarpoq.

Taanna tunngavigalugu aammalu angallatit minnerusut atorlugit angallassinermk suliaqarnermi missiliorneqartut tunngavigalugit aningaasartutissat ukiumut 2,1 mio. koruuninut missiliorneqarput. Naatsorsuinermi tassani amma nalorninartorsiertoqarpoq, angallatit minnerit atorneqarnerini uuttuummut ataatsimut akiusoq nalorninartoqartinneqarput.

¹²⁵ Takussutissiaq 9.2.5-imi nalunaaquttap akunneranut atuiffiusumut ataatsimut aningaasartuutinut missiliukkat appasinnerit, qitiusut qaffasinnerillu takussutissiorneqarput. Tassani appasinnernut missiliukkat taakkua matumani atorneqarput.



Bussinik ingerlatsinermi atortunut aningaasartuutit

Ilaasut timmisartumut ilaallutik Qaqortumut mittut, aammalu illoqarfimmut allamut nunaqarfimmulluunniit ingerlaqqittussat mittarfimmiit umiarsualivimmut ingerlaqqissinnaassapput. Assartuussinerup bussit atorlugit pisarnissaa naatsorsuutigineqarpoq. Angalanissap sivisussusissaanut mittarfiup inissiffissaa apeqqutaassaaq. Inissiiffissaq 3-mut inissiisoqassappat angalanissaq 10 km-it missaannik isorartussuseqassaaq minutsinillu 20-nik sivisussuseqassalluni.

Sapaatit akunnerannut siumut utimullu angalanissat tallimat (aasakkut ukiukkullu) atorfissaqartinneqassasut missilorneqarpoq. Bussinik angalaneq ataaseq 1.000 koruuneqartussatut naatsorsuutigineqarpoq. Tamanna tunngavigalugu bussinik ingerlatsinermut ukiumut aningaasartuutissat katillugit 110.000 koruuninut naatsorsorneqarsinnaapput.

Piffissap nalinga tassungalu aningaasartuutit

Takussutissiaq 7.4.1-imí takutinneqartutut, mittarfiup Narsarsuarmut nuunneqarnerani angallatinik aallartartut akulikissusiata minnerpaamik qulimiguulimmik ingerlatsinermi akulikissutsitut innissaa Assartuussineq pillugu Isumalioqatigiissitap sulinermini aallaavigaa.

Imaatigut angallassineq qanorluunniit ilusilerneqaraluarpat, angalasussat ataatsimut isigalugu angallammik angalanermut qulimiguulimmik angalanermut naleqqiullugu piffissap sivisunerusup atorneqartalerneranik misigisaqartussaapput. Tassalu Qaqortumiit Alluitsup Paanut angalasoq nalunaaquattap akunneranik ataatsimik sivisunerusumik angalasalissaq, Qaqortumiit Nanortalimmut angalasoq nalunaaquattap akunneri marluk avillugu sivisunerusumik angalasalertussaalluni (kalittaatit aqquaat Itilliarsummiitoq aqquaarnagu). Itilliarsummi kalittarfiup aqqutigineqarsinnaasumik ikerasaliornikkut allanngortinneratigut, Qaqortup aamma Alluitsup Paata/Nanortallip akornanni angallavissamut 15 kilometerit missaat sipaardeqarsinnaapput, tamatumalu saniatigut avataatigut angalanissaq pinngitsoortinneqarsinnaalluni. Taamaalilluni angallatit ilaasartaatit arfinilinniit arfineq pingasunut amerlassuseqartut angalarnerat sapaatit akunnerannut nalunaaquattap akunnerata affap missaanik sivikillineqarsinaavoq. Ataatsimut isigalugu ukiumut nalunaaquattap akunneri angalaffiusut 150-iniit 200-nut sipaardeqarsinnaapput.

Matuma siuliani nassuaatigineqartutut, angalasup Qaqortumut timmisartumik mittup, aammalu illoqarfimmut allamut nunaqarfimmulluunniit ingerlaqqittussap timmisartumiit angallammut nuunnermut piffissaq sivisunerusoq atortalissavaa. Timmisartumiit qulimiguulimmut nuunnerup mittarfimmi pisarnera, kiisalu timmisartumiit angallammut nuunnerup mittarfimmut akunnilluni umiarsualivimmut ingerlaqqittarnera tamatumunnga pissutaavoq.

Angalasut piffissami angalaffissamini aallartartut amerlassusaannut naleqqiullugu pingaarnersiusarnerat ilisimaneqanngilaq. Kisiannili Assartuussineq pillugu Isumalioqatigiissitaq naliivoq, angallammik assartuussinermi qulimiguulimmik assartuussinermut naleqqiullugu aallartartut amerlineqarnerat pitsanngoriaataassasoq, tamannalu piffissap angalaffiusup aammalu piffissap paarlaffiusup sivisunerata kingunerisaanik piffissamut annaasassamut taartaasassaaq.

Aningaasaqarnermik naatsorsuinerup inernerri

Aningaasaqarnermik naatsorsuinerup inernerisa takutippaat, ukiumut katillugit 1,2 mio. koruunit missaat aningaasaqarnermi sipaardeqarsinnaasut.

Sipaarutissat piviusunngortinnissaannut taarsiullugu aallartartut amerlisinnerisigut angallatit mikisut atorlugit sullissinerup pitsanngortinneqarnissaanut atorneqarsinnaapput. Tunngavissatut atorneqartut aallaavigalugit aallartartut angalanissanut pilersaarasiaasunut naleqqiullugit 50%-inik amerlisinneqarsinnaapput. Sullisseriaatsimut taamaallaat qulimiguulimmik assartuussinermik

tunngaveqartumut naleqqiullugu, piffissap sikorsuaqanngiffiusup nalaani angallatit mikisut atorlugit illoqarfiit nunaqarfiillu akornanni sullissinermi aallartartut amerlisinnejangaatsiarnerisigut angallassineq annertuumik pitsannguiffigineqarsinaasoq, tamatumani takutinnejqarpooq.

7.4.4 Sunniutissat naliligaanngitsut

Nassuaatigineqareersutut pissutsit arlallit matuma siuliani annertussutsinut misissueqqissaarnernut ilaatinneqanngillat. Sunniutissanit naliligaanngitsunit uku erseqqissaatigineqarsinnaapput:

- Heliportinik aamma helistoppinik ingerlatsinermut aningaasartuutinut sipaarutaasinnaasut. Tassani mittarfiit taakku tamarmik pigineqaannarnissaat naatsorsuutigineqarpooq, sikorsuaqarnerata nalaani atorneqartartussaagamik, taamaattumillu ingerlatsinermut aningaasartuutinit sipaarutaasinnaasut killeqassasut naliliisoqarpooq.
- Umiarsualivinnik umiarsualivinnilu atortunik ingerlatsinermut aningaasartuutit qaffaatigisinjaanaannut aningaasartuutaanerusussat ilanngullugit naatsorsorneqanngillat.
- Angalasarnerit akornanni aallartartut amerlassusaasa allanngornerini piffissap utaqqiffiusussap allannguutai ilanngullugit naatsorsorneqanngillat nalinerneqaratillu.
- Qulimiguulinniit angallatinut nuunnermi atuisut piffissamut angalaffiisumut aamma piffissamut taarsiiffiusumut annaasassaattut naatsorsuutigineqarsinnaasut misissueqqissaarnermut ilanngunneqanngillat.
- Imaatigut angallassinerup angallavimmut ilanngunneqarnerani ilaasut angallatinut mikisunut nammineq pigisanut imaluuniit angallatinut attartorneqartunut angalatinneqartunut nuussinnaapput. Tamanna isumalluutit angallatit mikisut taakku ingerlanneqarnerinut sipaaruteqarnikkut inuiaqatigiit aningaasaqarnerat eqqarsaatigalugu sipaaruteqarfiusinnaavoq. Tamanna naatsorsukkanut ilanngunneqanngilaq.
- Kalaallit Nunaata kujataani qulimiguullit atorlugit inunniq angallassinermi kiffartuunneqarnissamik isumaqatigiissut atorunnaalaruartoq, aammalu sikorsuaqannginnerata nalaani imaatigut angallassinermut nuuttoqaraluartoq, piffissami tessani Kalaallit Nunaata kujataani qulimiguulimmik angallassinerit tamarmik uninnissaat naatsorsuutigineqarsinnaanngilaq. Tamatumani timmisartumik sullisisut niuernermik tunngaveqarlutik aalajangernissaat apeqquaassaaq. Imaassinaavoq illoqarfiit Narsap, Qaqortup aamma Nanortallip akornanni tapiissutitaqanngitsumik qulimiguulimmik ingerlatsiinnartoqartoq, angalasarut ilaasa piffissami sivikitsumi angalanissaminut akileerusussusiat annertussasoq ilimagineqartariaqarmat. Tamanna pingaartumik sumiiffimmi aatsitassarsiorfimmik pilersitsisoqarpat atuuttussaavoq.

7.4.5 Naliliineq

Kalaallit Nunaata kujataani angallassineq qanoq iluseqassanersoq pillugu aalajangersaanissaq suliassaavoq pisariusoq. Mittarfik Narsarsuarmiit Qaqortumut nuunneqassappat, sumiiffiup iluani inunniq angallassineq angalasullu katitigaanerat allannguiteqassaaq, taamaalillunilu sumiiffiup iluani inunniq angallassinermi timmisartumik ingerlaqqinniarlutik angalasarut ikinnerulissapput. Tamatumana saniatigut sikorsuaqarnerani/immap sikuunerani annaasaqataasinnaasut qanoq iliorluni kiffartuunneqarnissamik isumaqatigiissutini isumaqatigiissutigineqartussani sullisisut aamma inuiaqatigiit akornanni pitsaanerpaamik agguarneqarsinnaanersut pillugit apeqquutit arlaqarput.



Misissueqqissaarnerilli matuma siuliani taaneqartut tunngavigalugit Assartuussineq pillugu Isumalioqatigiissitaq naliliivoq, Kalaallit Nunaata kujataani sikorsuaqannginnerata nalaani angallatit minnerit atorlugit sullissinissaq, ukioq kaajallallugu qulimiguulinnik atuinermik tunngaveqarluni sullissinermut sanilliullugu inuiaqtigii aningaasaqarnerannut iluaqtissartaqassasoq. Oqaatigineqartutulli Assartuussineq pillugu Isumalioqatigiissitap sikorsuaqannginnerata nalaani angallatinik minnernik atuilermissamut tunngatillugu apeqquitit isumannaallisaanermut tunngasuusimmaasut naliliiffigisimanngilai.

Angallasseriaatsimut ataasiinnarmut tapiisarneq atuutiinnassaaq. Kisiannili sikorsuaqannginnerata nalaani angallatinik minnernik atuilernermi ukioq kaajallallugu qulimiguulimmik atuinermut sanilliullugu aningaasat ikinnerusut atorlugit sullisseriaaseq eqaannerujussuaq akulikinnerusunillu tikiffiusartoq anguneqarsinnaavoq.

SAR-imut sullissinerit naammassineqarsinnaajuarnissaat anguniarlugu aamma sikorsuaqannginnerata nalaani qulimiguulimmik Kalaallit Nunaata kujataani upalungaarsimatisinissaq pisariaqarpoq. SAR-imut pissutsit ersarinnerusumik nassuaateqarfingineqarnerat kapitali 14-imi takuuk.

Erseqqissaatigineqassaaq, mittarfiup Narsarsuarmiit Qaqortumut nuunneqarnissaanut Assartuussineq pillugu Isumalioqatigiissitap inassuteqaataanut Kalaallit Nunaata kujataata iluani inunnik angallassinerup aaqqissuussaanera apeqqutaatinneqanngimmat.

7.5 Qaqortup aamma Narsap akornanni aqqusineq/ikaartaat

Qaqortumi mittarfik nutaaq inissiiffissaq 3-mut inissinneqassappat, mittarfimmiit Narsamut qaninkaatsiartussaavoq. Taamaalilluni mittarfimmut qanittumut talittarfiliornissap inuiaqtigii aningaasaqarneranni iluanaarutaasinnaalernissaanut perarfissanik ammaassisooqassaaq, taamaalillunilu Narsaq, Qaqortoq mittarfillu aqqusineq/ikaartaat atorlugu toqqaannartumik atassuserneqassallutik.



Ilusiliaq 7.5.1 Qaqortup aamma Narsap akornanni aqqusinniorfissap/ ikaartaaasiinissap titartarneqarnera

Najoqqutineqartoq: Mittarfefqarfiit. 2004. Angallannermut sanaartukkat, Sanaartugassanut nassuaatit missingersuilltu, suliap ilaanut suliassaq: Qaqortup, Narsap aamma Narsarsuup akornanni angallannermut atortut, pineqartoq: Qaqortup aamma Narsap akornanni ikaartaat.

Qaqortup aamma Narsap akornanni aqqusinniorfikkut/ikaartaasiinikkut Qaqortumi aamma Narsami illoqarfinni inuiqaqtigii imminnut atalersussaapput, tak. Ilusiliaq 7.5.1. Tamatuma saniatigut Qaqortup aamma Narsap akornanni qulimiguulimmik assartuussineq atorneqarunnaarpat piffissaq angalaffiusoq sivilillisussaavoq.

Tamanna aamma Qaqortup eqqaani inissiiffissani allani anguneqarsinnaavoq. Ataatsimullu isigalugu – tassalu Qaqortup eqqaani mittarfiliornermi (1199 m) aamma Qaqortup Narsallu akornanni aqqusinniorfikkut/ikaartaasiinikkut – maannakkut naliusut ilanngaasereerlugit inissiiffisanut allanut naleqqiullugu inissiiffissaq 3-mi mittarfimmik sanasoqnerani ikinnerussapput. Inissiiffissaq 3-mi sanaartornermut aningaasartuutit inissiiffissani allani aningaasartuutinit ikinnerpaamik 100 mio. koruuninik, tassalu maannakkut naliusut ilanngaasereerlugit naatsorsorlugit amerlanerusussaanerat tamatumunnga pissutaavoq, tak. takussutissiaq 7.2.3.

7.5.1 Tunngaviusussat angallannikkullu kingunerisassat

Narsap aamma Qaqortup mittarfiata akornanni imaatigut angallannissaq ajornarunnaarsinnejassappat, mittarfimmuit qanittumi talittarfiliornissaq, kiisalu mittarfiup talittarfiullu akornanni aqqusinniorfissaq pisariaqarpoq.



Qaqortup, Narsap Narsarsuullu akornanni aqqusinniorningissamut/ikaartarfiliinissamut periarfissat Mittarfeqarfiiit 2004-mi misissuiffigaat, tassunga Qaqortup aamma Narsap akornanni aqqusinniorningissaq/ikaartarfiliinissaq, attaveqaatillu taakkununnga atasut ilanggullugit misissuiffigalugit. Tamatumunnga atatillugu attaveqaatinut pisariaqartinneqartunut aningaasalersuinissamut aningaasartutissat missingersuusiorneqarput¹²⁶.

Narsap Qaqortullu akornanni piffissaq angallaviusussaq sivikinnerpaassappat, Qaqortup qeqertaasartaata sineriaata avannaani Nuupiluk aallaavissatut pitsaanerpaassasoq nalunaarusiami aalajangerneqarpoq. Sinerissap avannarpasisssuaniit Narsamut 20 km-it missaannik ungasissuseqarpoq, 11 somilit missaanniilluni.

Sanaartornermut aningaasartuutit, umiarsualivik

2004-mi akit naapertorlugit Narsami ikaartarfip talittarfissaa 5 mio. koruuninik, aamma Nuupilummi talittarfissap 6 mio. koruuninik (2010-mi akit naapertorlugit 6,0 aamma 7,2 mio. koruuninik) akeqassasut, nalunaarusiami missiliorneqarpoq.

Sanaartornermut aningaasartuutit, aqqusernit

Umiarsualivimmut aqqusinniorningissaq pisariaqarpoq. Narsami aqqusineq pioreersoq aqqutigalugu ikaartaatip talittarfianut aqqusineqartitsisoqassaaq, taamaattumillu ikaartarfip talittarfianut nutaamik aqqusinniorqartussaangilaq. Qaqortup tungaani ikaartaatip talittarfissaanut mittarfimmuit ikaartaatinut talittarfissap tungaanut nutaamik aqqusinniorqassaaq. 2004-mi aqqusinermut tassunga aningaasartutissat 2004-mi akit tunngavigalugit 10 mio. koruunit missaannut missiliorneqarput, tassalu 2010-mi akit tunngavigalugit inissiiffissaq 3-mi sananissaq 12 mio. koruunit missaannut missiliorneqarluni.¹²⁷

Taamaalilluni inissiiffissamut tassunga aammalu ikaartaasiinissamik aaqqiissutissatut toqgarneqartumut aningaasaliissutissanut aningaasartutissat 25 mio. koruunit missarpiaanniissapput.

Ingerlatsinermut aserfallatsaaliuinermullu aningaasartuutissat

Umiarsualivinni aqqusinernilu ingerlatsinermut aserfallatsaaliuinermullu aningaasartuutissat missingersuusiorneqannigillat. Taamaattumik naatsorsuinermi tamatumunnga aningaasartuutissat ukiumut sanaartornermut aningaasartutissat 4 %-iinik amerlassuseqartarnissaat tunngavigineqarpoq. Tassalu ukiumut ingerlatsinermut aningaasartutissat 1,25 mio. koruunit missaanniissapput.

Angallannerup ilusaa atorlugu naatsorsuineq

Tamanna tunngavigalugu angallannerup ilusaa atorlugu naatsorsuinerit ingerlatinneqarput, Narsap, Qaqortup aamma mittarfip akornanni aqqusernup/angallatip ataatsimut sunniutissai paasiniarlugit.

Angallannerup ilusaata naatsorsuitinneqarnerani uku qitiusumik tunngavigineqarput:

¹²⁶ Mittarfeqarfiiit, 2004: *Angallannermut sanaartukkut, Sanaartugassanut nassuaatit missingersuutillu, suliap ilaanut suliassaq: Qaqortup, Narsap aamma Narsarsuup akornanni angallannermut atortut, pineqartoq: Qaqortup aamma Narsap akornanni ikaartaat.*

¹²⁷ Mittarfeqarfiiit, 2004: *Sanaartugassanut nassuaatit missingersuutillu, suliap ilaanut suliassaq: Qaqortup, Narsap aamma Narsarsuup akornanni angallannermut atortut, quequtaq: Aqqusineq.*

Qulimiguullit

Narsap aamma Qaqortup akornanni qulimiguullip angalanera ukioq kaajallallugu unitsinnejartoq naatsorsuutigineqarpoq. Tamatumani angallatit imaatigut angallassinermut atorneqartut sikorsuit ajornartorsiutaanerinit akornuserneqannginnisaat tunngavigalugu naliliisoqarpoq. Taamatut naliliinermut Sikunik Alapernaarsuiffimmiit paassisutissat, kiisalu RAL-imut, sumiiffimmi imaatigut angallassinermik misilittagaqluertumut apersuinerit tunngavigineqarput. Pingaartumik upernaakkut sermeq uukkartartillugu sikut ajormartorsiutaasartut ilisimatitsissutigineqarpoq, kisiannili angallatit sikut akulloqquallugit ingerlasinnaasassasut naliliisoqarpoq.

Angallatit

Mittarfeqarfiiq nalunaarusiaat 2004-meersoq naapertorlugu angallatinik ilaasartaatinik, 36-nik ilaaqoqarsinnaasunik atulersitsisoqassaaq, taakkulu angallavissaq 20 km-it missaanni isorartussuseqartoq sukkassuseq agguaqatigiissillugu 15 knob-it imaluunniit nal. ak. 28 km-it missaanniittooq atorlugu 45 minutsit ingerlasinnaassaaq.

Angalanissanut pilersaarutit

Sapaatit akunnerisa ulluini tamani ullormut siumut utimullu angalanerit marluk tunngavigalugit angalanissanut pilersaarutit atorneqassapput. Ullaakkut unnukkullu angallassisoqartassaaq, taamaalillunilu Nuup Kangerlussuullu tungaanut timmisartunut pitsaanerpaaamik ataaqtigisihaarisoqartassaaq. Angalaneq minutsit 45-t missaannik sivisussuseqassaaq.

Bussinik angallassinerit

Ikaartarfimmiit mittarfik (inissiiffissaq 3) aqusaarlugu Qaqortumut bussinik angallasissuanik, katillugit minutsit 30-t missaanni angallassisartussanik atulersitsisoqassaaq. Angallavinnut pilersaarutit timmisartut angallatillu tikitarnerinut aallartarnerinullu naleqqussarneqarnissaat naatsorsuutigineqarpoq.

Bilitsinut akit

Bilitsinut akit naatsorsorneqarnerinut AUL-ip 2005-imi Kalaallit Nunaata kujataanut akigititai aallaavagineqarput.

Angallannermut sunniutissat

Takussutissiaq 7.5.1-imi piffissap angalaffiusussap allanngornerata ilaasunut nassiuasanullu angallannikkut kingunerisaasa naatsorsorneri takutinneqarput.

Takussutissiaq 7.5.1 Ineriaartorfissanut takussutissiaq 1, 2030-mi qulimiguullit atorneqaannarnissaannut naleqqiullugu Qaqortup aamma Narsap akornanni aqqusinikkut/angallammik angalanermi ukioq kaajallallugu piffissat (nalunaaquttap akunnerisa) angalaffiusut assiginngissutaat. Kisitsisit sinneqartoorutitut isikkullit tassaapput ikileriaait/pissarsiat

Uuttuut	Nunaqavissut, inuussutissarsiortut angalasut <i>inuit nal.ak.</i>	Nunaqavissut, inuinaat namminneq angalasut <i>inuit nal.ak.</i>	Inuussutissarsiortut (nunaqavissuunngitsut) <i>inuit nal.ak.</i>	Takornariaq arneq <i>inuit nal.ak.</i>	Nassiussat, timmisartoq <i>kgtimer</i>	Allakkat <i>kgtimer</i>
Piffissaq angalaffiusoq	-2.966	-739	-499	-1.508	-428.477	-77.411
Piffissaq taarsiiffiusoq	-699	-173	-131	-37	-179.415	-34.335

Nassuaat: Piffissami angalaffiusumi piffissat timmisartumi/angallammi atorneqartut pineqarput. Piffissaq taarsiiffiusoq tassaavoq piffissaq, ilaasut akunnittut tikinnermiit aallarnermut mittarfimmi/umiarsualivimmi utaqqifflat.



Piffissap taarsiiffiusup naatsorsornerani timmisartup/qulimiguullip aamma Qaqortumi timmisartup/angallatip ataqatiginnerisa assigiinnissaat naatsorsuutigineqarpoq. Tassalu mittarfimmiit Nuupilummi umiarsualivimmut assartuussineq kisimi piffissamut taarsiiffiusumut ilaatinneqarpoq (minutsinik 30-nik sivisussuseqarnissaa ilimagineqarpoq).

Angalasut piffissamik annaasaqartassapput, qulimiguulik angallammit sukkannerummat, aammalu timmisartumiit angallammut Qaqortumi timmisartumiit qulimiguulimmut taarsiinissamut naleqqiullugu piffissaq taarsiinissamut atorneqartoq sivitsortussaammat.

7.5.2 Aningaasaqarnermik naliliinerup inernerri

Siullermik Mittarfeqarfitt nalunaarusiaanni naatsorsuutigisat atorlugit Qaqortup aamma Narsap akornanni aqqusinniornerup/ikaartaatiliinerup inuiaqatigiit aningaasaqarnerannut sunniutissat nassuaatigineqassapput. Tamatuma kingorna Mittarfeqarfitt nalunaarusiaanni naatsorsuutigineqartutut angallatinut angisuunut taarsiullugu angallatinik minnernik atuilernerup inuiaqatigiit aningaasaqarnerannut sunniutissai nassuaatigineqassapput.

Angallatinik angisunik atuinerup inernerri

Takussutissiaq 7.5.2-mi suliassami maannakkut naligititaasoq ilanngaasereerlugu (NNV) aammalu suliassaqarfiup iluani erniat tunngavigalugit inuiaqatigiit aningaasaqarneranni angusat allanneqarput. Maannakkut naligititaasut ilanngaasereerlugu tassaapput, piffissami aningaasalersuiffusussatut naatsorsuutigineqartumi (ukiuni 25-ni) realrente ukiumut 4 %-iusoq atorlugu suliami isertitat aningaasartuutilu nalingi ilanngaaseriikkat.

Takussutissiaq 7.5.2 Qulimiguulimmik angallassinermut taarsiullugu angallat atorlugu Narsap aamma Qaqortumi mittarfiup eqqaani umiarsualiviup nutaap akornanni angallassinermi maannakkut naligititaasut ilanngaasereerlugit, angallat angisooq

Mio. DKK	V1	V2	V3
Sanaartornermut aningaasartuutit	-24	-24	-24
Naliusut sinneri	8	8	8
Sanaartornermut aningaasartuutit, katillugit	-15	-15	-15
Nutarterinermut aserfallatsaaliinermullu aningaasartuutit	-18	-18	-18
Ingerlatsinermut aningaasartuutit, silaannakkut angallanneq	147	147	147
Ingerlatsinermut aningaasartuutit, angallatit	-42	-42	-42
Ingerlatsinermut aningaasartuutit bussit	-3	-3	-3
Billetsinit isertitat, silaannakkut angallanneq aamma angallatit	-8	-9	-9
Ingerlatsinermut aserfallatsaaliinermullu aningaasartuutit, katillugit	76	75	75
Atuisut piffisatigut pissarsiassaat	-80	-86	-88
Atuisut billetsinut aningaasartuutaat	8	9	8
Atuisut pissarsiassaat, katillugit	-73	-77	-80
Ajutornerit, nipiiorneq aamma silaannarmi mingutsitsineq	0	0	0
Silap pissusaa (CO2)	1	1	1
Avataanut aningaasartuutit, katillugit	1	1	1
Akitsuutitigut sunniutaasussat	0	0	0
Akileraarutit nikinneranni annaasat	5	5	5
Sunniutit allat suliffeqarnermi sunniutit ilanngullugit	0	0	0
Sunniutaasussat allat, katillugit	5	5	5
Katillugit maannakkut naliusut ilanngaasereerlugit (NNV)	-7	-12	-14
Suliassaqarfiup iluani erniat, pct. ukiumut	2,0%	0,1%	-0,9%

Nassuaat: v1, v2 aamma v3 tassaapput ineriertorfissatut takussutissiat 1, 2 aamma 3

Sanaartornermut aningaasartuutit

Umiarsualivinnik aqqusinernillu sanaartornermut aningaasartuutit naliusup sinnerata ilanngunneqarnerani maannakkut naligititaasut ilanngaasereerlugit 15 mio. koruunit missaanniippuit.

Ingerlatsinermut aningaasartuutit, timmisartoq

Narsap aamma Qaqortup akornanni qulimiguulinnik angallassinermut imaatigut angallassinermut allannguinerup kingorna atorunnaassapput, taamaalillunilu nalunaaquttag akunneri timmisartorfiusut annertuumik sipaagaqarfigineqassapput. Ineriertorfissanut takussutissiaq 1-imi naatsorsuineq malillugu qulimiguulimmut nalunaaquttag akunnerisa katillugit 248-t missaanniittut sipaardeqarnissaat naatsorsorneqarpoq, sipaaretissallu taakku maannakkut naligititaasut ilanngaasereerlugit 147 mio. koruunit missaanniippuit.

Ingerlatsinermut aningaasartuutit, angallatit

Angallatinik ingerlatsinermut aningaasartuutit angalaffiusumi kilometerimut ataatsimut akit, aningaasartuutinik tamanik, taakkununngalu ilanngullugu nalikilliliinernik aningasaatinullu aningaasartuutinik imaqtut tunngavigneqarput. Ataasiakkaanut akit kilometerit angalaffiusut amerlassusaannik naatsorsuinermut ilanngullugit atorneqarput.



Ineriertorfissanut takussutissiaq 1-imí naatsorsuineq malillugu kilometerit angalaffiusut amerlassusaat 30.000 km-it missaannut aalajangerneqarput, tassalu maannakkut naligititaasut ilanngaasereerlugit 42 mio. koruunit missaannik naleqarlutik.

Bilitsinit isertitat

Sullissut atuisullu bilitsinit isertitaasa akiliutaasalu allannguutissaasa naatsorsorneqarnerini maannakkut qulimiguulinnut bilitsit akii, kiisalu angallatinut, 2005-imí angallassiunnaarnermi bilitsit akii tunngavigineqarput.

Takussutissiaq 7.5.2-mi takuneqarsinnaasutut ineriertorfissanut takussutissiaq 1-imí sullissut bilitsinit isertitaat maannakkut naligititaasut ilanngaaserikkat tunngavigalugit 8 mio. koruunit missaannik ikilissapput, tamatumani lu imaatigut angalanissaq timmisartornermit akikinnerusoq takutinneqarpoq.

Tamatuma peqatigisaanik atuisut bilitsinut akiliutit apparnerisigut iluanaaruteqassapput, taakkulu aamma ineriertorfissanut takussutissiaq 1-imí maannakkut naligititaasut ilanngaasereerlugit inernerini akunnaallisillugit 8 mio. koruuninut missiliorneqarput.

Piffissamut aningaasartuutit

Piffissap angalaffiusussap assigiinngissutaa angallattunut nalitigut annaasaqaatissatut naatsorsorneqarpoq, tamannalu ineriertorfissatut takussutissiaq 1-imí maannakkut naligititaasut ilanngaasereerlugit 80 mio. koruuninik annertussuseqarpoq.

Avammut aningaasartuutit

Qulimiguulinnit angallatinut allannguinerup kingunerisaanik nukissaq atorneqartoq, taamaalillunilu aamma CO₂ aniatinneqartoq annikillissaaq. Annikillissutissatut ineriertorfissanut takussutissiaq 1-imí maannakkut naligititaasut ilanngaasereerlugit 1 mio. koruuninut nalilerneqarput naatsorsorneqarlillu.

Sunniutissat allat

Suliassami pisortat missingersuutaat umiarsualivinnut aqqusinernullu, pisortanit akilerneqartussatut naatsorsuutigineqartunut aningaasaliinikkut sunniuteqarfingeqassapput. Tamatuma saniatigut taakku sullissut ingerlatsinermut aningaasartuutaannit sunniuteqarfingeqassapput, sullissut pisortanit pigineqarnissaat ilimagineqarmat. Taamaattumik naggataagut sullissut ingerlatsinermut aningaasartuutaasa allannguutaat pisortat missingersuutaannut sunniuteqassapput. Tamatuma kingunerisaanik akilaraartarnerup nikinnerani maannakkut naligititaasut ilanngaasereerlugit 5 mio. koruuninik iluanaaruteqarfiusasut naatsorsorneqarpoq.

Angusat tamarmiusut

Mittarfeqarfiiut naatsorsuutigisaat tunngavigalugit Narsamiit Qaqortumut angallassineq Qaqortumi mittarfik aqquaarlugu qulimiguulinnit angallatinut nuunneqarpat, inuiaqtigii aningaasaqarnerat ataatsimut isigalugu annasassat annikitsuussasut, takussutissiaq 7.5.2-mi takutinneqarpoq.

Ineriertorfissatut takussutissiani pingasuni assigiinngitsuni maannakkut naligititaasut ilanngaasereerlugit annasassat 7 aamma 14 mio. koruunit akornannut naatsorsorneqarput.

Angusat piffissammut annasassamut annertuujusumut naatsorsorneqartumut sanilliullugu isigineqassapput. Piffissamik annasassat isigineqanngippata, suliassaq inuiaqtigii aningaasaqarnerat eqqarsaatigalugu iluanaarutaalluartussaavoq.

Angallatinik mikisunik atuinerup inernerri

Qaqortumi mittarfiup eqqaani talittarfimmuit ikaartaasiinermi aamma angallatit minnerit, inunnuq 12-inut inissaqartut atorlugit sullissisoqarsinnaavoq. Nalilineq malillugu tamatuma kingunerisaanik Narsami talittarfiup allineqarnissaa pisariaaruttussaavoq, taamatullu Nuupilummi umiarsualivimmik sananissamut aningaasartutissat angallatinut annernut talittarfimmik sananermiit ikinnerussallutik. Tassanili taamaallaat Narsami alliliinissamut aningaasartutissat sipaardeqarsinnaasut tungavigineqarpoq, taamaattumillu aqqusinernik umiarsualivinnillu sananissamut aningaasartutissat 25 mio. koruunerpianiit 19 mio. koruunerpianiit ikilisinneqarlutik.

Angallatit minnerit inunnuq 12-inut inissaqartitsiviusut atorlugit piffissaq angalanermut atorneqartartoq affaannanngortinnejqarsinnaavoq, angallatit taamaattut angallatinut annernut naleqqiullutik marloriaatip missaanik sukkanerusut Mittarfeqarfiiit nalunaarusiaanni oqaatigineqarmat. Paarlattuanik piffissaq taarsiiffissaq sivikinnerulissangilaq. Kisianili piffissaq taarsiiffiusussaq piffissap annaasassap 15%-iata missaannaannik annertussuseqarpoq. Ataatsimut isigalugu piffissaq annaasassaq 43 %-it missaanik annikillisinneqassaaq.

Kilometerimut angallaviusumut ataatsimut ataasiakkaanut akit angallatinut annernut 36-nik ilaasoqarsinnaasunut naleqqiullugu angallatini minnerni ataasiakkaanut akit 33 %-it missaannaanniissapput. Akerlianik angallat minneq ataasiinnaq angallatinut annernut taartigineqassappat, angallatini minnerni pisinnaasat naammassanngillat.

Angallatit minnerit angallatinut annernut naleqqiullutik piumasaqarnermik matusisinhaassagunik, angallatit minnerit kilometerit marloriaataannik angalasarnissaat pisariaqassasoq naliliisoqarpoq, taamaattumillu angallatit minnerit marluk, tamarmik immikkut 12-inik ilaasoqarsinnaasut atorneqarnissaat naatsorsuutigineqarpoq, taamaallunilu aamma akulikinnerusumik tikittoqartarnissaanut periarfissat amerlissapput. Tamanna tunngavigalugu naatsorsorneqarsinnaavoq, angallatinut aningaasartutit tamarmiusut 33%-it missaannik annikillisinneqarsinnaassasut.

Takussutissiaq 7.5.3-mi angallatinik minnernik atuinermi angusat tamarmiusut inernerat saqqummiunneqarpoq.

Takussutissiaq 4.3-mi takuneqarsinnaasutut missingersuusiat naatsorsornerini inuiaqatigiit aningaasaqarneranni annertuumik erniorititsinissamik inerneqarput. Tassani takutinnejqarpoq, naatsorsukkut inernerat atortunut, Kalaallit Nunaata kujataani inunniq angallassinissamut atugassatut naatsorsuutigineqartunut malussajasorujussusoq.



*Takussutissiaq 7.5.3 Qulimiguulimmik angallassinermut taarsiullugu angallatit minnerit atorlugit
Narsap aamma Qaqortumi mittarfiup eqqaani umiarsualiviup nutaap akornanni
angallassinermi maannakkut naligitaasut ilanngaasereerlugit*

Mio. DKK	V1 - mindre både
Sanaartornermut aningaasartuutit	-18
Naliusut sinneri	6
Sanaartornermut aningaasartuutit, katillugit	-12
Nutarterinermut aserfallatsaaliiñermullu aningaasartuutit	-14
Ingerlatsinermut aningaasartuutit, silaannakkut angallanneq	147
Ingerlatsinermut aningaasartuutit, angallatit	-27
Ingerlatsinermut aningaasartuutit bussit	-3
Billetsinit isertitat, silaannakkut angallanneq aamma angallatit	-8
Ingerlatsinermut aserfallatsaaliiñermullu aningaasartuutit, katillugit	95
Atuisut piffissatigut pissarsiassaat	-46
Atuisut billetsinut aningaasartuutaat	8
Atuisut pissarsiassaat, katillugit	38
Ajutoornerit, nipiñorreq aamma silaannarmi mingutsitsineq	0
Silap pissusaa (CO2)	0
Avataanut aningaasartuutit, katillugit	0
Akitsuutitigut sunniutaasussat	0
Akileraarutit nikinneranni annasat	8
Sunniutit allat suliffeqarnermi sunniutit ilanngullugit	0
Sunniutaasussat allat, katillugit	8
Katillugit maannakkut naliusut ilanngaasereerlugit (NNV)	52
Suliassaqarfiup iluani erniat, pct. ukiumut	20,7%

7.5.3 Sunniutissat naliligaanngitsut

Pissutsinik matuma siuliani annertussusiliussanut ilanngunneqanngitsunik peqarpoq. Tassani pineqartut tassaapput:

- Angalasunit nutaanit, angallammik aalajangersimasumik attaveqalerneratigut pilertussatut naatsorsuutigineqartariaqartunit pissarsiassat. Angalasareersut kisimik misissueqqissaarnermi ilanngunneqarput.
- Kuannersuarni aatsitassarsiorfimmik ammaasoqarnissaa periarfissaqartoq ilimagineqarsinnaavoq, tak. imm. 3.2. Periarfissaq taanna malersorneqassappat, tamanna inuussutissarsiutinik ineriertortitsinermik annertuumik kinguneqartussaavoq, taamaattumillu Kuannersuit Narsamut taamatullu Qaqortumut illoqarfinnut qanittumik inisisimannerat pissutaalluni titartneqartutut aqqusinniornikkut/ikaartaasiinikkut suliap imminut akilersinnaassusianut pitsaasumik sunniuteqartussaavoq. Ikaartaasiinikkut illoqarfifit taakku akornanni ullormoortumik uteqattaarnissaq ajornarunnaarsinnejqassaaq.
- Qaqortup Narsallu imminnut atasunngortinneranni suliassap sunniutissai pitsaasut. Pingaartumik siunissaq ungasissosq eqqarsaatigalugu ullut tamaasa aallartartumik aalajangersimasumik

angallassinissaq illoqarfiiq taakku akornanni ullumikkornit annertunerujussuarmik ataqatigiissitsisoqalertussaavoq. Assersuutigalugu sanasut inuussutissarsiutillu allat akornanni paarlaasseqatigiittarnerup annertunerujussuanngornissaa eqqarsaatigineqarsinnaavoq.

- Qaqortup aamma Narsap akornanni tikittartut akulikinnerulersinneqarneranni pissarsiassat naatsorsuinermut ilanngunneqanngillat nalinerneqaratillu.
- Angallatinut ilaasartunit angallatinit namminerisamik pigisanit attartukkanillu nuunneqartussanit pissarsiassat naatsorsukkanut ilanngunneqanngillat.

7.5.4 Naliliineq

Mittarfik Qaqortumut nuunneqassappat, inuiaqatigiit aningaasaqarnerat eqqarsaatigalugu, mittarfik sumulluunniit inissinneqaraluarpal, Qaqortup aamma Narsap akornanni mittarfimmuit atasumik aqqusinniorqoqartariaqartoq/ikaartaasiisoqartariaqartoq Assartuussineq pillugu Isumalioqatigiissitap inassutigaa. Kiisalu Assartuussineq pillugu Isumalioqatigiissitap naatsorsugaasa takutippaat, attaveqaatip taassuma pilersinneqarnerani angallatit minnerit atorneqartariaqartut.

Sikunik Alapernaarsuiffimmiit paassisutissat, kiisalu RAL-imut, sumiiffimmi imaatigut angallassinermik misilittagaqluertumut apersuinerit tunngavigalugit angallatit minnerit atorlugit angallassinermut sikut akornutaasussaanngillat.

7.6 Kalaallit Nunaata kujataani mittarfiit pisariitsut

Nanortalimmi mittarfimmik pisariitsumik, ilaatigut Narsap aamma Qaqortup akornanni qulimiguulimmik sullissinerup timmisartut minnerit atorlugit angallassinermik taarserneqarsinnaaneranut periarfissiisinnaasumik sanasoqarnissaa siunnersuutigineqarsimavoq. Aamma Narsami mittarfimmik pisariitsumik sanasoqarsinnaavoq. Immikkoortoq 7.5-imik takuneqarsinnaasutut Assartuussineq pillugu Isumalioqatigiissitap inassutigaa, Narsap aamma Qaqortup akornanni mittarfik aqqusaarlugu ataatsimoortumik aqqusinniorqassasoq/ikaartaasiisoqassasoq. Taamaattumik Narsami pisariitsumik mittarfiliorsinnaaneq Isumalioqatigiissitamit toqqaannartumik misissueqqissaarfingineqanngilaq.

Narsap aamma Qaqortup akornanni aqqusinniorqassanngippat/ikaartaasiisoqassanngippat, Nanortalimmi mittarfimmik pisariitsumik sananissamut misissuinerit inernerri, Narsami nalinginnaasumik mittarfiliorsinnaanermik nalilersuinermi tunngavissatut atorneqarsinnaassapput.

Timmisartup qulimiguulimmuit taarsiullugu atorneqalerterani, timmisartup 15-it missaannik ilaasoqarsinnaasup (ilaasumut ataatsimut aningaasartuutinut tamarmiusunut uuttorlugu, tassunga nalikilliliinerit aningaasaatinullu aningaasartuutit ilanngunneqarput) qulimiguulimmuit naleqqiulluni ingerlatsinermi akikinnerunera tessani iluaqtissaavoq. Ilaasunut tunngatillugu sullissineq piffissamut angalaffiusumut naleqqiullugu qulimiguulimmuit timmisartumullu assigiipajaaginnassaaq.

Nanortalimmi pisariitsumik mittarfiliortoqassappat, tamatumalu peqatigisaanik Narsap aamma Qaqortup akornanni aqqusinniorqassappat/ikaartaasiisoqassappat, Kalaallit Nunaata kujataani helistoppit akornanni timmisartuussinerit unitsinneqarsinnaassapput.

Nanortalimmi mittarfimmik pisariitsumik sananissamut aningaasartuutissat ikittuinnaassanngillat, taamaattumillu tamatumunnga aningaasaliissutissat imminnut akilersinnaanissaannut annertuumik sipaagaqartoqarsinnaasariaqarluni. Matuma kinguliani Nanortalimmi pisariitsumik mittarfiliornerup



aninggaasaqarnermut sunniutissai missiliorlugit naatsorsuiffigineqarput, aninggaasaliinissaq imminut akilersinnaassanersoq paasiniarneqarluni.


7.6.1 Aninggaasaqarnermik naliliinerup inernerri

Sanaartornermut aninggaasartuutit

Mittarfik pisariitsoq tassaavoq mittarfik, timmisartunut minnernut, amerlanerpaamik 19-inik ilasoqarsinnaasunut akuerisaasoq, timmisartullu tamarmiulluni oqimaassusaata 10 tonsit sinnersimassanngilai.

Nanortalimmi misissuinerri takutinneqarpoq, najukkami mittarfimmik 780 m-inik takissusilimmik (18 m-inik silissusilimmik), ujaraaqqanik qallikkamik sananissamut periarfissaqarluartoq, taassumattaaq 1199 m-inut tallineqarsinnaanera periarfissaqarmat.¹²⁸

Inissiiffissat piumaneqarnerusut illoqarfiup avannaani aamma kujataani inissisimapput, taakkulu C'-mik aamma E-mik taaneqarput, tak. Ilusiliaq 7.6.1. Inissiiffissaq C' illoqarfiup avannaani 3 km-it missaanni inissisimavoq nunataanullu atasuulluni. E illoqarfiup kujataani qeqertamiippoq, aqusinermillu takinerungaatsiartumik akisunerusumillu pisariaqartitsiviulluni.



Ilusiliaq 7.6.1 Nanortallip eqqaani mittarfiup inissifissaar

¹²⁸ Najoqqutarisaq: Namminersornerullutik Oqartussat 2008. *Mittarfinnik annertusaaneq - 2008-imi killiffik*. Nuuk.

Sumiiffit pineqartut marluk tamarmik takusarneqarnerminni mittarfimmi sanaffissatut piukkunnaateqartut paasineqarput. Inissiiffissaq C' inissiiffissatut naleqqunnerpaatut naliliiffigineqarpoq. Sanaartornissamut missingersuusiat kingullit 2004-mi suliarineqarput, kisiannili 2008-mi juulimi akit siumut missiliorneqarlutik. Ujaraaqjanik qallikkamik mittarfiliornissamut aningaasartutissat tamarmiusut 65 mio. koruuninut, tassalu 2010-mi akit tunngavigalugit 68 mio. koruuninut naliliiffigineqarput (missingersuutinut mittarfiliornermi aningaasartutissat tamarmiusut, tamatuma nassatarisaanik aqqusinniormissamut il.il. aningaasaliinissanik ilaqtinneqartut ilaatinneqarput).

Siunissamat ukiunut 25-nut, naatsorsuineremi 4 %-inik erniaqartitsiviusumut missiliuineremi, aammalu ukiut 25-it qaangiunnerini aningaasaliissutaasut nalingisa sinnerinik missiliuineremi¹²⁹ aningaasaliissut maannakkut naligititaasut ilanngaasereerlugit 42,5 mio. koruuninut naatsorsorneqarsinnaapput.

Ukiuni 25-ini, 4 %-inik erniaqartitsilluni, ukiumut aningaasartutissanut naatsorsuineremi aningaasat 2,7 mio. koruunit missaanniittut pissarsiarineqassapput.

Ingerlatsinermut aningaasartuutit, mittarfik

Nanortalimmi pisariitsumik mittarfiliortoqassappat, heliporti maannakkut atorneqartoq atorunnaassasoq naatsorsuutigineqarpoq. Tamatuma ilaatigut kingunerisaanik heliportip ingerlanneqarneranut aserfallatsaaliorneqarneranullu aningaasartutissanik sipaagaqartoqassaaq, ilaatigullu mittarfimmi pisariitsumi nutaami ingerlatsinermut aserfallatsaaliuinermullu aningaasartuuteqartoqassalluni.

Mittarfeqarfinniit ilisimatitsissutigineqarpoq. Qaqortumi heliportimik ingerlatsinermut ukiumut aningaasartuutit 870.000 koruunit missaanniittartut¹³⁰. Nanortalimmi heliportip ingerlanneqarneranut aningaasartuutit ikinnerulaassasut ilimagineqarpoq, Nanortalimmut aamma Nanortalimmiit angallannerit Qaqortumi angallannermut naleqqiullutik 25-30 %-it missaannaanniimmata.

Aamma Mittarfeqarfinnit ilisimatitsissutigineqarpoq, mittarfimmik pisariitsumik ingerlatsinermut aningaasartuutit ukiumut 700.000 koruunit missaanniittartut, tamatumani mittarfik timmisartunit minnerusunit akuttunerusumik timmisartorfigineqartarsimassappat. Kiisalu Mittarfeqarfinniit ilisimatitsissutigineqarpoq, ikuallattoornissamut upalungaarsimanissamut piumasaqaatit heliportini upalungaarsimanermut piumasaqaatit assigiinnassagaat.

Tamanna tunngavigalugu mittarfiup pisariitsup aamma heliportip ingerlanneqarneranut aningaasartuutit assigiipajaaginnassasut naliliisoqarpoq.

Ukiumoortumik sipaarutissat pisariaqartut

Inuaqatigiit aningaasaqarnerat eqqarsaatigalugu mittarfimmut pisariitsumut aningaasaliissutit pitsaasunik kinguneqassappata, ukiumut ikinnerpaamik 2,7 mio. koruunit, tassalu mittarfimmut ukiumut aningaasartutissatut naatsorsorneqartut amerlaqataat sipaardeqartariaqarput.

¹²⁹ Tassani ukiut 25-t qaangiunnerini mittarfiit pitsaasuunissaat qulakkeerniarlugu aserfallatsaaliuinermut aningaasartuutit akilerneqartarnissaat tessani tunngavigineqarpoq.

¹³⁰ Najoqutarisaq: Paassisutissat Mittarfeqarfinniit e-mail-ikkut nassiunneqartut (Transport kommission NSSQ data 290410.xls).



Qaqortumi mittarfiliornikkut ukiumut Nanortallip aamma Qaqortup akornanni timmisartuussinerit 400-t missaanniittut (siumut utimullu kattullugit) ukiumut sipaardeqassasut naliliisoqarpoq. Angallavissaq 77 km-it missaannik isorartussuseqarpoq, aammalu qulimiguullit timmisartullu mikisut katillugit minutnsini 25-ini angalasartussaapput. Taamaattumik Qaqortup aamma Nanortallip akornanni angallannermi (siumut/utimut) nalunaaquqtap akunneri atukkat ukiumut nalunaaquqtap akunnerisa 166-it missaannut naatsorsorneqarsinnaapput.

Tamanna tunngavigalugu Nanortalimmi mittarfimmik pisariitsumik sananermi atortut ingerlanneqarnerinut aningaasartuutit ikinnerpaamik nalunaaquqtap akunneranut 16.500 koruunit missaasa (2,7 mio. koruunit/nalunaaquqtap akunneri 166-it) sipaardeqarsinnaanerat, imminut akilersinnaasumik aningaasaliinerusoq naatsorsorneqarsinnaavoq.

Ingerlatsinermut aningaasartuutit, atortut

Qulimiguulinni timmisartunilu atortunut aningaasartuutit naatsorsorneqarnissaat ajornakusoorpoq nalorninartoqarlunilu.

Siullermik qulimiguulik aamma timmisartoq qanoq ittoq atorneqarnersoq pingaaruteqarpoq. Aappaattut atortunik atuinerup annertussusaa pingaaruteqarpoq (ukiumut ingerlatsinermut nalunaaquqtap akunneri atorneqartut amerliartorneranni, atortunut aningaasaatinut aningaasartuutit agguarneqarnissaannut nalunaaquqtap akunneri amerliartortarpuit). Pingajuattut pisinnaasanit sinneruttusimasinnaasut siunertanut allanut atorneqarsinnaandersut apeqqutaasussaavoq.

ASO-miit paasissutissat¹³¹, aammalu nammineq ukiumut nalunaaquqtap akunneri atorneqartussatut naatsorsuutigisat tunngavigalugit matuma siuliani allassimasut peqqutaallutik, akit appasissut qaffasissullu iluanni uuttuummut ataatsimut akigititaasut inerniliissutigineqarput. Takussutissiaq 7.6.1-imí Twin Otter-imí, timmisartumi mikisuusumi, aammalu qulimiguulinnik pingasuni assigiinngitsuni uuttuummut ataatsimut akit takutinneqarput.

Takussutissiaq 7.6.1 Nalunaaquqtap akunneranut atuiffiusumut ataatsimut ataasiakkaanut aningaasartuutit, kr./nal. ak.

Timmisartoq/qulimiguulik	Appasissoq	Akunnattoq	Qaffasissosq
Timmisartoq, TwinOtter	8.500	10.000	12.500
Qulimiguulik, Bell 212	12.500	14.500	18.000
Qulimiguulik, Bell 222 U	12.000	14.000	16.000

Nassuaat: Uuttuummut ataatsimut aningaasartuutinut taaneqartunut atortunik ingerlatsinermut aningaasartuutit tamarmik ilaatinneqarput, taakkununngaa aningaasaatinut aningaasartuutit ilaallutik. Erseqqissaatigineqassaaq, Air Greenlandip 2010-p naanerani Twin Otter imaluunniit Bell 222 U timmisartuutiminut ilaatikkunnaarmagit.

Najoqqutarisaq: ASO-miit paasissutissat tunngavigalugit nammineerluni naatsorsukkat.

Air Greenlandimiit ilisimatitsissutigineqarpoq, S61-ip atorunnaarsikkiartuaarneqarnissa aallartinneqarsimasoq. Taassuma qulimiguullit Bell-it, takussutissiaq 7.6.1-imí takutinneqartut marluusut aappaanik taarserneqarnera tamatuma kingunerissagaa ilimanarpoq. Qulimiguullit taakku

¹³¹ Paasissutissat Aircraft Shopper Online (ASO) aqqutigalugu pissarsiarineqarput.

S61-inut naleqqiullutik piginnaasakinnerupput, kisiannili timmisartuussinerit amerlassusaat nikisinnagit pisariaqartitsinermik matussusiisinnaanissaat ilimagineqarpoq.¹³²

Qulimiguullit Bell-it timmisartunik taarserneqarnerini uuttuummut ataatsimut aningaasartuutit assigiinngissutaat -500 kr./nal. ak. aamma 9.500 kr./nal. ak. akornanni naatsorsorneqarsinnaapput, tak. takussutissiaq 7.6.1. Agguaqatigiisitsinikkut naliliinerit kisiisa tunngavigalugit assigiinngissuseq nalunaaquattap akunneranut 4.000 koruunit aamma 4.500 koruunit akornanniippoq. Aningaasartaliussat marluk taakku nalunaaquattap akunneranut 16.500 koruunit inorujussuarlugit amerlassuseqarput, tamannalu pissutigalugu Nanortalimmi mittarfimmik pisariitsumik sananissaq aningaasaliinerussaaq imminut akilersinnaasooq, tak. matuma siuliani allassimasut. Taamaattumik Nanortalimmi mittarfimmik pisariitsumik sananissaq aammalu timmisartunik mikisunik atuilernissaq tunngavissatut atorneqartut tunngavigalugit imminut akilersinnaanngillat.

Nalunaaquattap akunnerannut 16.500 koruunit aamma nalunaaquattap akunnerannut 4.000-4.500 koruunit assigiinngissutaat annertummat, takussutissiaq 7.6.1-imi atortut allassimasut saniatigut atuinermi taamatut inerniliinermik allannguisinnaanngillat, aammattaaq matuma kinguliani pissutsinut attuumassutilinnut allanut nassuaatit takukkit.

Oqaatigineqartutut mittarfimmi pisariitsumi ingerlatsinermut aningaasartuutit heliportimi ingerlatsinermut aningaasartuutinut illuatungiliussinnaasut ilimagineqarpoq. Tamanna pissappat mittarfik inuttaqartinneqassanngilaq, tassanilu ikuallattoornissamut upalungaarsimasunik killeqartuinnarnik pisariaqartitsisoqassaaq. Mittarfimmi pisariitsumi ingerlatsinermut aningaasartuutit ukiumut 0,7 mio. koruuninit naatsorsuutigineqartunit amerlanerussappata, mittarfiup pisariitsup imminut akilersinnaannginneranik inerniliinissap tungaanut isummernissaq sakkortusisussaavoq.

Aammattaaq Qaqortumi mittarfiloortoqareernissa tunngavigalugu – Kalaallit Nunaata kujataata iluani qulimiguullit atorneqaannarnissaat tunngavigalugu misissueqqissaarneq matuma siuliani taaneqartoq ingerlanneqarpoq. Immikkoortoq 7.4-mi periarfissatut tikkuarneqartutut ukiup ilaani qulimiguulimmik angallassineq angallatit atorlugit angallassinermik taarserneqassappata, mittarfiup nalinginnaasup imminut akilersinnaannginneranik inerniliineq sakkortusisussaavoq, tamatuma kingunerisaanik silaannakkut angallassinermut atortut ingerlanneqarnerinut nalunaaquattap akuneri atorneqartut amerlassusaat ikilisussaammata.

Timmisartuussinerit ullumikkumut (qulimiguulinnik S61-inik, annertunerusumik pisinnaasalinnik atuinermut) naleqqiullutik amerlineqannginnissaannut qulimiguullit Bell-it pisinnaasaat naammassasut ilimagineqarpoq. Taamatut naatsorsuutigisaqarneq eqquutissangippat (timmisartuussinerit ilaanni ilaasut pisinnaasanit amerlanerunerat, taamaattumillu marloriarluni timmisartuussinissamik pisariaqartitsisoqarnera pissutigalugu), timmisartup annertunerusumik pisinnaasallip qulimiguulimmik arlaleriarluni angallassisarnerit taarsersinnaavai. Taamaalilluni mittarfik nalinginnaasoq imminut akilersinnaanerulissaaq. Kisiannili inerniliineq nikissappat, qulimiguulimmik (Bell 212) timmisartuussinerit 60 %-ii sinnerlugit Twin Otter-imik timmisartuussisarnernit taarserneqartariaqarput. Taakku nalunaaquattap akunnerinut timmisartorfiusunut naatsorsorneqarpata, pissutsimi tunngaviusumi qulimiguulimmik Bell-imik nalunaaquattap akunnerini 266-ini timmisartuussinerit taarserneqassapput, kiisalu nalinginnaasumik mittarfiliornermi Twin Otter-imik timmisartuussinerit nalunaaquattap akunnerinik 166-inik sivisussuseqassallutik.

¹³² Qulimiguullit Bell-it marluusut, tassalu Bell 212 14-inik aamma Bell 222 U qulinik (nassataqanngitsunik) ilaasoqarsinnaasut ilisimatitsissutigineqarpoq.



Erseqqissaatigineqassaaq, immikkoortumi matumani misissueqqissaarnerni taamaallaat Nanortalip Qaqortullu akornanni timmisartuussinerit pineqarmata. Kisiannili Nanortalimmi mittarfik Qaqortup, Paamiut Nuullu akornanni angallaviup ataqatigiinneranut ilaasussatut isigineqarsinnaavoq. Tamanna immikkoortoq 9.2-mi nassuaatigineqarpoq.

7.6.2 Naliliineq

Mittarfik Qaqortumut nuunneqassappat, pingaartumik Nanortalimmi tulliatullu Narsami mittarfinnik nalinginnaasunik sananermi imminut akilersinnaassutsimut tunngasunik Assartuussineq pillugu Isumalioqatigiissitaq misissuivoq. Narsami mittarfimmik nalinginnaasumik sanasinnaanermut periarfissat sukumiisumik misissuiffingineqannginnerannut tunngaviuvoq, Qaqortup aamma Narsap akornanni ataatsimoortumik aqqusinniorissaq/ikaartaasiinissaq, taamaallunilu Narsami najugaqartut mittarfimmut attaveqalernissaat Assartuussineq pillugu Isumalioqatigiissitamit inassutigineqarmat, tak. immikkoortoq 7.5.

Taamaattunik mittarfiliornissaq imminut akilersinnaanngitsoq naatsorsukkat takutippaat. Kisiannili Nanortalimmiit Qaqortoq Paamiullu aqquaarlugit soorlu Nuummut angallaviup ataqatigiinnera isigissagaanni Nanortalimmi pisariitsumik mittarfiliornissaq imminut akilersinnaassanersoq immikkoortoq 9.2-mi naliliiffigineqarpoq.

7.7 Assartuussineq pillugu Isumalioqatigiissitap Kalaallit Nunaata kujataani assartuussinermi attaveqaatinik naliliinera inassuteqaataalu

7.7.1 Isummerfissaq pingarneq

Narsarsuarmi mittarfik

Kalaallit Nunaata kujataani mittarfituaq Narsarsuarmi inissisimavoq, tamatumalu peqatigisaanik Kalaallit Nunaata kujataani innuttaasut amerlanersaat illoqarfintti Qaqortumi, Narsami aamma Nanortalimmi eqiterussimasut Narsarsuarmut ungasingaatsiartumi najugaqartiterput. Narsarsuarmi, taassumalu nunataa ilanngullugu innuttaasunut ikittuaraannaapput.

Innuttaasut illoqarfinnut eqiterussimasut

Tamanna tunngavigalugu Assartuussineq pillugu Isumalioqatigiissitap isummerfissaq pingarneq tassaavoq, Kalaallit Nunaata kujataani mittarfiup Kalaallit Nunaata kujataani illoqarfittit annersaannut Qaqortumut qanittumut nuunneqarnissaq inuiaqatigiit aningaasaqarnerat eqqarsatigalugu iluanaarutaasinhaanersoq pillugu misissuinissaq. Tamanna pillugu isumaliutersuutini pissutsit maannakkut atuuttut kisimik ilaasussaanngillat. Narsarsuarmut attaveqaatit pitsaunerulersinneqarsinnaanersut, taamaallunilu mittarfimmi atortut pioereersut Kalaallit Nunaata kujataanut iluaqtaanerulersinnaanersut ilangutissallugit taakkutulli pingaarteqartigivoq. Tamanna siunertaralugu Aqqusernit, sulluliat immaqalu ikaartaatip, Narsarsuarmiit Qaqortumut taamatullu Narsamut ataqatigiisitsilersussat aalajangersimasumik attaveqaatitut pilersinneqarnissaat arlaleriarlutik siunnersuutigineqartarsimapput.¹³³

¹³³ Matuma kinguliani attaveqaatitut aalajangersimasutut taagorneqartut.

7.7.2 Narsarsuarmi mittarfiup pigiinnarneqarnissaa, imaluunniit Qaqortup eqqaani mittarfimmik pilersitsinissaq

Mittarfiup Qaqortumut nuunneqarnissaa inassutigineqarpoq

Assartuussineq pillugu Isumalioqatigiissitap misissugaasa takutippaat, pingaartumik aningaasaqarnermik naliliinerit tunngavigineqassappata, Kalaallit Nunaata kujataani mittarfik Narsarsuarmiit Qaqortumut nuunneqartariaqartoq. Tamatumani pissutsit maannakkut atuuttut, tassalu Narsarsuarmiit Narsarsuarmullu Kalaallit Nunaata kujataata sinnerani ilaasunik angallassinermut pingaartumik qulimiguullit atorneqarneri pineqarput, aammalu qinigassaasinnaasumi allami, Qaqortumiit Narsamiillu ilaasut Narsarsuarmut attaveqaatinik aalajangersimasunik atuiffigisinnaasaat pineqarlutik.

Assartuussineq pillugu Isumalioqatigiissitap Qaqortup eqqaani 1199 m-imik mittarfiliореруп inuiaqatigiit aningaasaqarnerannut sunniutigisinnasai¹³⁴ naatsorsuiffigai. Naatsorsukkani tamani takutinneqarpoq, mittarfik taamaattoq sumiiffit sisamaasut, maannamut tikkuarneqarsimasut arlaannulluunniit inissinneqaraluarpat, mittarfiup Narsarsuarmiit Qaqortumut nuunneqarnissaa iluanaarutaasussaasoq. Aamma naatsorsukkani takutinneqarpoq, tak. immikkoortoq 7.3, Narsarsuup, Qaqortup Narsallu akornanni attaveqaatinik aalajangersimasunik sananissaq iluanaarutaasinnaanngitsoq, tassani iluanaarutaasinnaasut naliligaanngitsut arlallit ilanngunneqanngippata. Taamaattumik Assartuussineq pillugu Isumalioqatigiissitaq inerniliivoq, mittarfik Qaqortumut nuunneqartariaqartoq.

Kisiannili politikkikkut aalajangiinissamut pissutsit arlallit, inuiaqatigiit aningaasaqarneranni sunniutissatut missiliorneqartunit annertunerusut ilaatinneqartussaapput. Assartuussineq pillugu Isumalioqatigiissitap immikkoortoq 7.3-mi erseqqissaatigaa, aningaasaqarnermut sunniutissat naatsorsorneqarnerini pissutsit arlallit ilanngutissallugit pingaaruteqarsinnaasut ilaatinneqarsimannngitsut. Immikkoortoq 7.3-mi pissutsit naliligaanngitsut allanneqartut ilaatigut tassaapput: tikittartut akulikinnerusut, nunap immikkoortuata pitsaanerusumik ataqatigiissinneqarnissaa, assersuitgalugu Kuannersuarni aamma Killavaani aatsitassarsiorfiulersusanut attaveqaatit pitsaanerusut. Taakku saniatigut Kalaallit Nunaata kujataani inuiaqatigiit aningaasaqarnerannik ineriertortitsinissamut, ukiuni kingullerni ajornartorsiorfiusimasumut siunnerfissat ataatsimut isigalugit pitsaanerulersinneqarnissaannut periarfissat pineqarput. Sunniutissat uuttoruminaatsorujussuit taakku aamma politikkikkut aalajangiinissamut ilaatinneqarnissaat pingaaruteqarpoq.

Narsarsuup, Qaqortup aamma Narsap akornanni attaveqaatit aalajangersimasut sanaartorneqarnerinut atatillugu aningaasaqarnikkut sunniutissanut killeqarnerusunut tunngatillugu Assartuussineq pillugu Isumalioqatigiissitap erseqqissaatigissavaa, sanaartugassanut missingersuutit nalorninartortaqartorujussuummata, aningaasartutissanut taakkununnga naliliinerit killeqartorujussuit kisimik pigineqarmata. Kisiannili aningaasartutissanut taakkununnga naliliinerit mianersortorujussuarmik pigaluartut, attaveqaatinik aalajangersimasunik sanaartornissaq imminut akilersinnaangilaq. Minnerunngitsumik tamatumunnga atatillugu erseqqissaatigineqassaaq, sanaartornissamik siunertaqarluni misissueqqaernerit arlallit amigaatigineqarmata, taakkununngalu sulluliornissamut periarfisanik sajuppillatsitsisarluni misissuinissat ilaapput. Taamaattumik ilanngullugu oqaatigineqartariaqarpoq, Narsarsuup, Qaqortup Narsallu akornanni attaveqaatit aalajangersimasut atorlugit ataqatigiissinnissaannut qinigassap aalajangiiffiginiarneqarnissaanut piffissaq atugassaaq sivisusinnaammat.

¹³⁴ Inuiaqatigiit aningaasaqarnerannut sunniutissat uuttoruminaatsorujussuit maannakkut naliusut ilanngasereerlugit aamma suliassaqarfiup iluani erniat tunngavigineqarput.



7.7.3 Qaqortup eqqaani mittarfimmik inissiiffissaq takissusissaalu

Assartuussineq pillugu Isumalioqatigiissitap Kalaallit Nunaata kujataani mittarfiup Narsarsuarmiit Qaqortumut nuunneqartariaqarnera inassutigaluuaraa, misissuinerit ingerlanneqartut Qaqortup eqqaani inissiiffissamut imaluunniit mittarfiup takissusissaanut atatillugu inernerusunik ersarissunik takutitsinngillat.

Naatsorsuinerni ingerlanneqartuni Qaqortup eqqaani mittarfimmik inissiiffiusinnaasut sisamat ilaatinneqarput, taakkulu siornatigut misissuiffingineqarsimapput, aammalu suli atorneqarsinnaallutik, taamatullu mittarfinnut takissutsit nalinginnaasut marluk ilaatinneqarput: tassalu mittarfiit 1199 m aamma 1799 m, taakkununngalu RESA naapertorlugu talliliisinnaanermut oqartussaasut piumasaqaatigilersinnaasaat ilaatinneqanngillat.¹³⁵

Qaqortumi mittarfiup inissiiffissaanik toqqaanissamut pissutsit tunngaviusut pingasut apeqqutaassapput::

- Inissiiffissani sisamani 1199 m-imik mittarfiliornermi aningaasartuutit,
- Mittarfiup 1199 m-ip tallineqarnerani aningaasartuutaanerusussat,
- Piffissaq eqqorlugu tikittartut/aallartartut akulikissusiat.

Inissiiffissat assigiinngitsut pissutsinut pingasuusunut taakkununnga naleqqiullugu qanoq pingaarnersiorneqartarnersut takussutissiaq 7.7.1-imi takutinneqarpoq.

Takussutissiaq 7.7.1 Inissiiffissat pissutsinut qitiusunut pingasuusunut naleqqiullugit tulleriaarneqarneri

	Pl. 1	Pl. 2	Pl. 3	Pl. 5
Sanaartornermut aningaasartuutit	1	2	4	3
Mittarfiup tallinissaanut aningaasartuu-taanerusussat	2	3	1	4
Piffissaq eqqorlugu tikittar-neq/aallartarneq	1	3 ^a	3 ^a	2

Nassuaat: Inissiiffissaq 4 takussutissiamut ilanngunneqanngilaq, Qaqortumi illoqarfíup inerartortinneqarnera pissutigalugu inissiiffissaq taanna atorneqarsinnaajunnaarmat.

- a. Pingaarnersiuineq assigiippoq, taakkunani piffissaq eqqorlugu tikittartut/aallartartut akulikissusaanut silap tunngavigine-garneran tunngassuteqartut assigiimmata.

Tikittartut akulikissusaannut naatsorsukkat nalorninartortaqarput

Takussutissiaq 7.7.1-imut tunngatillugu oqaatigineqassaaq, piffissaq eqqorlugu tikittartut/aallartartut akulikissusaannut naatsorsukkat nalorninartoqartinnejqarmata, nalorninartoqartinnejqarneralu annikinngimmat, taamaattullu pissutsit taakku – maannakkut tunngavissaritinnejqartut tunngavigalugit – tulleriaarinermi annertunerusumik pingaaruteqartinnejqanngimmata, tamannalu inissiiffissat sisamaasut akornanni piffissaq eqqorlugu tikittartut/aallartartut akulikissusaasa assigiinngissutissaasa killeqarnerannut atasutut isigineqassaaq.

¹³⁵ Runaway End Safety Area: tassaavoq mittarfiup isuini illugiinni isumannaallisaanermut killeqarfíit, tamarmik immikkut 90 m-inik aamma 300 m-inik takissuseqartut, tassani teknikkikkut uniffíssanik nalinginnaasunik atuutsitsisoqanngippat. Nutaanik mittarfiliornermi saneqqutisiginnaanissamut akuersissuteqartoqartannginnissaa naatsorsuitigineqartariaqarpoq.

Mittarfiit tallineqarsinnaanerinut periarfissat eqqarsaatigalugit inissiiffissaq 1-imi aamma 2-mi mittarfiit 1500 m-inut tallineqarsinnaapput, kisiannili inissiiffissaq 2-mi mittarfik tallineqassappat silaannakkut angallassinermi oqartussaasut immikkut ittumik isumaqatiginniniuteqarfingeqartariaqassapput. Inissiiffissaq 3-mi mittarfik 2100 m-inut tallineqarsinnaavoq. Maannakkut tamatumunnga tunngavissat tunngavigalugit Assartuussineq pillugu Isumalioqatigiissitap inassutigissavaa, toqqaaniarnermi inissiiffissaq 1-ip, 2-p aamma 3-p akornanni qinaasisoqassasoq.

Assartuussineq pillugu Isumalioqatigiissitamit oqaatigineqassaaq, Qaqortup aamma Narsap akornanni aqqusinniorissamik/ikaartaasiinissamik siunnersuutit isumaliutersuutinut ilanngunneqassappata tamanna aamma atutissasoq.

Inissiiffissaq 1-ip, 2-p aamma 3-p akornanni toqqaaniarnermi Assartuussineq pillugu Isumalioqatigiissitap naliliinera malillugu pissutsit marluk pingaaruteqarput: timmisartuni teknologiimik ineriertortitsineq aamma inuussutissarsiutinik ineriertortitsinissamut periarfissat. Timmisartuni teknologiimik ineriertortitsineq ukiuni kingullinerusuni ilangussaq 5.1-mi sukumienerusumik nassuiarneqartoq tunngavigalugu mittarfiit tannerusut inassutigineqarput. Suliasqaqrifmmi tessani susoqassaneroq Assartuussineq pillugu Isumalioqatigiissitap soorunami eqqoriarsinnaanngilaa, kisiannili siunissaq eqqarsaatigalugu timmisartut ikittuinnaat mittarfimmik katillugit 1500 m-inik takissusilimmik pitsaasumik atuisinnaalissasut ilimagisinjaallugu, timmisartullu ilaat taakku RESA-mit piumasaqaatinik naammassinnittussaapput.

Immikkoortoq 3.2-imi nassuaatigineqartutut Narsap aamma Qaqortup qanitaanni Kuannersuarni aamma/imaluunniit Killavaani annertuumik aatsitassarsiornissamut periarfissat piviusunngorsinnaapput.¹³⁶ Tamatumunnga atatillugu aatsitassarsiornermik annertuumik aallartitsisoqassappat, inissiiffissaq 3-mi 1799 m-imik mittarfiliornissaq orniginarnerussaaq, aammalu Assartuussineq pillugu Isumalioqatigiissitap inassuteqarnera malillugu inissiiffissaq 3-mi aallaqqaammut mittarfimmik 1199m-imik sananissamik aalajangiisoqarnissaa orniginarnerussalluni.

Ukiuni kingullerni Kalaallit Nunaata kujataani angallannermi inuussutissarsiornermilu pissutsit ajorseriarsimanerisa politikkikkut isumaliutersuutinut ilanngunneqarnissaat pingaaruteqarpoq. Tamanna kingullermik Greenland Venture A/S-ip Kommune Kujallermut nalunaarusiaani annertuumi uppernarsarneqarpoq.¹³⁷

Nalunaarusiami tessani ilaatigut ukiuni arlalinni nunap immikkoortuani kinguariaatinut, aamma immaqa ukiuni kingullerni annertunerulersimasunut annertuunut takussutissat arlallit allanneqarput:

- aalisarnermi aalisakkerinermilu kinguariarneq,
- suliffeqarfait angisuut, nunap immikkoortuanit aqunneqartut ikittut,
- innuttaasut ikiliartornerisa ingerlaannarnera aammalu 1990-imili innuttaasut ikilingaatsiarsimasut,

¹³⁶ Uranimik piiaanissamut akuersaanngilluinnarnissamik politikeqarnermi maannakkut atuuttumi Kuannersuarni aatsitassanik piiaanissaq ajornartinneqartoq, Assartuussineq pillugu Isumalioqatigiissitap eqqumaffigaa.

¹³⁷ Greenland Venture 2009. *Kommune Kujalleq – Ineriertortitsinermi atugassarititaasut*. Oktober 2009.



- siusinaartumik sulisinnaajunnaarnersiutillit amerlangaatsiarerat, tassalu sulisinnaasut 15-iniit 62-inut ukiullit 10 procentii ullumikkut siusinaartumik sulisinnaajunnaarnersiuteqarput.

Ukiuni kingullerni Kalaallit Nunaata kujataani kinguariartortoqarnera annertusisimasoq arlalinnik takussutissaqarpoq. Tamatumunngaa angallassinerup ajornerulerne, nunap immikkoortuanut eqquisuusimasoq kisimi pissutaangilaq, kisiannili aamma aningaasakilliornnerup sunniutiginerluutai pissutaallutik. Tamatumani pingaartumik allannguutit, angallannermut malunniuteqarsimasut taakkununngalu takussutissat, aammattaaq takornariaqarnermi takuneqarsinnaasut erseqqissaatigineqassapput.

Takornariaqarnermut sunniutaanerluttut

2008-mi Danmarkimut angallavinni timmisartumut akit 30%-it missaannik qaffanneqarput. Tamatuma kingunerisaasa sunniutai aatsaat pingaartumik 2009-mi malunniupput, 2008-mi takornarianik angallassinissamut siumoortumik inniminniinerit amerlasuut akit qaffannissaat sioqqullugu pisimammata. Aningaasakilliornnerup malitsigisaasa tassunga ilanngunneqarnerini nunap immikkoortuani akunnittarfinnut assigisaannullu inniminniisarnerit ikinnerujussuanngorput. Hotel Narsarsuarmi taamatullu Vandrehjem Narsarsuarmi ullaat unnuallu unnuiffiusut 25 %-inik ikilipput.¹³⁸ Taamaalilluni Kalaallit Nunaata kujataa Kalaallit Nunaata sinneranut naleqqiullugu kinguariarfuerpaasimasoq takussutissaqarpoq. Tamanna aamma Naatsorsueqqissaartarfip 2009-mi unnuisarnernut kisitsisitigut paassisutissanik nalunaarsuineranut naapertuuppoq.¹³⁹

Angallannermi attaveqaatit sunniutaat

Kalaallit Nunaata kujataani takornariarfissat asseqanngitsut pilerigineqartut amerlagaluartut, Imarpik ikaarlugu aqqutit ikittut akisungaatsiartullu pissutaallutik takornariaqarneq inerartortinneqanngilaq. Tamatuma saniatigut distriktini qulimiguulimmik timmisartuussisarnerni, timmisartuussisarnerit allat tamaasa assigalugit akisuujusuni pisinnaasanik amigaateqarneq isiginiarneqassaaq. Tamatumunngaa atatillugu Assartuussineq pillugu Isumalioqatigiissitamut erseqqissaatigineqarpoq:

- takornarissat amerlanertigut taamaallaat ulluni pingasuni imaluunniit 14-ini tikeraarsimanissaminnik qinigassaqtartut,
- angallannermi tikittartut akuttualaarnerat pissutigalugu akunnittarfifit ataatsimeersuarnissanik, isumasioqatigiinnissanik assigisaannillu annaasaqtartut,
- sivikitsumik ataatsimiittooqarniartillugu piffissamut angalaffiusumut sapaatip akunnera ataaseq tikillugu sivisunerusorluunniit atorneqarsinnaaneranut assersuutissaqartoq.

Taamaattumik sulinngiffeqarnermut atatillugu takornariartarnerit kisimik kinguariarfuiungillat.

Mittarfik nutaaq Kalaallit Nunaata kujataani inuussutissarsiutit inerartornerannik nutaamik pilersitsiviussappat, tamatuma kingunerisassai – minnerunngitsumik matuma siuliani taaneqartut tunngavigalugit – isummersuutinut ilanngunneqartariaqarput.

¹³⁸ Aamma avataaniit takornariartartut amerlassutsimikkut appariaateqangaatsiartut takornariartitsisartunit nalunaarutigineqarpoq, taamatullu ornigassani aalajangersimasuni sullissisut angallannikkut pissutsit peqqutigalugit taamaatisisoqartariaqartarnerannut assersuutissaqarpoq.

¹³⁹ Naatsorsueqqissaartarfik 2010. *Takornariaqarneq 2010:1*. Nuuk.

Nunap immikkoortuani naammattumik uummaarissusilimmik ineriertortitsinissamut takornariaqarnerup annertusinissaata naammanner allaavoq. Mittarfimmik 1199 m-imik sananermi timmisartunut akit qaffanneqanngikkaluarpataluunni tamatuma pisinnaanissa ilimanaateqanngilaq, tak. takussutissiaq 7.2.5 oqaaseqaatillu tassunga attuumatinneqartut. Kisiannili aatsitassarsiornerit annertusingaatsiarneqassappata, ilaatigut Kuannersuarni aamma/imaluunniit Killavaani periarfissanut atatillugu, nunap immikkoortuani ineriertortitsineq allarluinnaq pitsaanerusorlu ingerlanneqalissaq. Maannamut kuultisiorfik Nalunaq kisimi ingerlavoq. Tassalu kuultisiorfik ima annikitsigaaq, pingaartumik taamaallaat najukkamut pingaaruteqarluni.

Takornariartitsinermut pilersaarusiortarnissaq inassutigineqarpoq

Matuma siuliani taaneqartut tunngavigalugit aallaqqammut mittarfimmik 1199 m-imik sanasoqarnissaa Assartuussineq pillugu Isumalioqatigiissitap inassutigisariaqarpaa. Kisiannili Killavaani aamma/imaluunniit Kuannersuarni aatsitassanik piaasoqassasoq politikkut aalajangerneqassappat, pissutsit allat atuutilissapput. Kiisalu Assartuussineq pillugu Isumalioqatigiissitap inassutigissavaa, mittarfiup Narsarsuarmiit Qaqortumut nuunneqarnissaanut atatillugu nunap immikkoortuani mittarfiup inissismaffia aallaavigalugu takornariartitsinermut pilersaarummik ataatsimoortumik suliaqartoqassasoq, pilersarut taamaattoq mittarfimmik 1199 m-imik imaluunniit 1799 m-imik sananissamut isumaliutersuutinut ilanngunneqartariaqarmat, tassanilu mittarfiup nuunneqarnerata kingunerisaanik takornariat angallanneqarnissamut piumasaasa annertusinissaat aammalu takornariat amerlassutsimikkut sunnerneqarsinnaanerat innersuuussutigineqarpoq.

Tamatumannga atatillugu aamma oqaatigineqassaaq, Kalaallit Nunaata kujataani takornariaqarnerup ineriertornera Kalaallit Nunaata kujataani inunniq assartuussinermut periarfissanut, immikkoortoq 7.4-mi misissueqqissaarfingineqartunut annikitsunnarmik attuumassuteqartutut isigineqartariaqarnera, Assartuussineq pillugu Isumalioqatigiissitap eqqumaffigimmagu.

7.7.4 Kalaallit Nunaata kujataani aqqusernit

Narsarsuarmi mittarfik pigiinnarneqassappat, inuiaqtigijit aningaasaqarnerat eqqarsaatigalugu Narsarsuarmi mittarfiup Qaqortullu akornanni, Narsaq aqquaarlugu aqqusinniorissaq piviusorsiuungitsoq, Assartuussineq pillugu Isumalioqatigiissitaq naliliivoq.

Tamanna tunngavigalugu Isumalioqatigiissitap Kalaallit Nunaata kujataani aqqusinniorissaq suliareqqinngila – tassanili taamaallaat Qaqortumi mittarfiup nuunneqarneranut atatillugu Qaqortup aamma Narsap akornanni ataatsimoortumik aqqusinniorissaq/ikaartaasiimissaq sammisimallugu.

7.7.5 Kalaallit Nunaata kujataata iluani ilaasunik angallassineq

Assartuussineq pillugu Isumalioqatigiissitap naliliinera malillugu, Kalaallit Nunaata kujataani sikorsuaqannginnerata nalaani ukioq kaajallallugu qulimiguulinnik atuinermik tunngaveqarluni sullisseriaatsimut naleqqiullugu, angallatit minnerit atorlugit sullissineq inuiaqtigijit aningaasaqarnerat eqqarsaatigalugu iluaqtissartaqarpoq. Kisiannili sikorsuaqannginnerata/immap sikuunnginnerata nalaani angallatinik minnernik atuinermut ikaarsaarnermi isumannaallisaanermut apeqqutaasimasinnaasut Assartuussineq pillugu Isumalioqatigiissitap naliliiffinginngilai.

Angallasseriaatsimut ataasiinnarmut tapiisarneq atuutiinnassaaq. Piffissalli sikorsuaqannginnerata/immap sikuunnginnerata nalaani ukioq kaajallallugu qulimiguulinnik atuinermut naleqqiullugu, angallatinik minnernik atuilernermi aningaasat ikinnerusut atorlugit sullisseriaaseq eqaannerusoq, akulikinnerusunik tikiffiusartoq anguneqarsinnaavoq.



7.7.6 Qaqortup aamma Narsap akornanni aqqusinniornissaq/ikaartaasiinissaq

Assartuussineq pillugu Isumalioqatigiissitamit inassutigineqarpoq, mittarfik Qaqortumut nuunneqassappat inuiaqatigiit aningaasaqarnerat tunngavigalugu, mittarfiup sumut inissinneqarnissaa apeqquaatinngagu, Qaqortup aamma Narsap akornanni mittarfimmut aqqusinermik/angallammik ataqatigiisillugit pilersitsisoqartariaqartoq. Aamma Assartuussineq pillugu isumalioqatigiissitap naatsorsugaasa takutippaat, aqqutissaq taanna mikinerusunik angallasiinikkut pilersinneqartariaqartoq.

7.7.7 Kalaallit Nunaata kujataani mittarfiit pisariitsut

Mittarfiup Qaqortumut nuunneqarnissaa tunngavigalugu, Assartuussineq pillugu Isumalioqatigiissitap siullermik Nanortalimmi tulliatullu Narsami mittarfinnik pisariitsunik sananerup imminut akilersinnaassusia misissuiffigigaa. Naatsorsukkat takutippaat, taanna kisiat isigalugu imminut akilersinnaangitsoq. Kisiannili immikkoortoq 9.2-mi Nanortallip, Qaqortup, Paamiut Nuullu akornanni angallavimmut atatillugu Nanortalimmi pisariitsumik mittarfiliornissaq, tamatumalu saniatigut Paamiuni mittarfiup atorneqarnerata annikillisinneqarnissaa Isumalioqatigiissitap misissuiffigaa. Misissuinerit taakku tunngavigalugit Isumalioqatigiissitaq naliliivoq, Nanortalimmi pisariitsumik mittarfiliornissaq imminut akilersinnaasoq, tak. immikkoortoq 9.2.

Ilanngussaq 7.1 Kalaallit Nunaata kujataani mittarfiup Narsarsuarmiit Qaqortumut nuunneqarnerani aningaasaqarnikkut sunniutaasussat

Kalaallit Nunaata kujataani mittarfik qitiusoq Narsarsuarmiit Qaqortumut nuunneqassappat, tamanna aningaasaqarnikkut ingerlaannaq sunniuteqartussaavoq.

Matuma kinguliani tassani ataasiaannartumik aningaasartuutissat aamma aningaasartuutissat ingerlaavartut akornanni immikkoortiterinerit nassuaasiorneqarput. Siullermik ataasiaannartumik aningaasartuutissat nassuaatigineqassapput, taakkunanilu sanaartugassanut aningaasaliissutissat pisariaqartineqartut nassuiarneqassapput, tamatumalu kingorna aningaasartuutissat ingerlaavartut nassuiarneqassallutik.

Sanaartugassanut aningaasartuutissat ataasiaannartumillu ningaasartuutissat allat

Assartuussineq pillugu Isumalioqatigiissitap Qaqortumi mittarfimmut inissiiffissani sisamani sanaartornissamut aningaasartuutissatut missiliorneqartunut siornatigut missingersuusiaasimasut aallaavigai, taakkuli akit qaffasissusaannut naatsorsuutigisanut qummut iluarsineqarput. Mittarfinnut inissiiffissani assigiinngitsuni sanaartornissamut angissusissaannullu 2000-imi, 2002-mi aamma 2004-mi missingersuusiortoqarpoq. Aamma 2008-mi missingersuusiat taakku iluarsineqarput, tak. skema B 7.1.1.

Takussutissiaq B 7.1.1 Qaqortumi mittarfiliornissamik pilersaarummi sanaartornermut aningaasartuutit

Najukkami mittarfik: 780 m / Ujaraaqqat / 1: 780 m / Ujaraaqqat / 2:	75 mio. kr. (07.2000) => 103 mio. kr. (07.2008) 85 mio. kr. (07.2000) => 112 mio. kr. (07.2008)
Nunap immikkoortuanit mittarfik: 799 m / Asfalti / 1: 799 m / Asfalti / 2: 1199 m / Asfalti / 1: 1199 m / Asfalti / 2: 1199 m / Asfalti / 3: 1199 m / Asfalti / 5:	177 mio. kr. (07.2000) => 242 mio. kr. (07.2008) 192 mio. kr. (07.2000) => 262 mio. kr. (07.2008) 217 mio. kr. (07.2002) => 286 mio. kr. (07.2008) 240 mio. kr. (07.2002) => 316 mio. kr. (07.2008) 407 mio. kr. (07.2004) => 509 mio. kr. (07.2008) 250 mio. kr. (07.2002) => 329 mio. kr. (07.2008)
Mittarfiit annerusut: 1799 m / Asfalti / 3:	947 mio. kr. (07.2004) => 1.184 mio. kr. (07.2008)

Nassuaat: Takussutissiaq matuma siulianiittoo najoqqutarisamit taaneqartumit toqqaannartumik tigusaavoq. aningaasartaliussap siulliuq kingorna ukioq ungaluusigaaq missiliunerpiami akinut tunngasuuvooq. Taassuma kingorna takussutissiami takuneqarsinnaasutut akit tamarmik najoqqutarisami 2008-mut siumut missiliugaapput. Missingersuusiat misissuinermi matumanii 2010-mi akinut siumut missiliorneqeqqipput. Mittarfiup 1199 m-ip inissiiffissaq 3-mi sananeqarneranut missingersuutit 509 mio. koruuninut missiliorneqarnerini 2008-mi akit atorneqarnerini 2010-mi akit atorlugit missingersuutit 534 mio. koruuniupput. Matuma siuliani takussutissiaq 7.2.2-mi NNV-mut aningaasartaliussat 641 mio. koruuniugaluartut, sanaartornermut aningaasartuutissanik allanik aningaasanut taakkununga ilanngussisimaned pissutaavoq. Tamatuma saniatigut sanaartugassanut aningaasartuutissat amerlaqatigiisillugit ukiunut marlunnut (2011-mut aamma 2012-imut) avinneqarnissaat, aammalu 2010-mut kingumoortumik nalilerneqarnissaat ilimagineqarpoq, tamannulu 509 mio. koruunit takussutissiami 7.2.2-mi toqqaannartumik nassaareqqinnejqarsinnaanginnerannut pissutaavoq. Mittarfimmut 1799 m-imut 2008-mi akit malillugit 1.184 mio. koruunit taaneqartut, 2010-imi akit malillugit 1.243 koruuninut siumut missiliorneqarput.

Najoqqutarisaq: Mittarfinnik annertusaaneq – 2008-mi killiffiit, Namminersornerullutik Oqartussat, Avatangiisut Attaveqarnermullu Aqutsisoqarfik.

Missingersuusiat qanoq ittuunissaat apeqqutaatillugu, sanaartugassanut missingersuusiat assigiinngitsunik nalornissuteqarfingeqarput. Assartuussineq pillugu Isumalioqatigiissitaq



aalajangerpoq, sanaartugassanut aningaasartutissat amerlassusilerneqarnerani malussajassutsimik naliliinermigut tamanna sillimaffiginiarlugu.

Erseqqissaatigineqassaaq, takussutissiaq B 7.1.1-imi sanaartugassanut missiliukkat mittarfimmik nutaamik sananermi pingarnernut aningaasartutissat tamarmik ilaatinneqarmata, tassungalu mittarfimmuit illoqarfimmuit aqqusinermik asfaltimik qallikkamik sananermut aningaasartutissat ilaapput. Taamaattorli hangarimik nutaamik sananermut aningaasartutissat ilaatinneqannngillat. Aningaasartutissat allassimasuni immikkoortunut nassuaatinut sukumiisunut nalunaarusiaq "Mittarfinnik annertusaaneq, 2008-mi killiffik" innersuussutigineqarpoq.

Takussutissiaq B 7.1.1-imi takuneqarsinnaasutut mittarfippiaap 1199 m-ip aamma 1799 m-ip Qaqortumi sananeqarneranut aningaasartutissat missiliorneqarnerat 534 mio. koruunit aamma 1.243 mio. koruunit akornannut killilerneqarput. Taakkut saniatigut ataasiaannartumik aningaasartutissat, matuma kinguliani allaaserineqartut allat aningaasartuuteqarfiusussaapput.

Missingersuusiat assigiinngitsut siumut missiliorneqarnerinut atatillugu oqartussaasut piumasaqaatigisinnasaat teknologillu nutaat eqqarsaatigineqanngillat, taamatullu missingersuutini saqqummiinneqartuni immikkoortiterinerit assigiinngitsut ilaasinnaallutik.

Hangari

Sullissisoq Qaqortumi hangarimik pisariaqartitsissasoq naliliisoqarpoq. Mittarfeqarfiiit qinnuigineqarnerminni hangarimik, Dash7/Dash 8-mik taamatullu qulimiguulimmik oqqusitsiviusinnaasumik, kiisalu sannavimmik, toqqorsivimmik il.il. inissaqartitsiviusumik sananissamut aningaasartutissat missiliorpai. Tassalu timmisartoq suluusalik qulimiguulillu angisooq hangarimi ataatsimi ataatsikkut inissaqassapput. Illu tamakkerluni 1.400 m^2 -nik angissusilimmik, aammalut m^2 -mut 18.000 koruuninik akeqartussatut (07.2008-mi akit) missiliorneqartumik sananissami sanaartornermut aningaasartutissat tamarmiusut (atortut il.il. ilanngulligit) 30 mio. koruuninik (07.2008-mi akit) akeqartussatut missiliorneqarpoq, tassalu 2010-mi akit atorlugit 31,5 mio. koruuniussallutik.

Atortunik atueqqinneaq

Mittarfimmik nuussinissaq pineqarmat, Narsarsuarmi atortorissaarutit atortullu ilaat Qaqortumi mittarfittaamut nuunneqarsinnaapput. Atortorissaarutit nuunneqarsinnaasut tassaapput qatserinermut atortut, attaveqaqatigiinnermut atortut il.il. Atortut qanoq amerlatigisut nuunneqarsinnaanersut ersarissumik naatsorsusuusiorneqanngilaq. Atortunik 10 mio. koruuninik nalilinnik atueqqittoqarsinnaassasoq missiliusoqarpoq (Mittarfeqarfiiit oqaloqtigineqarnerminni namminneerlutik naliliinerat).

Matusinermut aningaasartuutit

Narsarsuarmi mittarfiup matuneqarneranit illut, atortulersuutit sanaartukkallu nunap qaaniittut tamarmik peerneqarnissaat naatsorsuutigineqarpoq. Mittarfippiaap, aqqusernit, umiarsualiviup aamma ledningit kabelillu assaassat uninngatiinnarneqarnissaat naatsorsuutigineqarpoq. Matusinermut aamma avatangiisnik saliinissaq, uuliamik tunisassiat akuutissallu piiarneqarnissaat ilanngullugu, ilaatinneqarput.

Tunngavissat taakku atorlugit Narsarsuup matuneqarneranut aningaasartutissat siusinnerusukkut 17 mio. koruuninut missiliorneqarput, tak. nalunaarusiaq: Mittarfeqarfiiit 2000. *Mittarfinnik annertusaanermut ilaliussat, sanaartugassanut nassuaatit missingersuutillu*. Akit taakku tunngavigalugit siumut missiliuinermi nalinginnaasumi, killiffimmut nalunaarusiami *Mittarfinnik annertusaaneq, 2008-mi killiffik*, 04.11.2008-meersumi siumut missiliuineq assigalugu

missingersuutigineqartut 23 mio. koruuniupput (07.2008-imi akit). Akilli ullumikkumut ineriaartornissaat sillimaffiginiarlugu matusinermut aningaasartutissat 24 mio. koruuninut missiliorneqarput (2010-mi akit nalinginut). Namminersortut atortuisa peerneqarnissaannut aningaasartutissat misissuinermut ilanngunneqanngillat, aningaasartutissanut allanut naleqqiullutik ikittuaraasussatut missiliorneqarmata.

Isumannaallisaanermut killeqarfiiit (RESA)

Mittarfinni oqartussaasut (Angallannermut Aqutsisoqarfik) ukiuni tulliuttuni isumannaallisaanermut killeqarfilersuinissamut piumasaqaateqarnissaat naatsorsuutigineqarpoq. Angallannermut Aqutsisoqarfiiup Narsarsuarmi mittarfiup isuini minnerpaamik 90 x 90 m-it akuerissagaat ilimagineqarpoq. "Rear End Safety Areas"-imik (RESA) taaneqartut taakku atorneqalernerisigut Narsarsuup kujammut kitaanut isuani (mittarfik 25-ip isuani) sumiiffik tamakkerlugu (90 x 90 m) isumannaallisaanermut killeqarfiliisoqassaaq, kiisalu avannamut kitaanut isuani (mittarfik 07-ip isuani) immiinissat nunagissaanissallu ilaat amigaataapput, kiisalu isumannaallisaanermut killeqarfiiup 90 x 90 m-inut isumannaallisaanermut killeqarfiliinissamut piumasaqaatit minnerpaaffissaat naammassiniarlugit aqqusineq ungalullu nuunneqassallutik. Mittarfeqarfinnit ilisimatitsissutigineqarpoq, aqqusineq ungalullu 200 m-ingajannik nuuttariaqarnissaat naatsorsuutigineqartoq, aammalu nunaminertami 5.000 m^2 -nik annertussuseqartumi 25.000 - 30.000 m^3 -nik immiinissaq pisariaqartussaassalluni. Mittarfeqarfiiit tamatumunnga aningaasartutissat 5 mio. koruuninut missiliorpaat (07.2008-mi akit), tassalu 2010-mi akit tunngavigalugit 5,2 mio. koruuniussallutik.

Qaqortumi mittarfimmik 1199 m-imik sananermi isumannaallisaanermut killeqarfinnik (RESA) sananissaq pisariaqassanngilaq, tamanna mittarfinnik kisitsisinik 3-mik aamma 4-mik ilisarnaasikanik, tassalu 1200m-inik sinnerluguluunniit takissusilinnik sananermi taamaallaat piumasarineqartarmat. Qaqortumi Imarpik qulaallugu timmisartunut mittarfimmik 1799 m-imik sananissamut missingersuusiani RESA-mut aningaasartutissat ilaatinneqareerput, tassunga isumannaallisaanermut killeqarfimmut 90 x 90 m-imut aningaasartutissat ilaatinneqareermata. Taamaattumik Kalaallit Nunaata kujataani mittarfiup qitiusup Narsarsuarmiit Qaqortumut nuunneqarnerani Narsarsuarmi isumannaallisaanermut killeqarfilersuinissamut aningaasartutissat sipaardeqarsinnaassapput, aningaasallu taakku aningaasaqarnermut sunniutissat naatsorsorneqarnerinut ilaatinneqassapput.

Inisseeqqinnissamut atatillugu inissiat attaveqaatillu nutaat

Narsarsuaq matuneqarpat, innuttaasut Qaqortumut illoqarfinnulluunniit allanut nuuttussaapput. Tamatumunnga atatillugu inissianik attaveqaatinillu nutaanik sanaartornermut immikkut aningaasartuuteqartoqassaaq. Aningaasartutissat taakku amerlassusissaat nalileruminaattussaapput, ilaagit inissianik attaveqaatinillu piovereersunik atuinissamut periarfissaqarneq apeqqutaasussaammat.

Ullumikkut Narsarsuaq 160-it missaannik inoqarpoq¹⁴⁰. Qaqortumut nuuttut tamarmik inisseeqqinnejarnissaminnik pisariaqartitsissasut ilimagineqarpoq, naak ilaat Narsarsuarmiignarnissartik imaluunniit sumiiffinnut allanut nuunnissartik toqqartussaassagaluarat.

Illumi ataatsimi inuit agguaqatigiissillugit 2,5-iussappata, illumullu ataatsimut inisseeqqinnissamut aningaasartutissat agguaqatigiissillugit 1,5 mio. koruuniussappata, aningaasartutissat 96 mio.

¹⁴⁰ Najoqqutarisaq: Kalaallit Nunaanni naatsorsueqqissaartarfik



koruuninut naatsorsorneqarput.¹⁴¹ Aningasat taakku paaqqinnittarfiiit allineqarnissaannut attaveqaatinullu allanut atugassatut 10 mio. koruuninik amerlineqassapput, taamaalillunilu aningasartutissat tamarmiusut 106 mio. koruuninut missiliorneqarlutik.

Sanaartornermut aningasartuutinut tamarmiusunut takussutissiaq

Takussutissiaq B 7.1.1-imi mittarfik Narsarsuarmiit Qaqortumut nuunneqassappat, tamatumunnga atatillugu ataasiaannartumik aningasartutissatut ilangunneqartut eqqikkarlugit takussutissiorneqarput.

Takussutissiaq B 7.1.2 Mittarfiup Narsarsuarmiit Qaqortumut nuunneqarneranut atatillugu ataasiaannartumik aningasartutissat ataatsimut takussutissiorneqarnerat

Mio. kr.	1199 m (inissiiffissaq 3)	1799 m
Nutaamik mittarfiliormerut aningasartuutit (attaveqaatinut aningaasaleeqinnerit ilangullugit, hangar ilangunnagu)	534	1.243
Hangar	31,5	31,5
Atortunut Narsarsuarmiit nuunneqartunut sipaagassat	-10	-10
Matusinermut aningasartuutit	24	24
Sillimanissamut killeqarfii (RESA)	-5,2	-5,2
Innuttaasunut nuutinneqartunut inissiat attaveqaatillu nutaat	106	106
Katillugit	681	1.389

Nassuaat: Aserfallatsaaluiinermut, attaveqaatit ingerlasinnnaeranik qulakteerisussanut aningasartuuteqartoqartarnissa naatsorsuutigineqarpoq. Taamaattumik inuiaqtigii aningasaqarnerannik naliliinermut piffissap misissuiffiup naanerani naliusut sinneri, aningaasaliissutissat amerlaqataat ilangunneqarput. Tassanili mittarfimmik sanaartorneriamut aningasartutissat sinnerisa nalingat kisimi ilangunneqarpoq, tunngavissat allat ilaatinneqarrik.

Takussutissiaq B 7.1.2-imi takuneqarsinnaasutut mittarfik Narsarsuarmiit Qaqortumut nuunneqarnerani aningaasaliinissamut aningasartutissat ilangaaaseriikkat tamarmiusut mittarfimmum 1199 m-imut 681 mio. koruuniupput aamma mittarfimmum 1799 m-imut 1.389 mio. koruuniupput. Matuma siuliani takussutissiaq B 7.2.2-mi NNV-mut tamarmiusumut sanaartornermut aningasartutissani mittarfimmum 1199 m-imut 641 mio. koruuninik nalilerneqaraluartut, tamanna sanaartornermut aningasartutissat amerlaqtigisiillugit ukiunut marlunnut avinnejarnissaannut (2011-mut aamma 2012-imut) aammalu 2010-mut kingumut allanneqarnissaannut atatinneqassaaq.

Aningasartuutit ingerlaavartut

Narsarsuarmi mittarfik matuneqarnerani mittarfimmik tessani ingerlatsinermut aserfallatsaaluiinermullu aningasartuutinut ukiumoortumik sipaagaqartoqartalissaq. Tassunga taarsiullugu Qaqortumi mittarfik nutaaq ingerlatsinermut aserfallatsaaluiinermullu aningasartuutinik allanik nassataqartussavaq, taakkunani lu mittarfik takissusissaa aamma apeqqutaassaaq. Sipaagassat aningasartutissallu missiliorneqarnerini paassisutissat Mittarfeqarfinnit piissarsiarineqartut tunngavigineqarput.

¹⁴¹ Qaqortumi Kommune Kujalliu teknikkeqarnermut pisortaata paassisutissiinera tunngavigalugu illut agguaqatigisiillugit 100 m²-nik annertussuseqarnissaat, aamma m²-mut agguaqatigisiillugit 15.000 koruuneqarnissaat naatsorsuutigineqarpoq [inissiat 80-105 m²-inik angissuseqartut m²-mut 14-18.000 koruunit.]

Mittarfinnut akitsuutit

Erseqqissassallugu pingaaruteqarpoq, mittarfinnut akitsuutit bilitsit akiinut ilaatinneqartarmata, taamaattumillu angallannermut najoqqtassami sullisisut bilitsinit isertitassaasa allannguutissaannik, aammalut atuisut bilitsinut aningasartutaannut allannguutissanik naatsorsuinermut ilaatinneqarlutik. Tassalu mittarfinnut akitsuutit ittut aqqutigalugit isertitat allannguiteqarnerat tunngaviusumik matuma kinguliani naatsorsukkanut ilaatinneqanngillat, kisiannili inuiaqatigiit aningasaqarnerannik tamarmiusumik naliliinermi, soorlu takussutissiaq 7.2.2-mi ilaatinneqarlutik. Kisiannili ETOPS-imut il.il. allannguutit, angallannermut najoqqtassiornermut ilaatinneqanngitsut matuma kinguliani naatsorsorneqarput ilanngunneqarlutillu.

Narsarsuarmi ingerlatsinermut aningasartuutinit sipaakkat

Mittarfeqarfiiit Narsarsuarmi suliaminnut atatillugu ukiumoortumik ingerlatsinermut aserfallatsaaliuinermullu aningasartuutinut isertitanullu paasissutissanik tunniussippu¹⁴². Paassisutissat ”Aqtsinermi/Teknikkimit immikkoortortat”-nut, ”mittarfik”-mut, ”innaallagiaq, imeq kiassarnerlu”-mut aamma ”Hotel Narsarsuaq”-mut agguagaapput.

Akunnittarfik (matuma kinguliani sammineqartoq) ilangutissanngikkaanni ingerlatsinermut aningasartuutit tamarmiusut, nioqqtissanik atuineq (ikummatisamut timmisartuileqatigiiffinnut allanut tunineqartartunut annertuumik ilaatisiviusoq) ilanngunnagu, 28,3 mio. koruunitut naatsorsorneqarsinnaapput. Aningasat taakku mittarfippiamit, aqtsinermut teknikkeqarnermullu, kiisalu innaallagissamut, imermut kiassarnermullu aningasartuutit inerneraat, tassanilu ataatsimut aningasartuutit agguarneqartut ilaatinneqanngillat, taamaattumillu sipaagassatut nalilerneqaratik. Taamaattumik aningasartuutit 28,3 mio. koruunit kisimik Narsarsuup matuneqarnerani sipaardeqarsinnaasutut naliliiffigineqarput.

Qaqortumi ingerlatsinermut aningasartuutit

Qaqortumi mittarfiliassaq 1199 m-iusoq Kalaallit Nunaanni nunap immikkoortuini mittarfiliaasimasut kingulliit, amerlanerit 1199 m-inik tallineqarnissaminut piareersarneqarsimasut sananeqarneranni malitassiat assingat atorlugit sananeqarnissaa naatsorsuutigineqarpoq. Ullumikkut 1199 m-inik, Qaqortumi mittarfimmi 1199 m-iusumi ingerlatsinermut aningasartuutissanik naliliimissaq eqqarsaatigalugu toqqaannartumik assersunneqarsinnaasunik mittarfeqanngilaq.

Mittarfeqarfiiit ilisimatitsissutigaat, Narsarsuarmi ingerlatsinermut aningasartuutit tamarmiusut, mittarfippiami nioqqtissanik atuineq ilanngunnagu, ullumikkut 11,3 mio. koruunit missaanniittartut. Mittarfeqarfiiit naliliinerat malillugu Qaqortumi 1799 m-imik nutaamik mittarfiliortoqassappat, suliassanut taakkununnga aningasartuutissat 3 mio. koruunitik amerlanerussapput. 1199 m-imik mittarfiliornermi ingerlatsinermut aningasartuutissat ullumikkutupajaaq qaffasisssuseqassapput. Mittarfeqarfiiilli peqatigalugit mittarfinni allani (Nuummi, Ilulissani, Maniitsumi) aningasartuutinut assersuussinerit tunngavigalugit aningasartuutissaq 1 mio. koruunit missaannik ikinnerunissaat missiliorneqarpoq.

Mittarfippiamut sipaagassat saniatigut innaallagissamut, imermut kiassarnermullu aningasartuuteqartoqartussaavoq, kiisalu aqtsinermut teknikkimullu aningasartuutit sipaardeqarsinnaassapput, taakkununnga atortut Qaqortumi pigineqareermata. 2009-mi Narsarsuarmi innaallagissamut, imermut kiassarnermullu aningasartuutit 3,2 mio. koruuniusimapput, taakkulu Qaqortumi allannguuteqassanngitsut naliliisoqarpoq.

¹⁴² Paassisutissat mail-ikkut Mittarfeqarfinit maaqip ulluisa aqqarnanni nassiunneqartut (trans30 Narsarsuaq 110510.doc aamma Transport kommission NSSQ data 110510.xls).



Taakku tunngavigalugit mittarfimmut, aqtsinermut teknikkimullu, kiisalu innaallagissamut, imermut kiassarnermullu aningaasartutissat 1199 m-imik mittarfiliornermi 13,5 mio. koruuninut (11,3+1+3,2) aamma 1799 m-imik mittarfiliornermi 17,5 mio. koruuninut missiliorneqarput (11,3+3+3,2).

Akunnittarfimmik matusinermi sipaagassat

Narsarsuarmi akunnittarfiup ingerlanneqarneranut aningaasartuutit ullumikkut amerlaqataannik isertitaqartarnermit illuatungilerneqarneq ajorput. Mittarfeqarfiiit ilisimatitsinerat malillugu 2009-mi kaaviliaartitat 14,5 mio. koruuniusimapput, tassanilu ingerlatsinermut amigartoorutit 2,4 mio. koruuniusimallutik. Taamaattumik akunnittarfik matuneqarpat ingerlatsinermi 2,4 mio. koruuninik sipaagaqartoqassaaq.¹⁴³

Qaqortumi ilaasunik akunnittunik inissiisarnermut atatillugu akunnittarfinnik ingerlatsineq namminersortunit isumagineqassasoq ilimagineqarpoq.

Heliportit pioreersut

Qaqortup eqqaani mittarfiliornermi heliporti pioreersoq matuneqartussaavoq, qulimiguullillu angallanneranni mittarfik nutaaq toqqaannartumik atorneqalersussaammat, tassunga aningaasartuutit sipaardeqartussaallutik. Mittarfeqarfiiit ilisimatitsinerat malillugu Qaqortumi heliportip ingerlanneqarneranut ukiumut aningaasartuutit ullumikkut ukiumut 870.000 koruunit missaanniippuit¹⁴⁴

Aningaasartuutit taakku 1199 m-imik aamma 1799 m-imik mittarfiliornermi sipaarutissanut ilanngunneqarput.

Aqqusinniorissaq

Mittarfiup inissiiffissaq 3-mi sananeqarnerani aqqusineq asfaltimik qalligaq 10 km-it missaannik takissusilik sananeqartussaavoq. Tassunga aningaasartuutissat sanaartornermut aningaasartuutissanut ilaatinneqassapput, kisiannili aamma aqqusernup aserfallatsaaliorneqarneranut ukiumut aningaasartuutissanik atuisoqartartussaalluni. Aserfallatsaalieuineq km-imut 50.000 koruuninik akeqartussatut naliliiffigineqarpoq. Taamatut naliliineq sinerissap silaannaani aqqusinermut asfaltimik qalikkamut atuuppoq, tassalu inissiiffissaq 3-mi inissiinermi ukiumut katillugit 500.000 koruuniussallutik (ningaasartuutissat inissiiffissanut allanut, mittarfimmiit illoqarfimmut naannerusunik aqqusinilerneqartussanut naleqqiullugu ikinnerupput).¹⁴⁵

Ammatitsinermut akitsuutinit il.il. annaasat

Qaqortumi mittarfimmik naannerusumik, tassalu 1199 m-imik sanasoqassappat, mittarfeqarfiiit akitsuutinit isertitanik annaasaqassapput, tamanna pissappat ammatitsinermut akitsuutit ETOPS-inik taaneqartut atorunnaartussaammata, aammalu timmisartut ikaartaatitut atorneqartut akiliutaat pissarsiarineqarsinnaajunnaassallutik. 2009-mi isertitat Mittarfeqarfinnit ilisimatitsissutigineqartut tunngavigalugit katillugit 3,5 mio. koruunit missaanniissimapput.

¹⁴³ Ilasut Qaqortumut akimmittut akunnittarfinnut inissinneqartarneranni ingerlatsinerup tapiissutitaqanngitsumik namminersortunit ingerlanneqarnissaa matumani tunngavigineqarpoq.

¹⁴⁴ Najoqqutarsaq: Paassisutissat Mittarfeqarfinnit e-mail-ikkut nassiunneqartut (Transport kommission NSSQ data 290410.xls).

¹⁴⁵ Sisimiut Kangerlussuullu akornanni aqqusinniorissamut nalunaarusiaq, Sisimiut Kommune, 2003, qupp. 32 kiisalu ROADEX 2001. *Winter Maintenance Practice in the Northern Periphery*, ROADEX SUB PROJECT B PHASE I, 2001 tunngavigalugit missiliorneqartut.

Isertitassat taakku Qaqortumi 1799 m-imik nutaamik mittarfiliorqassappat annaaneqassanngillat, sullissinerit taakku ingerlatiinnarneqarsinnaassammata.

Kommunit aningaasartuutaanit sipaagassat

Narsarsuarmi mittarfik matuneqassappat, kommunip sullissineri arlallit atorneqarunnaartussaapput. Tassani assersuutigalugu allaffissorneq, meeqleriviit, atuarfinnik ingerlatsineq, eqqaavilerineq il.il. pineqarput. Sullissinerit taamaattut Qaqortumi allaniluunniit innuttaasunut neqeroorutigineqarsinnaassapput. Narsarsuarmi mikisunik ingerlataqarnermi akornutaasut pissutigalugit tamanna kommunimi aningaasartuutini sipaagaqarfiusussatut naliliiffiqeqarpoq.

Kommunip 2010-mi Narsarsuarmi aningaasartuutissanut missingersuutai katillugit 3,5 mio. koruunit missaanniittut KANUKOKA-mit ilisimatitsissutigineqarpoq. Suliat Qaqortumut nuuppata, taakkunangna 30 procentit sipaardeqarsinnaassasut ilimagineqarpoq. Taamaalluni ukiumut 1 mio. koruunit missaat sipaardeqarsinnaassapput.

Kommunini aningaasartuutit saniatigut Namminersorlutik Oqartussat akiligaannik aningaasartuuteqartoqarsinnaavoq, taakkulu aamma piissapput (umiarsualivinnik ingerlatsineq, peqqissaaveqarneq il.il.). Taakku misissueqqissaarnermut ilanngunneqanngillat.

Ingerlatsinermut aningaasartuutit allannguutissaannut ataatsimut takussutissiaq

Takussutissiaq B 7.1.3-mi Kalaallit Nunaata kujataani mittarfik Narsarsuarmiit Qaqortumut nuunneqassappat, ukiumut isertitanut/ningaasartuutinut allannguutissaasa aningaasaqarnermut sunniutissaanut Assartuussineq pillugu Isumalioqatigiisitap naatsorsorallagaanut ilaatinneqartut ataatsimut takussutissiorneqarput.

Takussutissiaq B 7.1.3 Mittarfik Narsarsuarmiit Qaqortumut nuunneqassappat isertitat aningaasartuutissallu ukiumoortumik allannguutissaannut takussutissiaq

Ukiumut mio. kr.	1199 m (inissiiffissaq 3)	1799 m
Narsarsuarmi ingerlatsinermut aserfallatsaaluiuinerellu aningaasartuutit sipaardeqartussat	28,3	28,3
Qaqortumi nutaamik mittarfiliornermi ingerlatsinermut aserfallatsaaluiuinerellu aningaasartuutit	-13,5	-17,5
Akunnittarfiup matuneqarnerani sipaagassat	2,4	2,4
Qaqortumi heliportip ingerlanneqarneranut aserfallatsaaliorneranullu aningaasartuutit sipaagassat	0,87	0,87
Nutaamik aqqusinikkut attaveqaateqalernermermi ingerlatsinermut aserfallatsaaluiuinerellu aningaasartuutit	-0,5	-0,5
Ammatitsinermut akitsuutit il.il. annaaneqartussat	-3,5	0
Kommunip aningaasartuutanni sipaardeqartussat	1,0	1,0
Ataatsimut katillugit	15,1	14,6

Takussutissiaq B 7.1.3-mi takuneqarsinnaasutut, ukiumoortumik ingerlatsinermut aningaasartuutit ilanngaaseriikkat allannguuteqarnerannut tunngatillugu mittarfiup Narsarsuarmiit Qaqortumut nuunneqarnerani mittarfimmut 1199 m-imut ukiumut sipaagassat 15,1 mio. koruuninik annertussuseqarput, aammalu mittarfimmut 1799 m-imut ukiumut sipaagassat 14,6 mio. koruuninik annertussuseqarlutik – tassalu aningaasartaliussat assigiingajallutik.



Takornariaqarneq

Kalaallit Nunaata kujataani angallannermi pissutsit allanngornerat takornariartartut amerlassusaannut sunniuteqassaaq. Piffissap angalaffiusup allanngornera tamatumalu saniatigut bilsit akiiisa allanngornerat, takornariat angalariaasiisa qanoq sunniuteqarfingineqarnissaannut aalajangiisuuussapput. Taakkut inuiaqatigiit aningaasaqarnerannik misissueqqissaarnermut pingaarutaat malussajassutsimik misissuinikkut qulaajarmeqarput, tak. matuma kinguliani allassimasut.

Takornariat amerleriarnissaat

Qinigassani 1199 m-imik aamma 1799 m-imik mittarfiliornermi bilsinut akit agguaqatigiissillugit allannguutissaat aallaavigalugit, takornariat amerlassutsimikkut allannguutissaat -1 missaanniittut, takornarianut akit ataatsimut nikerarsinnaassusiisut naatsorsuutigineqartut tunngavigalugit naatsorsorneqarput.

1199 m-imik mittarfiliornermi takornariamut ataatsimut bilsip allannguutissaag agguaqatigiissillugu +27 %-inut naatsorsorneqarpoq, kiisalu 1799 m-imik mittarfiliornermi -4 %-inut naatsorsorneqarluni – taakkunani marluusuni pissutsit tunngaviusut aallaavigineqarput.

Tamanna tunngavigalugu 2010-mi 1199 m-imik mittarfiliornermi takornariat amerlassutsimikkut allannguutissaat -19%-inut naatsorsorneqartut, 1799 m-imik mittarfiliornermi +4%-inut naatsorsorneqarput.¹⁴⁶

Takornariat atuinerisa nalingat

Takornariat atuinerminnut aningaasartuutaat nalinginnaasut, *tassalu aningaasartuutit timmisartumik assartuussinermut tunngasunngitsut*, Kalaallit Nunaanni Takornariaqarnermut Inuussutissarsiornermullu Siunnersuisoqatigiit (GTE) paasissutissaataat tunngavigalugit Isumalioqatigiissitap missiliorpai, tak. takussutissiaq 3.2.6. Takornariat ataatsimoortut assigiinngitsut aningaasartuutaannut missiliuinerit, timmisartumik assartuussinermut aningaasartuutit saniatigut aningaasartuutigineqartartut taakku, takornariat amerlinerisa inuiaqatigiit aningaasaqarnerannut nalingannik isumaliutersuutit ingerlateqqinneqarnerini atorneqarput.

Takornariap ataatsip najugaqarnerminut ataatsimut atugai 5.600 koruunerpianut missilorneqarput, tak. Ilanngussaq 8.1. Atukkanut aningaasartuutit nalinginnaasut qaffaataasa affaat kisimik isertitat amerlinerinik tunngaveqartutut ilimagineqarsinnaavoq, takornariat pisiarisartagaannut tunisassiassat assigisaallu ilaammata. Tunngavissaq ½ aamma ilanngussaq 1.1-imi nassuarneqartutut, siunissamut ungasissumut agguaqatigiissitsilluni tunngavigineqartussanut, Assartuussineq pillugu Isumalioqatigiissitap isumaliutersuutaanut tunngavigineqartunut attuumassuteqartutut nassuarneqartariaqarpoq. Siunissaq qanittoq eqqarsaatigalugu tunngavissaq annertuneruvoq, taamatullu ukiut arlallit ingerlanerini appariartortussaallumi. Tassalu takornariap ataatsip najugaqarnerminut ataatsimut atugaasa 5.600 koruunerpiannerat tunngavigalugu, isertitassat 2.800 koruuninik ilaneqarnissaat ilimagineqarsinnaavoq. Tamatuma saniatigut ilaasunut akitsuutit ilanngunneqartussaapput. Ilanngussaq 1.1 naapertorlugu ilaasunut akitsuutip 500 koruuneqarnerani takornariamut ataatsimut isertitassat tamarmiusut naatsorsorneqarneri ilanngunneqarput. Tassalu ulluni arlalinni takornariartartut saniatigut sunniutissat katillugit 3300 koruuniupput (2800 + 500).

¹⁴⁶ Akit nikerarsinnaassusianni tunngaviusumik -1 naatsorsuutigineqaraluarpuunniit, 27%-inik akitsuinerup kingunerisaanik takornariat 19%-iinnarnik ikilissappata, tamanna tunngaviusumik akit nikerarsinnaassusiisa -1-iinnarmik naatsorsorneqarneranut atatinneqarpoq. Tamatumunnga tunuliaqtutit piumasaqqassutsip misissuiffingineqarnerani akit malussajassusiat akit annertussusilermeqartarnerat ilutigalugu tammariartortussatut ilimagineqarpoq.

Isertitat qaffaatissaat taakku takornariat sunniutissaat, suliassami maannakkut naliusut ilanngaasereerlugit aamma suliassaqrifiup iluani ernianik naatsorsuinermut tunngavigineqarput.